

Հակոբ Պարոնեան



ՄԵԾԱՊԱՏԻՎ ՄՈՒՐԱՑԿԱՆՆԵՐԸ

Ա

Հազար ութը հարյուր յոթանասու... չեմ հիշեր՝ քանիին, սեպտեմբերի երեսունը մեկին, — ներեցեք, երեսունին պիտի ըսեի, վասն զի սեպտեմբերն երեսուն օր միայն ունի, — երկար եւ ընդարձակ թիկնոցի մը մէջ փայթաթված միջահասակ եւ գիրուկ մարդ մը, որ Տրապիզոնի շոգենավէն նոր ելած էր, Ղալաթիո նավամատույցին վրա կայնած՝ նավակէ մը յուր սնդուկները հանել կաշխատեր:

Կը տեսնէք՝ որչափ պարզութեամբ սկսաւ: Պատմությունս հետաքրքրական ընելու ջանքով եւ անկից քանի մը հարյուր օրինակ ավելի ծախելու համար չըսի, թէ նույն օրն սաստիկ հով մը կար, թէ տեղատարափ անձրեւ կուգար, թէ խառն բազմություն մը հետաքրքրութեամբ դէպի Ղալաթիո հրապարակը կը վազեր, թէ ոստիկանությունն աղջիկ մը ձերբակալած էր եւ այլն խոսքեր, որովք վիպասաններն կսկսին միշտ իրենց վեպերը: Ես ալ կրնայի ըսել այս ամենը, բայց չըսի, որովհետև նույն օրն ոչ հով կար, ոչ անձրեւ, ոչ խուռն բազմություն եւ ոչ ձերբակալված աղջիկ մը:

Արդ, առանց կասկածելու հավատացե՛ք պատմութեանս, որ ժամանակակից դէպք մ'է:

Այս ճամփորդն օժտված էր գույգ մը խոշոր եւ սեւ աչքերով, գույգ մը հաստ, սեւ եւ երկար հոնքերով, գույգ մը մեծ ականջներով եւ գույգ մը քիթեր... չէ՛, չէ՛, մեկ քիթով, թէպէտեւ բայց գույգ մը քիթերու տեղ կրնար ծառայել. անոր մեծությունը սխալեցուց զիս: Ուներ այնպիսի նայվածք մը, որուն եթէ պ. Հ. Վարդովեան<sup>[1]</sup> հանդիպեր յուր աչքերով, կը հարցուներ այդ մարդուն. «Ի՞նչ ամսական կուգես՝ թատրոնիս մէջ սպուշի դեր կատարելու համար»:

Սնդուկներն եւ անկողինն, որ քուրջի մը մէջ ներկայված էին, նավակէն հանելուն պէս ճամփորդն քաշեց քսակն ու նավավարին իրավունքը վճարելով՝ բեռնակիր մը կանչեց: Հինգ բեռնակիրներ ներկայացան իրեն: Տարակույս չկա, որ եթէ հինգ կանչեր, քսան եւ հինգ պիտի ունենար յուր առջեւ մայրաքաղաքիս սովորութեանը համեմատ:

— Ո՞ր կողմ պիտի երթաք աղա, — հարցուց բեռնակիրներէն մին՝ մեկ ոտքը սնդուկներէն միայն վրա կոխելով:

— Բերա, Ծաղկի փողոց, թիվ 2 պիտի երթամ, — պատասխանեց խոշոր մարդը:

— Շատ աղէկ, հասկցա, Բերա, Ծաղկի փողոց... պատվական փողոց մ'է, — ըսավ հարցումն ընող բեռնակիրն եւ սնդուկին մեկն ալ շակեցելով սկսավ երթալ:

— Ծաղկի փողոցն ես ալ գիտեմ, — ըսավ երկրորդ բեռնակիրն եւ սնդուկին մեկն ալ ինք առնելուն պէս Բերայի ճամփան բռնեց:

— Ես ամեն օր կերթամ Ծաղկի փողոցն, — ըսավ երրորդն եւ մարդուն անկողինը գետնէն վերցնելն, կռնակին վրա առնելն ու վազելն մեկ ըրավ:

*/ 1 Հակոբ Վարդովեանը 70-80-ական թվականների անվանի գործիչ էր, դերասան, թատրոնական խմբերի կազմակերպիչ /*



Այս գործողություններն այնքան արագութեամբ կատարվեցան, որ մարդը շվարելով սկսավ չորս կողմը նայիլ տեսնելու համար բեռնակիրներն, որ բազմութեան մեջ անհայտ եղած էին:

— Ի՞նչ խայտառակություն է սա, — պռռաց վերջապէս ոտները գետինը զարնելով, ո՞ր տարին անկողինս եւ սնդուկներս, ատոնք ի՞նչ իրավունք ունին իմ անկողնուս եւ սնդուկներուս խառնվելու, ի՞նչ աներես մարդ են եղեր այս տեղաց մարդերը. ինչ որ կը տեսնեն, կտանեն, կը տանին:

— Ծաղկի փողոցը մենք ալ գիտենք, աղա, մեզի ալ բան մը տուր, որ տանինք, — ըսին միուս երկու բեռնակիրները:

— Ծաղկի փողոցն ալ գետնին տակն անցնի, դուք ալ, — պատասխանեց մարդն, որուն այտերն նեղութենէ կարմրիլ սկսած էին:

Երկու բեռնակիրները խնդալով հեռացան. եւ ճամփորդն ալ յուր սնդուկներուն ետևէն երթալ կը պատրաստվեր, երբ բարձրահասակ, թխադեմ, փոքր աչերով մարդ մը ուսերը տնկած, ձեռները շփելով եւ բռնագրոսեալ ժպիտով մը մոտեցավ անոր եւ քաղաքավարական ձևով մը ձեռները բռնելով հարցուց.

— Դո՞ւք էք, Աբիսողոմ աղա, ե՞րբ եկաք, ո՞ր շոգենավով եկաք, ի՞նչպէս էք, ձեր եղբայրն ի՞նչպէս է, ազգային գործերն ի՞նչպէս են Տրասպիզոն, հացին գինը քա՞նի է հոն, անձրեւ եկա՞վ այս օրերս ձեր քաղաքը... վայ, Աբիսողոմ աղա, վայ...

— Ես եմ Աբիսողոմ աղան, հիմա եկա, տաճկի շոգենավով եկա, շատ աղէկ եմ, եղբայրս ալ աղէկ է, ազգային գործերն ալ աղէկ են Տրասպիզոն, հացին գինը մէկ դահեկան[2] է, անձրեւ չեկավ այս օրերս մեր քաղաքը, — պատասխանեց փութով թիկնոցաբնական առանց ճանաչելու այս անձն:

— Ներեցէք, թողություն ըրէք, որ չկրցի մինչև շոգենավ գալ զձեզ դիմաւորելու համար: Ինձի գրված էր Տրասպիզոնէն, որ այս շաբթու անպատճառ հոս պիտի գաք...

— Ես ատանկ բաներու չեմ նայիր:

— Արդարեւ մայրաքաղաքս ինքզինքը բախտավոր համարելու է ձեզի պէս պատվական ազգային մը, շնորհալի երիտասարդ մը, ողջամիտ մէկը...

*/ 2 դահեկան — դրամ (8-ից 10 մանրադրամի չափ) /*

- Մտրուկներս...
- Ազնիվ սիրտ մը, վեհանձն հոգի մը...
- Բեռնա...
- Հայրենասեր անձ մը...
- Կիրները...
- Ազգասեր, ուսեալ, կրթեալ...
- Մտրուկ...
- Դաստիարակեալ...
- Ներս առին, տարին...
- Ազնվասիրտ, ազնվախոհ, ազնվադէմ մէկը իր մէջ ունենալու համար:
- Մտրուկներուս մէջ ստանկ բաներ չկան,— պատասխանեց Արիստոյոմ աղան քաղել սկսելով՝  
բեռնակիրները գտնելու համար:
- Թէպէտեւ դուք զիս չեք ճանչնար, բայց ես ձեր գերդաստանը խիստ լավ կը ճանչնամ.  
ձեր լուսահոգի հայրն իմ լրագրույս բաժանորդ էր: Շատ բարի մարդ մ'էր, աղքատներուն  
ողորմութիւն կուտար, աղքատ աղջիկներ կը կարգէր եւ իրեն դիմողներուն բարություն կրներ:  
Ասանկ ողորմած մարդերը շատ ապրելու են, բայց, ի՞նչ օգուտ, անգութ մահը միշտ բարիները  
կտանէ եւ թող կուտա չարերն, որ ազգին չարությունն ընեն: Թողունք սակայն հիները և ուրիշ  
բանի վրա խոսինք: Շոգենավուն մէջ հանգի ստ էիք:
- Շատ հանգիստ էի, պատվականապէս կերա, խմեցի եւ պտկեցա,— պատասխանեց  
Արիստոյոմ աղան՝ քայլերն շուտ առնել սկսելով:
- Եթէ հանգիստ չըլլայիք, վաղվան լրագրույս մէջ պիտի գրէի եւ ընկերութեան  
ուշադրությունը պիտի հրավիրէի,— ըսավ խմբագիրն ետեւէն վազելով:
- Շնորհակալ եմ:
- Կաղաչեմ, ըսէք ինձի, քանի՞ տարեկան էք:
- Քառասուն:
- Վաճառական էք, կարծեմ:
- Այո... եթէ անցագիր պիտի շինել տաք, հարկ չկա, վասն զի հաստ մը ունիմ:
- Չէ, վաղվան թերթիս մէջ պիտի գրեմ, որ առջի օրը Տրասպիգոնէն մայրաքաղաքս եկավ  
մեծապատիվ Արիստոյոմ աղա երեւելի վաճառականն, որ յուր լեզվագիտութեամբ եւ  
վաճառականական հմտութեամբն ծանոթ է մեր ազգայիններուն: Տաճկերէն գիտէք կարծեմ:
- Ո՛չ:
- Ֆրանսերէ՞ն:
- Ո՛չ:
- Անգղիերէ՞ն:
- Ո՛չ:
- Գերմաներէ՞ն:
- Ոչ:

- Վնաս չունի, ես լեզվագետ պիտի ըսեմ ձեզի համար եւ ձեր վրայոք գովեստով պիտի խոսիմ:
- Ամեն Պոլիս եկողներուն անունները ձեր թերթին մէջ կը գրէք:
- Գրեթէ ամենն ալ, եթէ ձեզի պէս պատկավոր ազգայիններ ըլլան:
- Պոլիսէն գացողնէն ալ կը գրէք:
- Գրեթէ կը գրենք, եթէ պատկավոր ազգայիններ ըլլան:
- Շատ լավ, իմ անունս ալ գրեցէ՛ք, ես ալ պատկավոր ազգային մ'եմ: Մեր քաղքին մէջ արտերու, եզերու, կովերու եւ ազարակներու տէր եմ... Ասոնք ալ գրէ՛, – ըսավ այնպիսի դէմքով մը, որ կը հայտնէր, թէ մեծ շահ մունէր այս խոսքերուն հրատարակութեանը մէջ:
- Հոգ մի՛ ընէք. խղճի եւ արդարութեան պարտք մը կատարելու համար անոնք ալ կը գրեն:
- Երկու-երեք հասո սպասավոր ալ ունիմ... անոնք ալ լրագրույդ մէկ կողմը կրնա՞ս անցունել:
- Ինչո՞ւ չէ:
- Ոսկիէ ժամացույց եւ շղթա ալ ունիմ, բայց շոգենավուն մէջ չգողցնելու համար վրաս չառի. անոնք ալ գրել պէ՛տք է, – հարցուց Աբիսողոմ աղան, որ բոլորովին մոռցած էր սնդուկները:
- Ասոնք գրելու հարկ չկա:
- Շատ լավ, բայց մյուս ըսածներս լրագրույդ մէջ ամենէն առաջ դիր, որ կարդան:
- Այնպէս ընելու միտք ունիմ:
- Խոշոր գրերով գրէ՛:
- Հանգիստ եղէք. ամենէն խոշոր գրերով:
- Միայն հարուստ մարդերուն գալն եւ երթալն կը գրէք... այնպէս չէ՞:
- Այո:
- Եթէ աղքատ մարդերն ալ կը գրէք, չեմ ուզեր, որ իմ անունս...
- Բնավ երբէք, ստակ չունեցողներուն անունները բնավ չենք գրեր, նույնիսկ եթէ հազար ոսկի ալ տված ըլլան դպրոցի մը շինութեան համար:
- Ըսել է որ դուք ամեն իրիկուն հոս կապասէք Պոլիս եկող կամ անկից մեկնող հարուստները տեսնելու և անոնց անունները հրատարակելու համար, որպէսզի ժողովուրդն գիտնա, թէ ով եկած է եւ ով գացած է... Տարակույս չկա, որ վաղը իրիկուն իմ անունս պիտի կարդամ ձեր լրագրին մէջ:
- Այո՛, ձեր հասցէն տվէք, որ տեղական թղթատարով դրկեմ լրագիրը:
- Բերա, Ծաղկի փողոց, թիվ 2:
- Շատ աղէկ, – ըսավ խմբագիրն եւ գրպանէն թուղթ մը հանելով բաժանորդներուն ցուցակին մէջ անցուց Աբիսողոմ աղան:
- Վաղը առտու լույսը չճղքված դրկէ, որ կարդամ իմ անունս լրագրին մէջ:
- Իրիկվան դէմ կը դրկեմ, վասնզի լրագիրս իրիկունները կը տպվի:
- Որչա՛ս փ ուրախ կըլլայի, թէ ձեր վաղվան լրագիրն առտուն տպէիք... Բայց վնաս չունի, իրիկվան թո՛ղ ըլլա, բավական է. որ անունս խոշոր գիրերով գրվի:
- Այդ մասին հանգիստ եղէ՛ք. վաղը իրիկուն անպատճառ կը դրկեմ լրագիրն ընկալագրով:
- Ընկալագրո՞վ... Տեղական թղթատարով պիտի դրկէիք հապա... Ընկալագիրն ո՞վ է, անունս գիտէ՞ ...
- Ընկալագիրն թուղթ մ'է, որուն մէջ կը գրեմ. «Ընկալա մեծապատիվ Աբիսողոմ աղայն... լրագրո տարեկան բաժանորդագին մէկ ու կէս ոսկի». եւ այդ թուղթը ձեզի կը հանձնեմ, որով տարի մը իրավունք կունենաք իմ լրագիրս ընդունելու:

- Տարի մը շարունակ պիտի գրե՞ք իմ անունս:
- Չէ, բայց դուք բաժանորդ պիտի ըլլաք իմ լրագրոյս՝ մէկ ու կէս ոսկի վճարելով ինծի:
- Մէկ ու կէս ոսկի՞ ... շատ է... երեք քառորդ ոսկի չբա՞վեր:
- Խմբագիրները բաժանորդագնային վրա սակարկոյթուն չեն ընէր...:
- Շատ լավ. դրկեցէք ձեր լրագիրն եւ այն թուղթը, բան մը կրնէնք:
- Սակայն չկարծէք, թէ ես բաժանորդ գրելու նպատակով զձեզ տեսնելու եկա, քսով լիցի, այդ պատիկոյթունը չեմ ընդունիր. բարեկամական պարտք մը կատարելու համար եկա զձեզ տեսնելու:
- Հայտնի բան է:
- Բնավ ձեր մտքէն չանցունէք, թէ այս մարդը մէկ ու կէս ոսկի փրցնելու համար զիս տեսնելու եկավ:
- Չեմ անցունէր:
- Վասնզի կան իսկ մը մուրացկան խմբագիրներ, որք Պոլիս եկողները կողոպտելու համար անոնց քովը կերթան եւ բաժանորդ կը գրեն զանոնք. ես այդ բանը չեմ կարող ընել, վասնզի բնութեանս մէջ չկա... ես իբրեւ պատվավոր մարդ կուզեմ սպրիլ:
- Հասկցա, իբրեւ պատվավոր մարդ կուզէք սպրիլ:
- Ինձ հետ ձեր ունեցած այս տեսակցոյթունն ալ ուրիշի մի՛ գրուցէք, վասնզի տեսակ մը բախտանդիր, չվառական անձեր կան, որք բանդագուշական կենսագրոյթուններ կը գրեն եւ իմ անձնականութիւնս կը խծբծեն:
- Կը հասկնամ, անձնականութիւնդ կը խծբծեն:
- Օրինակի համար սա պարագային մէջ հանցանք մ՛ ունի՞մ ես. զձեզ դիմաւորելու եկա եւ խոստացա ձեր անունը լրագրոյս մէջ հրատարակել. դուք ալ իբրեւ ողջամիտ ազգային մը բաժանորդ գրվեցաք. կաղաչեմ, ըսէք, ձեր կոկո՞րդը տղմեցի, որ ինծի բաժանորդ գրվիք:
- Ամենեւին:
- Ատրճանա՞կ ցցուցի:
- Բնավ երբէք:
- Դանա՞կ քաշեցի:
- Ոչ. բայց ուրիշ տեղեր ատրճանա՞կ կամ դանա՞կ ցցունելով բաժանորդ կը գրեն:
- Ատ ըսել չեմ ուզեր, սա ըսել կուզեմ, որ դուք ձեր հոժար կամքով բաժանորդ գրվեցաք:
- Այո՞:
- Եվ ես վեհանձնաբար վարվեցա այս պարագային մէջ:
- Տարակոյս չկա:
- Չվարվեցա այն խմբագիրներուն պէս, որք օտարականի մը Պոլիս գալն իմանալուն պէս՝ վազելով անոր տունը կերթան բաժանորդ գրելու համար:
- Այդ չվառականներն իրավունք չունին քու անձնականութիւնդ խծբծելու... դուն վստահ եղի՛ր ինծի...
- Շնորհակալ եմ ձեզմէ. մնաք բարով Արիստոտել աղա՛. օր մը մեր խմբագրատունը հրամանեցէք խահվէ մը խմելու:
- Շատ աղէկ. օր մը կուգամ: Վաղվանին մէջ անցունելու չմոռնաք:
- Անհոգ եղէք:

Աբխաղոմ աղան եւ խմբագիրն բաժնակցան իրարմէ Բերայի քառուղւոյն առջեւ, ուր հասած էին խոսելով:



Աբխաղոմ աղան առանձին մնալով սկսավ ճամփան շարունակել՝ ինքն իրեն հետևյալ խորհրդածություններն ընելով. «Ես ինքզինքս չէի կարծեր այն չափ մեծ մարդ, որչափ որ կը կարծէ այս խմբագիրն. բայց հարկավ այն ինձմէ աղէկ գիտէ իմ որչափ մեծ ըլլալս, վստանալի խմբագիր մ'է եւ ուսումնական է...: Վաղը լրագրի մէջ իմ անունս տեսնողները անշուշտ իրար պիտի անցնին եւ հետաքրքրություն պիտի ունենան ինձի հետ տեսնելու. վաղը պետք է որ կիրակի օրվան հագուստներս հագնիմ եւ ոսկիէ ժամացույցս ու շղթասս սլ դնեմ. սպասավորներս ալ հետս բերելու էի ո՞վ գիտեր...: Ամէն մարդ պիտի իմանա վաղը, որ մեծ մարդ մը եկած է Կ. Պոլիս. ազնվախոհ, ազնվասիրտ, լեզվագէտ, ուսումնական, դաստիարակեալ, կրթեալ եւ այլն մէկը, եւ յուրաքանչյուր կնիկ պիտի ըսէ իր էրկանը. «Մեր աղջիկը սա Աբխաղոմ աղային տանք»: Էրիկն ալ պիտի պատասխանէ կնկանը. «Նայինք՝ Աբխաղոմ աղան մեր աղջիկը կտռնէ՞, անիկա հարուստ տեղէ մը աղջիկ առնել կուզէ հարկավ»: Այս պատասխանին վրա էրկան եւ կնկան մէջ վեճ մը պիտի ծագի եւ իրարու գլուխ պիտի պատռեն. որո՞ւ հոգ...: Անունիս լրագրին մէջ անցնիլն սա օգուտն պիտի ունենա, որ երկու օրվան մէջ հարուստ աղջիկ մը առնելով պիտի լրմնցունեն ամուսնութեան գործն, որու համար միայն եկած եմ հոս... այս ամուս...»:

Առյուս բեռցված էշերու կարավանէն էշ մը բախվելով Աբխաղոմ աղային դէմ՝ ընդմիջեց զայն իր խորհրդածություններու մէջ, ուր ընկղմած ըլլալով ուշադրություն չէր ընէր առջեւէն եկող էշերուն, որովք լի է միշտ Բերայի մեծ փողոցը:

- Մէկրի կեցիր,— ըսավ իշավար պարսիկն Աբխաղոմ աղային՝ արդարացնել ուզելով յուր էշը:
- Ատ խոսքը առաջ ըսելու էիր, որ զգուշանայի,— պատասխանեց Աբխաղոմ աղան եւ ճամփան շարունակեց:

Բ

Բեռնակիրներն ոչ լասած եւ ոչ ալ տեսած էին Ծաղկի փողոցն, բայց քաջազարկով կարգ մը մարդերէն, որք գիտնալ կը ձևացունէն, ինչ որ չեն գիտեր, եւ որք խիստ բազմաթիվ են մեր ազգին մէջ, համարձակած էին ըսել Աբիսողոմ աղային, թէ շատ աղէկ գիտէին Ծաղկի փողոցը:

Բեռնակիրներուն այս հանդգնությունն այնքան պարասավելի չէ, որչափ այն մարդերունն, որ խոհարարություն ուսած են եւ բանադասություն կրնեն, կամ քիչ մը երկրաչափութեան պարասած ըլլալով՝ աստղերուն շարժումներուն վրայոք կը ճառեն, կամ երկու սագ եւ չորս կով մեծցուցած ըլլալով՝ դաստիարակութեան խնդիր կը հուզեն, կամ զավակ մ'ունեցած ըլլալով՝ առաջին մարդուն ո՛ր աշխարհի մէջ ծնած ըլլալուն վրա կատենաբանեն, կամ վերջապէս անանկ նյութի մը վրա կը խոսին, որ բոլորովին օտար է իրենց, այո՛, այս մարդերուն հանդգնությունն սովելի է, վասնզի բանադասությունն կամ աստղագիտությունն կամ մանկատաճությունն եւ այլն Ծաղկի փողոց չէ, որ ուրիշներուն հարցնելով անմիջապէս սորվի մարդ: Եվ արդարեւ բեռնակիրներն, ամեն քայլափոխին, իրենց դէմն ելնողներուն հարցունելով՝ անմիջապէս գտան Ծաղկի փողոցն եւ թիվ 2 տան դուռը զարկին. մինչդեռ եւ շատ աստե՛նաբաններ[3] մտիկ ըրած են, որ յոթը-ութը ժամ շարունակ խոսելով՝ չեն կարողացած իրենց փնտրած փողոցը գտնել եւ սոխաված են ուրիշ փողոցներու մէջ թափառիլ եւ թափառեցնել իրենց ունկնդիրներն՝ անոնց քթէն բռնելով:

Բեռնակիրները դուռը զարնելուն պէս դուռը բացվեցաւ եւ ներկայացաւ իրենց թուխ եւ երկար դէմքով կին մը, որուն դէմքին վրա ժամանակն այնքան զծեր զծած էր զայն սրբագրելու համար, որքան որ կը գծէ «Մասիսի»[4] խմբագիրն յուր չորս տող մէկ ձեռագրին վրա, որ կամ մէկուն վախճանիլը կիմացունէ եւ կամ ուրիշի մը կարգվիլը: Բեռնակիրները դռնէն ներս մտնելով բեռները գետինը ձգեցին եւ սկսան իրենց քրտինքը սրբել:

— Աբիսողոմ աղային ըլլալու են ասոնք, այնպէս չէ՞, — հարցուց բեռնակիրներուն թխատէմ տիկինը:

— Անունը չըսա՞վ մեզի, — պատասխանեց բեռնակիրներէն մին՝ սեւ թաշկինակովն գլխուն քրտինքը սրբելը շարունակելով:

— Ի՞նչ տեսակ մարդ էր:

— Խոշոր թիկնոց մը հագած էր:

— Ի՞նչ գույնով էր, ճերմակ թէ թուխ:

— Ո՛չ, սեւ էր:

— Սե՛ւ էր:

— Այո, սեւ, բայց աղվոր, անոր փայտը վողը ձմեռը չմրսիր:

— Ատ ի՞նչ խոսք է, փայտը վիլն ի՞նչ պիտի ըլլա... Ես քուկին գիտցած կնիկներէն չեմ, հասկցա՞ր, — ըսա՞վ տիկինը յուր խոսքերը շեշտելով:

— Վնասակար բան մը չըսի. փայտը վելով ի՞նչ կըլլա եղեր, — պատասխանեց բեռնակիրն աթոռի մը վրա փռելով յուր թաշկինակն:

— Ատկէ ամելի վնասակար ի՞նչ կրնա ըլլալ:

— Շատ բարակ բաներու մեր խելքը չպատկիր:

— Ես կը պատկեցունեմ... դուն գիս կը ճանչնա՞ս...:

— Փայտը վելէն ի՞նչ վնաս կուգա:

— Ես երիկ ունիմ, ինչու պիտի փայտը վիլն եղեր անոր:

— Էրիկ ունեցողներն ալ կը փայտը վիլն. Էրիկն ուրիշ, աս ուրիշ. աս կը տաքցունէ: Ըսենք, որ ձմեռը գիշեր մը դուրս ելար, փողոցին մէջ երկանդ չես կրնար փայտը վիլ, բայց աս կրնակդ կաննես...:

/ 3 աստե՛նաբան — ճառախոս

4 «Մասիս» — պահպանողական շաբաթաթերթ էր, հետագայում օրաթերթ եւ դարձեալ շաբաթաթերթ, հրատարակվել է Պոլսում 1852-1889թթ./



- Աբխաղոմ աղան:
- Թիկնոցը, տիկին... Աբխաղոմ աղան կոնակի վրան կառնվի<sup>5</sup>:
- Մինչեւ հիմա թիկնոցի վրա կը խոսէիր:
- Խոսքերնիս թիկնոցի վրա չէ՞ր մի... Հասցա դուն ի՞նչ հասկցար:
- Ես հասկցա, որ Աբխաղոմ աղային փաթտրվելու է, կրսես:
- Տէր ողորմես, Տէր ողորմես, Տէր Աստված,— ըսավ բեռնակիրն՝ թաշկինակը քաշելով այթռէն:

Տիկինն բեռնակիրին տված բացատրութենէն գոհ ըլլալով, հրամայական եղանակով մ'ըսավ.

- Աս անկողինն եւ անդուկներն վե՛ր հանեցէք:
- Բեռնակիրներն հնազանդելով բեռներն նորէն վերցուցին, եւ հագիվ թէ սանդուղին առաջին աստիճանին վրա կոխած էին, տիկինն պոռաց.
- Լեռնէ՛ն եկաք դուք:
  - Ոչ, մեծ փողոցէն եկանք:
  - Գիտեմ, որ մեծ փողոցէն եկաք. այդ ոտքի ամաններով վեր կելնվի՞. տեսէք՝ ի՞նչ ըրիք տախտակներս, ես այսօր սրբեցի զանոնք, եւ հոգիս բերանս եկավ:
  - Ի՛նչ ընենք, ուրիշ ոտքի աման չունինք:
  - Ինչո՞ւ կայներ երեսս կը նայիք, չհանէ՞ք տվոնք:
  - Մի պոռար, տիկին, մի պոռար, կը հանենք:

Եվ հանեցին իրենց ոտքի ամաններն, որք ավելի մաքուր էին, քան իրենց ոտներն:

- Ա՛յդ ոտքերով վեր պիտի ելնէք,— կրկնեց տիկինն:
- Ուրիշ ոտք չունինք, այս ոտներով պիտի ելնենք,— պատասխանեցին պանդուխտներն այնպիսի խղճուկ կերպով մը, որ կարծես թէ իրենց աղքատութեան պատճառով երկու ոտքէն ավելի չէին կրցած ունենալ, եւ որպէս թէ հարուստներն չորս, հինգ կամ վեց ոտք ունեցած ըլլային:
- Վա՛ր իջէք, չեմ ուզեր, գետինը ձգեցէ՛ք, ես կը տանիմ:
- Ատանկ ավելի աղէկ կըլլա:
- Ա՛հ, ես ի՞նչ ըսեմ իմինիս, որ գործի չերթար, եւ առտվնէ մինչեւ իրիկուն արճարանները կերթա, կը նստի, ազգային գործերու վրա կը խոսի, զիս ասանկ խեղճ կը թողու, եւ ես ալ կատիպվիմ տունս մարդ դնելու,— մոռոց ինքնիրեն տիկինն եւ սանդուղին առջեւ դրված թաց լայթով մը սանդուղին առաջին աստիճանն սրբել սկսավ:
- Տիկին, մենք սպասե՛նք պիտի...
- Եթէ խելքը գլուխը մէկն ըլլար,— շարունակեց տիկինն ինքնիրեն,— ես հիմա թագուհիի մը պէս կեանք կանցունէի. զավակ չունիմ, բան չունիմ. բայց ինչ ընեմ, որ խելքը միտքը թաղական<sup>[5]</sup> ընտրելու եւ թաղական վար առնելու վրա է: Աստուծմէ գտնան այն թաղականներն ալ, որ ամենուս խեղճութեանը պատճառ կըլլան կոր: Ինչո՞ւդ պէտք քուկին, տնաշէն, ուզողը նստի, չուզողը չնստի, դո՞ւն մնացիր այս ազգին գործերը շտկող...
- Տիկին, մեր իրավունքը տուր, որ երթանք, պարասպ տեղը չսպասենք հոս,— ըսին բեռնակիրները:

— Վաղը եկէք,— պատասխանեց տիկինն. եւ բեռնակիրներն, որք վաղը բառն ամեն օր լսելու վարժված էին, տիկնոջ պատասխանին վրա դռնէն դուրս ելան:

- Թաղականի մը ետեւէն է ինկեր,— շարունակեց տիկինն դարձեալ,— եւ բնավ չմտմտար, որ ուտելու համար հաց պէտք է, միս պէտք է, եղ պէտք է, բրինձ պէտք է. զանոնք եփելու համար փայտ պէտք է, անուխ պէտք է. ասոնք բնավ չհարցուներ, առտուն լուսը չճեղքված կերթա եւ իրիկվան մութուն կուգա: Ահա հյուրերնիս այսօր եկած է եւ ժամէ մը հոս պիտի գա. հարկավ անոթի է մարդն, առջեւը բան մը հանելու է, որ ուտէ, եւ մենք բան մը չունինք, վստան զի իրիկունները տուն եկած ժամանակ կտոր մը միս կամ ձուկ չբերեր, որ տունին մէջ կերակուր գտնվի... թաղականէն ուրիշ բան չունինք տուններնուս մէջ, ամեն իրիկուն թաղական...

<sup>[5]</sup> Թաղական — այսինքն՝ թաղական խորհրդի անդամ: Թաղական խորհուրդն ըստ ազգային սահմանադրութեան տաճկահայերի ինքնավարական օրգանների՝ հիմնական բջիջն էր, թէ՛ Պոլսում եւ թէ՛ գավառներում, որ ընտրվում էր տեղական ժողովրդի կողմից շրջանի ազգային-մշակութային գործերը տնօրինելու համար |

Տիկինն դեռ դիտողություններն լմնցուցած չէր, եւ ասա յոթանասունի մտտ մարդ մը, որ բանալիով բացած էր դուռն, ժպիտով ներս մտավ եւ բարեւեց տիկինը: Այս մարդը տիկնոջ ամուսինն էր: Յուր խորշումած կունտ ճակատն չափէն ավելի դուրս ցցված էր եւ այնպիսի դեմք մը ուներ, որ կարծես թէ մէկն զայն կը խտրուէր: Այս մարդն հազիվ թէ դռան սեւէն ներս ոտք կոխած էր, կինն առջեւն ելնելով՝ հարցուց անոր:

— Ո՞ւր էիր մինչեւ հիմա, մարդ Աստուծո:

— Չես ըսեր, կնի՛կ, թաղականին գործն ալ այսօր լմնցուցինք. կիրակի օրը քվեարկությունը պիտի կատարվի, եւ բոլոր անդամները պատվավոր մարդիկ պիտի ըլլան: Թորոս աղան ինծի քանի մը օրի խմցունելով ետեւէս ինկավ, որ յուր ուզած մարդոցը քվէ տամ, բայց ես իմ մարդոցս տվի, վասնզի իմ մարդիկս ինծի ամեն գիշեր օրի կը խմցունեն եւ շատ բարի եւ պատվավոր մարդիկ են, ուրիշներուն պէս թաղին սնտուկէն ստակ չեն գողնար եւ դպրոցն ալ...

— Այդ խոսքերուն ստենը չէ հիմա, շուտ մը գնա կտոր մը միս առ:

— Թորոս աղան քիչ մը սրդողեցավ, եւ ասկից վերջը հետս սքամայիլ[6] չպիտի խաղա. թո՛ղ չխաղա ...:

— Ես քեզի ի՞նչ կըսեմ կոր... շուտ ըրէ՛, գնա՛:

— Ես ալ տիրացու Մարտիրոսին հետ տամա կը խաղամ ասկից ետքը...

— Այդ խոսքերը վերջն ալ կընենք, Մանուկ աղա, գնա՛ մտավաճառէն քիչ մը միս առ ու բեր:

— Տիրացու Մարտիրոսին գլխուն եկածը չես ըսեր, կնի՛կ. խեղճին կինն այս գիշեր մազ մնացեր է, որ մեռնի եղեր...

— Ինչո՞ւ:

— Մանչ մը բերեր է. բայց շատ դժվարութեամբ. չորս դայեակ եւ տասնվեց բժիշկ հազիվ կըցած են տղան առնել:

— Խեղճ կնիկ...

— Վաղը քիչ մը գնա՛, զինքը տե՛ս:

— Կերթամ, հիմա դուն գնա, սա մին գործը լմնցուր:

— Այս գիշեր անպատճառ միս պէ՛ տք է:

— Հասա, Աբիսողոմ աղային անկողինն ու սնդուկները բերին, ինքն ալ հիմա կուգա:

— Իրա՞վ կըսես, կնի՛կ:

— Մուտ ինչո՞ւ պիտի խոսիմ:

— Շատ աղէկ ուրեմն. երթամ պատվական միս մ՛ առնեմ ու գամ:

Մանուկ աղան անմիջապէս տունէն դուրս ելավ եւ հազիվ թէ քանի մը քայլ առած էր, կինը ետեւէն պոռալ սկսավ.

— Մա՛նուկ աղա, Մա՛նուկ աղա...

Մանուկ աղան ետ դարձավ.

— Միսն ինչո՞վ պիտի եփենք,— հարցուց կինը:

— Կուգես գետնախնձորով եփէ՛, կուգես լուբիայով[7] :

— Ատ չէ իմ ըսածս. ածուխ չունինք, քիչ մ՛ ալ ածուխ առնէիր:

— Շատ աղէկ,— պատասխանեց Մանուկ աղան եւ սկսավ երթալ:

— Մա՛նուկ աղա, Մա՛նուկ աղա,— կանչեց տիկինը նորէն:

Ետ դարձավ Մանուկ աղան:

— Աղէկ ա՛, մինակ միտով չըլլար, քիչ մ՛ ալ բրինձ ա՛ն, որ սպուր մ՛ ալ շինենք:

— Աղէկ ըսիր, կնի՛կ, քիչ մ՛ ալ բրինձ առնենք:

Մանուկ աղան այս անգամ վազելով սկսավ երթալ. փողոցը դառնալու վրա էր, երբ կինն բոլոր ձայնովն ետեւէն զայն կանչեց.

— Մա՛նուկ աղա, Մա՛նուկ աղա... Ման...

/ 6 սքամայիլ — թղթայխաղի մի տեսակը

7 լուբիա — լոբի /

Կանգ առավ էրիկն եւ վերստին ետ դարձավ՝ այս անգամ դէմքին զվարթութեան վրա քիչ մը գեղջ ընելով:

— Ի՞նչ կուզես...

— Մարդ Աստուծո, շոգէկառքի պէս կը վազես, ձայնս մարեցավ: Սոխ չունինք, աղ ալ չունինք, քիչ մ'ալ գազ կամ ճրագ առնելու է, որ վտենք. մարդը մութն ունի պիտի նստեցունենք:

— Աղէկ ա, ամենը մէկէն ըսէ, որ նպարավաճառին երթամ եւ պետք եղածներն առնեմ. հարցուր անգամ ետեւէս կանչեցիր:

— Ջուրի շիշ ալ չունինք... գլուխս կապելու բան մը չունիմ, ոտքս հագնելու կոշիկ չկա. այս վիճակին մեջ ի՞նչպէս Աբիսողոմ աղային դէմը ելնեմ:

— Հիմա ուտելիքը առնենք, վաղն ալ հագնելիքը կը մտմտանք,— ըսավ Մանուկ աղան եւ դուռն ուժով մը քաշելով դուրս ելավ:

— Մանուկ աղա, Մանուկ աղա...

— Ուզածիդ չափ պոռա՛, ա՛լ ետ չեմ դառնար,— մոմոսաց Մանուկ աղան եւ ճամփան շարունակեց:

Մանուկ աղան քանի մը փողոց դարձած էր, երբ կնկան ձայն մը առավ, որ զինք կը կանչէր:

— Գործ չունիս նէ, պոռալով ետեւէս վազէ,— ըսավ ինքնիրեն Մանուկ աղան՝ առանց գլուխն ետ դարձնելու՝ տեսնելու համար, թէ ով էր զինք կանչողը:

— Մանուկ աղա, Մանուկ աղա,— կրկնեց ձայնը, որ տիրացու Մարտիրոսին տասնամեա սղջկանն էր:

Մանուկ աղան շարունակեց յուր ճամփան. եւ տիրացու Մարտիրոսին սղջիկն՝ քայլերն փութացնելով՝ տասը քայլ հեռավորութեամբ մոտեցավ անոր: Խեղճին շունչը կտրած ըլլալով՝ անգամ մ'ալ կրցավ պոռալ.

— Մանուկ աղա:

Դարձեալ պատասխան չառավ եւ ստիպվեցավ քիչ մ'ալ քալելով Մանուկ աղային հագուստի ծայրէն քաշելու:

— Թող տուր, կնի՛կ,— ըսավ Մանուկ աղան՝ առանց ետեւը նայելու:

— Բան մը պիտի ըսեմ:

— Մտիկ ընելու ժամանակ չունիմ. ըսածներդ արդեն չեմ կրնար միտքս բռնել, հիմա ելեր, ուրիշ բաներ ալ պիտի ըսես...

— Դայեակին տունը պիտի հարցունեի...

Դայակ բառը լսելուն պէս արթնցավ Մանուկ աղան եւ ետեւը տիրացու Մարտիրոսին սղջիկն տեսնելով՝

— Աղավնի, դո՞ւն էիր ետեւէս վազողը,— հարցուց անոր:

— Ա...յո...ես...— պատասխանեց Աղավնին, որ հեւալէն ա՛լ չէր կարող խոսել:

— Մայրդ ի՞նչպէս է:

Աղավնին կը հեւար:

— Չըսէ՞ս, մայրդ ի՞նչպէս է... դժբախտութիւն մը պատահեցավ:

Աղավնին բոլոր պատասխանը հեւալ էր...

— Հետաքրքրութենէս պիտի ճա՛թիմ[8]... չըսէ՞ս, սղջիկ, հեւալու ժամանակ է հիմա, մայրդ ի՞նչպէս եղավ:

— Մայ...րի...կա... ա...ղէկ է, բայց...տը...ղան... ծիծ չը...բռ...ներ... կոր... դա...յեա...կը...պի...տի...

— Շատ լավ, շատ լավ, սղջիկ, դուն տուն գնա, դայեակն ես կը դրկեմ:

Աղավնին բաժնվեցավ Մանուկ աղայէն, որ ճամփան փոխեց դայեակին տունը փնտրելու համար:

Չուզելով մեր ընթերցողին ձանձրույթ պատճառել՝ կը թողունք Մանուկ աղան, որ ամեն քայլափոխին բարեկամի մը կը հանդիպէր եւ անոր կծանուցանէր կամ թաղականին ընտրությունը կամ տիրացու Մարտիրոսին կնկան մանչ զավակ մը բերելն կամ Աբիսողոմ աղային գալը: Դառնանք հիմա Աբիսողոմ աղային:

Բավական երկար տարիներէ ի վեր սովորություն եղած է, որ շատերը ուսում առնելու համար Ֆրանսիա կամ Գերմանիա երթալէն ետքը մայրաքաղաքս կուզան կին առնելու համար, եւ ընթերցողն ալ գիտէ արդէն, որ Արիստոտել աղան ալ ուրիշ նպատակով եկած չէր Կ. Պոլիս: Ընթերցողս չնոցալ նաեւ, թէ այս ամուսնութեան խնդիրն ո՛րչափ միտքը գրաւած էր Արիստոտել աղային, որ առջեւէն եկող էշերը չտեսնելով՝ անոնց միայն դէմ բախեցաւ: Թերեւս հարցվի, թէ Արիստոտել աղային դէմ բախվող ավանս կն ալ ամուսնութեան վերաբերեալ գործ մ'ունէր, որ յուր առջեւ չտեսալ Արիստոտել աղային պէս խոշոր մարդ մը: Անոնք, որ պատմութեան քիչ կամ շատ ծանոթություն ունին, գիտեն, որ էշերը, որոնց նախահայրերէն մին ժամանակաւ հրեշտակ տեսած է[9], բնաւ կարեւորություն չեն տար մահկանացուներուս եւ կուզեն, որ միշտ մենք ճամփա բանանք իրենց: Արիստոտել աղան եթէ պատմութեան տեղեակ ըլլար, կամ կին առնելու խնդիրով միտքն չգբաղեցունէր, անշուշտ ճամփա պիտի բանար այդ արարածներուս, որք իրենց ականջներով Միդաս[10] թագավորին ներկայացուցիչներն ըլլալու պատիվն ալ կը վայելէն:

Այդ, Արիստոտել աղան էշերէն բաժնվելէն ետքը Ծաղկի փողոցը գտնելու համար անոր ասոր հարցումներ կուղղեր. վասնզի ինքն առաջին անգամ էր, որ Պոլիս կուգար, եւ Տրապիզոն բնակվող բարեկամներէն մին խորհուրդ տված էր իրեն, թէ հանգիստ ուտելու եւ պառկելու համար հիշեալ փողոցը, հիշեալ թիվը կրող տունն իջնելու էր: Այդ բարեկամն շարաթ մը առաջ Մանուկ աղային ալ նամակով իմացուցած էր, որ Արիստոտել աղան իրեն տունը պիտի բնակէր: Արիստոտել իրեն տրված տեղեկություններուն համեմատ մէկ փողոցէն կը մտնէր, մյուսէն կելլէր, երբեմն ալ սխալմամբ անել փողոցներու մէջ կը մտնէր, կը բարկանար, ետ կը դառնար եւ մէկ կողմէն ալ կը կասկածէր, որ բռնակիրներն իրեն անկողինն եւ սնորկներն առնելով չփախչէին, թէպէտ եւ անոնց հավատարմությունն շատերէն լսած էր:

Ժամու մը չափ Բերայի փողոցները չափելէն ետքը՝ Արիստոտել աղան հաջողեցաւ վերջապէս գտնել Ծաղկի փողոցն, գոր շփոթելու չէնայն անունը կրող փողոցին հետ, որ Բերայի հրդեհէն մոխիր դարձած էր հազար ութը հարյուր յոթանասունը չեն հիշեր քանիին: Այս փողոցն Ծաղկի փողոց կանվանվեր սա պատճառով, որ հոն բոլոր տուններուն պատուհաններուն առջեւ միշտ ծաղիկներ կը գտնվէին:

— Երկու թիվն ո՛րն է,— հարցուց, առանց գիտնալու, Մանուկ աղային կնոջը, որ դռան առջեւ յուր երկանը գալստեան կապասեր:

— Աս է, հրամմե՛ցէք, Արիստոտել աղա,— պատասխանեց տիկինը:

— Անկողինս եւ սնորկներս բերի՛ն:

— Բերին, Արիստոտել աղա. վեր հրամմեցէ՛ք, Արիստոտել աղա, եթէ կուզէք, քիչ մը հոգնություն առնելու համար սա պզտիկ սենեակը նստեցէք,— ըսալ կինը գետնահարկի վրա պզտիկ խուց մը ցույց տալով:

— Շատ հոգնած եմ, քիչ մը հոս կը նստիմ:

— Ձեր կամքն ինչպէս որ կուզէ, այնպէս ըրէ՛ք, Արիստոտել աղա. տունը ձերն է, Արիստոտել աղա. ձեր տունին պէս հանգիստ ըրէ՛ք:

— Շնորհակալ եմ:

Արիստոտել աղան պզտիկ սենեակը մտալ առաջնորդութեամբ տիկնոջ, որ դամբար մը բռնած էր, որուն զազը հասնելու վրա էր:

— Ի՞նչպէս էք, Արիստոտել աղա, տունէն ի՞նչպէս եմ, աղէ՞կ եմ:

— Աղէկ եմ:

— Թող աղէկ ըլլան, ձեր զավակներն ի՞նչպէս են, Արիստոտել աղա, դպրոց կերթա՞ն:

— Զավակ չունիմ:

*/ 9 հրեշտակ տեսած է — հրեշտակ տեսած էշը մոզ Բաղասափ էշն է (ըստ Աստուածաշնչի), որ հրեշտակ տեսալ եւ խոսել սկսեց 10 Միդաս — փոյուգիական առասպելական թագավոր, որին պատժեց Ապոլլոնը նրա գլխին իշի ականջներ բուսցնելով/*

- Ձեր տիկինն ի՞նչ կընէ, աղէ՞կ է, Աբիսողոմ աղա:
- Տիկին չունիմ դեռ:
- Կարգված չէ՞ք, Աբիսողոմ աղա:
- Չէ:
- Շատ լավ, հոս աղվորիկ աղջիկ մը գտնենք ու պոլսեցի ընենք քեզի, Աբիսողոմ աղա:
- Անանկ միտք մը ունինք,— պատասխանեց Աբիսողոմ աղան. — Բայց աղջիկէն առաջ ես կերակուր կուզեմ, վասն զի առավնէ ի վեր բերանս բան դրած չեմ:
- Շատ աղէկ, Աբիսողոմ աղա, շատ աղէկ. հիմա կը բերեմ ձեր կերակուրն:

Տիկինը դուրս ելավ եւ դուռը բանալով սեմին վրա կայնեցավ՝ սպասելու համար Մանուկ աղային, որ, ինչպէս կը հիշեն ընթերցողները, դայակ փնտրելու գացած էր: Աբիսողոմ աղան սենեակին մէջ մինակ մնալով՝ բարձի վրա դրված Ձէն Հոգեւորն[11] առավ եւ թղթատել սկսավ զայն. Բայց որովհետեւ մարդս անոթի եղած ժամանակ գիրք չկրնար կարդալ, ինչպէս նաեւ չկրնար գիրք գրել, նորէն բարձին վրա դրավ Ձէն Հոգեւորն, վասն զի փորն կիմացունէր իրեն, թէ Ձէն մարմնավորին պէտք ուներ, եւ սկսավ սենեակին մէջ պտտելու:

- Կաղաչեմ, Աբիսողոմ աղա, որ ձեր տունին պէս հանգիստ ընէք,— ըսավ տիկինը սենեակը մտնելով:
- Անհանգստութեան պատճառ մը չունիմ, միայն թէ անոթի եմ եւ կերակուր ուտել կուզեմ:
- Կերակուրդ պատրաստվելու վրա է, հիմա պիտի բերեմ,— ըսավ տիկինը եւ դուրս ելավ նորէն դռան առջեւ երկանը սպասելու համար:
- Ի՞նչ տեսակ կնիկ է այս,— ըսավ Աբիսողոմ աղան, երբ առանձին մնաց,— զիս անոթի կը պահէ եւ կը պատվիրէ, որ հանգիստ ըլլամ. անոթի մարդը հանգիստ կրնա՞ ըլլալ...
- Սեպէ՛ թէ ես ալ քու քույրդ եմ կամ աղջիկդ եմ,— ըսավ վաթսունամյա տիկինը դարձեալ ներս մտնելով,— եթէ բան մը կուզես, մի քաշվիր, ըսէ ինձի, որ բերեմ:
- Շնորհակալ եմ:
- Ես կուզեմ, որ իմ տունս եկող հյուրերը չնեղվին:
- Կը հասկնամ. հիմակուհիմա կերակուրէն ուրիշ բան չեմ ուզեր:
- Կերակուրը պատրաստվելու վրա է, հոգ մի՛ ընէք...

Տիկինը դեռ պիտի շարունակէր յուր բանակցութիւնն, Բայց դուռը զարնվելով՝ դուրս վազեց շուտով, որպէսզի դուռը բանա, երկըր դիմավորէ եւ բերած պաշարներն առնէ ու կերակուր եփէ:

- Ողջույն, տիկին,— ըսավ մէկը դուռը բացվելուն պէս:
- Հարկ չկա ըսելու, թէ եկողը կրոնավոր մ'էր, ինչու որ անոնք միայն կը գործածեն ողջույնը:
- Օրինեա՛ Տէր,— պատասխանեց տիկինը:
- Ի՞նչպէս էք, աղէ՞կ էք, տիկին:
- Փառք Աստծո, տէր հայր:
- Մանուկ աղան հիմա դէմս ելնելով իմացուց, որ հյուր մը եկած է ձեզի այսօր, ես ալ եկա, որ հետը տեսնվիմ:
- Շատ աղէկ ըրեր էք, ներս հրամեցէք, տէր հայր,— ըսավ տիկինն՝ ցույց տալով խուցն, որուն մէջ Աբիսողոմ աղան յուր անոթութեամբը կգրաղէր:
- Քահանան ներս մտավ:
- Աբիսողոմ աղան ոտքի ելավ:
- Ողջո՛ւյն, Աբիսողոմ աղա:
- Օրինեա՛, տէր հայր:

*/ 11 Ձէն Հոգեվոր — իսկական վերնագիրն է՝ «Գիրք կոչեցեալ Ձէն Հոգևոր»։ Պոլսի պատրիարք Հակոբի աշխատութիւնն է, լույս է տեսել Պոլսում 1757 թվականին. ունի կրոնական-բարոյախոսական բովանդակություն եւ մեծ հռչակ է վայելել հոգևորականութեան շրջաններում /*

- Մեղավորս ձեր բարեպաշտութեան գալն իմանալով՝ աճապարանք եկա ձեր ջերմեռանդութեան պատվական որպիսությունը հարցնելու, ի՞նչպէս էք, Աբիսողոմ աղա:
  - Աղէկ ենք:
  - Միշտ աղէկ ըլլա՛ք, Տէր Աստված ձեր մեռելոց արքայությունն եւ կենդանեաց ավուրս երկարս պարգեւեցէ:
  - Շնորհակալ եմ. դուք ի՞նչպէս էք, տէր հայր:
  - Մեր աղեկությունը մի հարցունէք... Ժամանակիս աղեկությունը... Տէր Աստված զձեզ համենայն փորձանաց եւ ի չարէ ազատ պահեցէ. ժողովուրդն երբ աղէկ ըլլա, քահանաներուն ալ երեսը կը խնդա:
  - Այնպէս է, տէր հայր,– պատասխանեց Աբիսողոմ աղան՝ յուր աչերն չզատելով բնավ խուցին դռնէն, ուսկից կերակուր կը հուսար:
  - Օրինա՛ծ, ժամանակը շատ գէշ է. ժողովուրդը շատ նեղություն կը քաշէ, այս պատճառով ջերմեռանդությունն ալ օր ըստ օրէ պակսելու վրա է:
  - Իրավ է:
  - Բայց ի՞նչ պիտի ընենք, ի՞նչ կուգա մեր ձեռքէն՝ համբերելէն զատ... Սուրբ գիրքը կըսէ. ով համբերեցէ իսպառ, նա կեցցէ:
  - Այնպէս է:
  - Եթէ չհամբերենք, բարկանալ պետք է, եւ մարգարէն կըսէ. բարկանա՛յք եւ մի՛ մեղանչէք:
  - Ճիշտ է,– պատասխանեց Աբիսողոմ աղան, որուն ականջը բնավ չէր մտնէր քահանային խոսքերը եւ որ քահանային ներկայութենէն նեղություն կիմանար, վասն զի, ինչպէս գիտեն ընթերցողները, կերակուրէն ուրիշ բանի պետք չունեն:
  - Զի ո՛չ հացիվ միայն կեցցէ մարդ, այլ բանիվ տեսան[12]:
- Քահանան քթախոտի տուփը ծոցէն հանեց եւ երկու մատներովը քթախոտ լեցուց քթին ծակերուն մէջ եւ հետո, տուփը Աբիսողոմ աղային երկնցնելով՝
- Հրամանեցէ՛ք, օրինա՛ծ,– ըստ:
- Աբիսողոմ աղան շնորհակալութեամբ առավ տուփն եւ քիչ մը քթախոտ քաշեց:
- Քիչ քաշեցիք, Աբիսողոմ աղա, կաղաչեմ, անգամ մ՛ալ քաշեցէք, քթախոտը վնասակար բան մը չէ:
- Աբիսողոմ աղան անգամ մ՛ալ քաշեց, որպէսզի խոսքը չ՛երկարի եւ հյուրը մէկնի:
- Ինչո՞ւ աղէկ մը չէք քաշեր, Աբիսողոմ աղա,– կրկնեց քահանան, շատկէկ[13] քաշեցէ՛ք:
  - Շնորհակալ եմ, տէր հայր, սովորությունն չունիմ:
  - Կը խնդրեմ, մեղավորիս խոսքը մի՛ կոտորէք, քիչ մ՛ալ քաշեցէ՛ք:
  - Ա՛լ չես քաշվիր,– ըստ Աբիսողոմ աղան մէկուսի եւ քիչ մ՛ալ քաշեց:
  - Դավիթ մարգարէն[14] կըսէ, որ՝ մարդո որպէս խոտո են ավուրք յուր...[15]
  - Քթախոտին համար կըսէ:
  - Չէ, մեզի համար կըսէ... եւ մենք ալ աշխատելու ենք, որ այս վաղանցուկ կեանքի մէջ ուրիշներուն բարիք ընենք, աղքատ տնանկները խնամենք եւ երբեմն ալ մեր ննջեցելոց հոգվոյն համար աղոթենք:
  - Այնպէս է:
  - Պատրաստ գտնվելու ենք, որ կանչվելուս պէս երթանք:
  - Իրավ է:
  - Մեղավորս պիտի համարձակիմ խնդիրք մը ընել ձեր բարեպաշտութեանը եւ կը հուսամ, որ չէք մերժեր, վասնզի ձեր բարեպաշտությունը եւ ջերմեռանդությունը շատ աղէկ կը ճանչնամ մեղավորս:

/ 12 Զի ո՛չ հացիվ միայն կեցցէ մարդ, այլ բանիվ տեսան – Որովհետև ո՛չ միայն հացով կապրի մարդ, այլ Աստծո խոսքով (Քրիստոսի Ավետարանից)

13 շատկէկ – մի քիչ շատ

14 Դավիթ մարգարէն – (մոտ՝ 1010-970 թթ. Ք. ա.) հրէկան թագավոր էր, որ հռչակվել է նաեւ որպէս հեղինակ սաղմոսների մեծ մասի, որոնք հոգեւոր երգեր էին հրեաների եւ քրիստոնէաների համար

15 Մարդո որպէս խոտո են ավուրք յուր – մարդու օրերը (կեանքը) խոտի նման է. այսինքն՝ անցավոր/

- Հրամանեց՝ ք:
- Տէր Աստված յուր անսպառ գանձը միշտ բաց պահէ հրամանոցդ պէս ջերմեանդներուն:
- Շնորհակալ եմ:
- Մէկուն տեղ հազար տա, հազարին տեղ միլիոն տա ի շինություն սբ. եկեղեցւո եւ ի փառս ազգին: Խնդիրքս սա է, որ առաջիկա կիրակի կուգեմ ձեր ննջեցելոց հոգուն համար պատարագ մատուցանել: Ներեցէ՛ք համարձակութեանս, բայց իմ պարտքս է միշտ իմացունել, որ ննջեցեալները մոռնալու չէ:
- Իրավունք ունիս, տէր հայր:
- Արդ, եթէ կուգէք, ըսէք, որ ես ալ անոր համեմատ կարգադրություն մը ընեմ: Չկարծէք, թէ ծախքը մէկ մեծ բան մ' է. երկու ոսկիով կը լմնաս: Նույն օրը հասկապէս ծանուցում ալ կընենք եկեղեցւո մեջ, որ վասն հոգւոցն ննջեցելոց Աբիսողոմ աղային է նույն սալուր սուրբ եւ անմահ պատարագը:
- Շնորհակալ կըլլամ:
- Բան մը չէ, մեր պարտքն է:
- Հրամանեցէ՛ք, երկու ոսկին առէ՛ք,— ըսավ Աբիսողոմ աղան՝ քսակէն երկու ոսկի տալով քահանային:
- Թող այսօր մնար... ինչո՞ւ աճապարեցիք,— պատասխանեց քահանան ձեռները բանալով:
- Չէ, առէ՛ք:
- Որովհետեւ կ'ստիպէք, ես ալ կառնեմ սիրտդ չկտորելու համար: Օրհնեալ ըլլաք. Տէր Աստված ձեր տունը միշտ շէն պահէ, ձեր քսակը միշտ լեցունէ. ինչ որ ունիս սրտիդ մեջ, Տէր Աստված կատարէ. գործերուդ հաջողություն տա եւ ամեն փորձանքներէ ազատ պահէ:

Քահանան բարեմաղթությունները լմնցնելուն պէս մնայք բարեավ ըսելով դուրս ելալ:

— Վերջապէս խալսեցաւ[16],— ըսավ ինքնիրեն Աբիսողոմ աղան,— սա մարդուն ձեռքէն. — սա ինչ փորձանքներ են, որ կուգան գլուխս այսօր՝ Պոլիս ոտք կոխելէս ի վեր: Շոգենալէն հազիվ դուրս ելած էի, խմբագիրին մէկը երկու ժամ գլուխս ցավցուց. անկից գատկեցա եւ մինչեւ որ տունը գտա, հազար նեղություն քաշեցի: Տուն եկա, որ քիչ մը շունչ առնեմ եւ կերակուր ուտեմ, տանտիկինը զիս անոթի կը պահէ եւ միշտ ներս կուգա, կաղաչէ ինձի, որ բան մը հոգ չընեմ եւ հանգստութեանս նայիմ: Աս ալ հերիք չէր, եւ ահա այս մարդը կուգա, բռնի քթախտո քաշել կուտա ինձի եւ Դավիթ մարգարէէն խոսք բանալով՝ երկու ոսկի կառնէ, կերթաւ. երթա բարով: Այս ամենը քաշեցինք անոթի փորանց. բայց սա կերակուրս ինչո՞ւ համար չեն բերեր. այս գիշեր անոթի՞ պիտի պահեն զիս... սա ի՞նչ խայտառակություն է...

Այս հարցումներն կուղղեր Աբիսողոմ աղան, եւ ահա գագն, որ արդեն հատած ըլլալով տկար լույս մը կուտար, կը մարի եւ մութի մեջ կը ձգէ հյուրը:

— Բայց քաշվելու բան չէաս,— կը շարունակէ խոշոր մարդը,— կամ ուրիշ տեղ մը երթալու է եւ կամ կինը կանչելով քանի մը խոսք ըսելու է: Ես իմ քաղաքիս մեջ երկու սպասավոր ունեի, որ դէմս բարեւ կը բռնէին. սեղանը կանուխ կը պատրաստէին եւ իմ գործերս կը տեսնէին. սպասավորներով վարժված մարդ մը ինչո՞ւ այս նեղությունն քաշէ հիմա:

— Աս ի՞նչ է, գագը մարա՞ծ է...— հարցուց տիկինը սենեակին դուռը բանալով:

— Այո, մարած է,— պատասխանեց Աբիսողոմ աղան՝ զսպելով յուր զգացած նեղությունն, որ սվելնալու վրա էր:

— Դուն հանգիստ եղիր, Աբիսողոմ աղա, այդ բաները նայիլը մեր գործն է:

— Այո՛, բայց ես անոթի եմ եւ սպասելու կարողություն չունիմ:

— Ես ի՞նչ ըսի քեզի, դուն սիրտ մի՛ հասցունէր. ամէն բան ինձի ձգէ՛, ես կը հոգամ:

Տիկինը շուտ մը դրացվոյն տունը վազեց եւ անոր գագն բերելով լուսավորեց Աբիսողոմ աղային խուցը:

Այս լուսավորութեան վրա կէս ժամ չանցավ, եւ Աբիսողոմ աղային ներկայացավ երիտասարդ մը, որ վաճառականի չէր նմաներ. սեղանավորի ալ չէր նմաներ, արհեստավորի ալ չէր նմաներ, գործավորի ալ չէր նմաներ, եւ վերջապէս անանկ բանի մը կը նմաներ, որուն նմանը չկա: Հազիվ երեսուն երկու տարեկան կը թվեր: Կապույտ աչերով, դեղին մազերով զարդարված ըլլալով՝ ուներ նաեւ երկու մատ մորուք, որ մայրաքաղաքիս մէջ կամ սգո նշան է եւ կամ չքավորութեան: Հագուստներն այնքան հին էին, որ հնախույզները զանոնք գնելու համար մեծաքանակ գումար մը կուտային: Սակայն եթէ հագուստի մասին վանողական էր, դէմքի մասին քաշողական գործօրուն ուներ այս անձը:

— Ծառա եմ մեծապատվութեանդ, մեծապատիվ տէ՛ր,— պռռաց այս երիտասարդն սենյակէն ներս մտնելով եւ մոտենալով Աբիսողոմ աղային:

— Ի՞նչ կա, ի՞նչ կուզէք,— հարցուց Աբիսողոմ աղան վախնալով:

— Վսեմադիայլ տէ՛ր, ձեր գալուստն լսելով փութացի հոս գալ, իմ խորին մեծարանացս հավաստին ձեր ոտքերուն տակը դնել:

— Ոտքերո՞ւս տակը. շատ աղէկ, դի՛ր,— ըսավ Աբիսողոմ աղան, որ կը կարծեր, թէ մուճակ[17] բերած էր իրեն:

— Շնորհակալ եմ, բարձրապատիվ տէր,— ըսավ երիտասարդը, գլուխը բացավ եւ սեղանին վրա ելավ, կանգնեցավ:

Աբիսողոմ աղան այս տեսարանին առջեւ բոլորովին շվարած՝ անհամբեր տեսնալ կուզեր, թէ ի՞նչ պիտի ըներ այս պարունը սեղանին վրա:

Երիտասարդն ծոցէն թուղթ մը հանեց եւ աչերն Աբիսողոմ աղային անկելով՝ բոլոր ձայնովը պռռաց.

— Տիարք եւ տիկնայք...

Աբիսողոմ աղան այս սեսարկու ձայնէն վախնալով՝ նստած տեղէն երկու կանգուն վեր ցատկեց եւ չկրնալով ինքզինքը զսպել՝ պռռաց.

— Ո՞վ է այս մարդը, հիմարանոցէն փախած խե՞ղ է, թէ հիմարանոց երթալու հիմար:

— Հայ ազգն,— շարունակեց երիտասարդը ձայնը քիչ մը իջեցնելով,— այսօր այնպիսի հանդէս մը կը կատարէ, որ մեր հայրենեաց ամենէն քաջ դյուցազնին նվիրված է...

— Միտքդ ի՞նչ է, եղբայր...

— Կար ժամանակ մը, ուր իսավարը լուստ դէմ կը կովեր, տգիտությունը գիտութեան դէմ, անցեալն ապառնիին դէմ, հրամայականը սահմանականին դէմ, սուրը գրիչի դէմ, ստեղծությունը սիրո դէմ, կրակը ջուրին դէմ, միսը բանջարեղենին դէմ. իսկ հիմա անցան այն ժամանակները. անոնք անցեալ են, մենք՝ ապառնի, անոնք իսավար են, մենք՝ լույս, անոնք տգէտ են, եւ մենք՝ գիտուն, անոնք սուր են, մենք՝ գրիչ, անոնք ստեղծություն են, մենք՝ սէր, անոնք կրակ են, մենք՝ ջուր, անոնք միս են, մենք՝ բանջարեղեն, անոնք վարունգ են, մենք՝ ինձոր, անոնք փուշ են, մենք՝ վարդ. անցան, անցան այն դարերը, ուր մարդկությունը տգիտութեան օրորոցին մէջ մէյ մը ասղին, մէյ մը անդին կերթար, կուգար...

— Միտքդ ի՞նչ է, եղբայրս, ես քեզի բան մը չըրի, ի՞նչ կուզես ինձմէ, գնա քեզի բարկացնողին զրուցէ՛ այդ խոսքերը...

— Այո՛, մարդկությունը կը չարչարվեր, կը նախատվեր անգութ բռնավորներու ձեռքէն եւ չէր գիտեր, որու երթալ եւ որու բողոքել:



— Տէր ողորմեա... Տէր ողորմեա,— ըսավ ինքնիրեն Աբիսողոմ աղան,— քաշելիք ունինք եղեր... ես կրնամ հիմա զինքը սեղանէն վար առնել, բայց կը վախնամ, որ ծոցէն ասորճանակ մը կը հանն եւ կը զարնէ ինձի, վասնզի խիստ բարկութեամբ կը խոսի:

— Իսկ երբ գիտութիւնն եկավ,— շարունակեց աստենաբանը,— և վանեց տգիտութիւնն, ինչպէս լույսն խավարը, սերն՝ ատելութիւնը, գրիչն՝ սուրը, սպազան՝ անցեալը, այն աստեն, ա՛հ, այն աստեն... այո՛, այն աստեն, այո՛, կըսեմ, այն աստեն միայն հասկցվեցավ, որ մարդկութիւնն, ազգ եւ հայրենիք բառերը բառարանները լեցնելու համար շինված բաներ չէին, այլ ամէն մարդու մտքին մէջ, սրտին մէջ, հոգւոյն մէջ երկաթեա տատերով եւ անջինջ կերպով դրոշմելու բառեր էին...

— Եղբայր, կաղաչեմ, վար իջի՛ր եւ այնպէս զրուցե՛ ցավի...

Ատենաբանը կայնած տեղը այնպէս կը դողար, որ Աբիսողոմ աղային սիրտը կը հատներ, թէ գազը գետինը պիտի իյնար:

Ուստի չուզելով այլեւս համբերել՝ պտոսաց ինքնակոչ աստենաբանին երեսն ի վեր.

— Վա՛ր իջիր սրկէ[18]:

— Կաղաչեմ, մի սաստեր զիս:


— Վա՛ր իջիր, ապա թէ ոչ...

— Մի՛ կոտրեր իմ սիրտս, որ ազգին համար կը բաբախէ:

— Ինչ ըսելիք որ ունիս, եկուր քովս, մարդու պէս նստէ եւ ըսէ. հոն տեղվանքը ելնել ի՞նչ պիտի ըլլա:

— Կաղաչեմ, թո՛ղ տուր վերջացնեմ. ա՛հ, չես գիտեր, թէ որչա՛փ կը հուզվիմ, երբ ճառ կկարդամ:

— Վա՛ր իջիր:



/ 18 սրկէ — այստեղից /

Ատենաբանը բեմէն կիջնա եւ կերթա պթոռի մը վրա կը նստի:

- Հիմա՛ գրուցէ ինծի, միտքդ ի՞նչ է, – կըսէ Աբիսողոմ աղան բարկութեամբ:
- Կաղաչեմ, մի բարկանար:
- Ի՞նչ կուզես, գրուցէ, շո՛ւտ, հիմա՛:
- Բարկութեամբ մի՛ վարվիր հետս, ոտքդ պագնեմ, սիրտս լեցված է, հիմա կսկսիմ լալ:

Եվ ատենաբանը կսկսի լալ:

- Լալու ի՞նչ կա, եղբայրս:
- Ծառադ կը փափագի գրականութեամբ ազգին ծառայել, բայց այս ազգը շատ սպերախտութեամբ կը վարվի յուր գրագէտներուն դէմ:
- Ատոր մէջ ես ի՞նչ հանցանք ունիմ:
- Դուք հանցանք չունիք եւ թերեւս իրավունք ունիք... ոտանավոր ունիմ գրած հայրենիքի վրա, սքանչելի կտորներ, պատմական տողեր, որոնց մէջ երևակայությունը, սպիտակ, խամրն, հուրն ու բոցը սավառնաթեւ կը վանան:
- Շատ աղէկ, ատոր համար լալո՞ւ է:
- Մեր ազգն անոնց հարզն ու պատիվը չի ճանչնար, զանոնք աղայական բաներ կը կարծէ եւ թող կուտա, որ զանոնք գրողը անոթի մնա:
- Ես ի՞նչ ընեմ:
- Կաղաչեմ, քաղցրութեամբ վարվե՛ հետս:
- Ի՞նչ ըրած ունիմ քեզի:
- Ձեզի պիտի աղաչեի, որ...
- Ի՞նչ, շո՛ւտ ըսէ...
- Մի՛ պոռար երեսս ի վար, հոգիդ սիրես, հիմա կսկսիմ լալ...

Նորէն սկսավ լալ գրագէտը:

- Տէր Աստված, դուն համբերություն տուր ինծի, – ըսավ Աբիսողոմ աղան մէկուսի:
- Խնդիրքս սա էր, որ կուզէի տպել տալ քիչ մը առաջ կարդացած ճառս...
- Գնա տպել տո՛ւր. քու ձեռքէդ բռնող կա՛ :
- Պիտի խնդրէի ձեր մեծապատվութենէն, որ տպագրութեան ստակը դուք տայիք:
- Ինչո՞ւ... ի՞նչ պատճառ կա, որ քու ճառիդ համար ես դրամ տամ: Լավա՞ծ բան է, որ մէկը իրեն շահուն համար գիրք տպէ եւ ծախքն Աբիսողոմը տա...
- Կը խնդրեմ, սիրտս արդեն խոցված է, դուք ալ նոր վերք մը մի՛ բանաք հոս:
- Ինչո՞ւ վերք պիտի բանամ եղբ. գնա՛ բանդ, եղբայր, փորձանք եղար գլխուս:
- Գիտե՞ք որքան ծանր է գրագէտի մը ասանկ խոսքեր լսելը...
- Չեմ գիտեր եւ գիտնալ ալ չեմ ուզեր:
- Բանաստեղծի մը սիրտը շատ փափուկ է, ամենաթեթեւ խոսքէ մը կվիրավորվի: Այս նյութին վրա ոտանավոր մը գրած ունիմ, կարդամ, մտիկ ըրե՛ք:

- Ոտանավոր մտիկ ընելու ժամանակ չունիմ:
- Կաղաչեմ, ոտանավորիս հետ խստութեամբ մի՛ վարվիք. այն ոտանավորին համար, զոր դուք չէք ուզեր մտիկ ընել, երկու ամիս աշխատած եմ ես եւ երբ որ անոր նախատվիչը տեսնեմ, արժանապատվությունս կը վիրավորվի: Կաղաչեմ, ոտանավորիս համար գէշ մի գրուցէք...: Կը խնդրեմ, թույլ տվէք ինձ կարդալ զայն անգամ մը...
- Ես ոտանավոր մտիկ ընելու չեկա հոս:
- Շատ լավ. ողբերգություն մը գրած եմ, անոր վրայէն անցնիմք:
- Չեմ ուզեր. ես անոթի եմ հիմա, կերակուր պիտի ուտեմ:
- Շատ լավ, ուտելիքի վրա ատենաբանություն[19] մը ընեմ:

- Ժամանակ չունիմ մտիկ ընելու:
- Կաղաչեմ, այդ խոսքը ուրիշ անգամ մի՛ ըսեր, ասուկե ավելի ծանր խոսք չկա հեղինակի մը համար, որ յուր մէկ աշխատասիրութիւնն ուրիշի կարողալու փափագ կը հայտնէ: Կը խնդրեմ, բարձրապատիվ տէր, քաղցրութեամբ վարվեցէք հեղինակներու հետ:
- Գլխուս վրա՞ նստեցունեմ քեզի:
- Ոտքըդ պագնեմ, մի ծաղրէք զիս, ինչո՞ւ ձեր գլխուն վրա նստեցունէք:
- Ի՞նչ ընեմ հապա, քսակս քեզի՞ տամ՝ հեղինակներու հետ քաղցրութեամբ վարված ըլլալու համար:
- Ո՛չ, միայն ճառիս տպագրութեան ծախքը:
- Քան՞ ոսկիով կը լմննա գործդ:
- Չորս ոսկիով կը լմննա, բան մը չէ, իմ Մեկենասս[20] պիտի ըլլաս, ես ալ քու անունդ ոտանավորով մը գրքույկին ճակատը պիտի դնեմ:
- Ճակատը դնես պիտի:
- Այո՛:
- Ինչո՞ւ համար:
- Որպէսզի ամեն մի մարդ գիտնա, թէ ձեր ստակովը տպված է այն գիրքը:
- Շատ լավ, — պատասխանեց Արիստոյում աղան եւ քսակէն չորս ոսկի հանեց, տվաւ:

Հեղինակն հագար հարգանք մատուցանելով՝ դուրս ելաւ:

Արիստոյում աղան ետեւէն կանչեց զինքը եւ հարցուց.

- Չկրնա՞ր ըլլար, որ գրքին ճակատը սպասավորներուս ալ անունները դնես եւ իմացունես սագին, որ Արիստոյում աղան կովեր, ոչխարներ, էջեր եւ ազարակներ ունի յուր քաղաքին մէջ:
- Ադ ձեր ըսածները հովվերգութեան ճյուղին կը վերաբերին:
- Չեմ հասկնար:
- Ատոնց վրա ոտանավորներ կը գրվի. եթէ փափագիք ոտանավոր մը շինեմ:
- Ի՞նչ ընեմ ոտանավորը:
- Լրագրին մը մէջ տպել կուտաք:
- Կը տպէ՞ն:
- Ինչո՞ւ չպիտի տպեն. եթէ կէս ոսկի տալու ըլլաք, քառասուն անգամ կը տպեն:
- Շատ աղէկ. ադ ըսածդ գրէ՛ :
- Գլխուս վրա:
- Բայց աղվոր բան մը ըլլա:
- Շատ լավ:
- Այնպէս որ տեսնողը հավնի:
- Հարկա՛վ:
- Վաղը առտու կը բերէ՞ ք:
- Վաղը առտո՞ւ... ի՞նչ կըսէք... մէկ ամիսէն հազիվ կրնամ պատրաստել:
- Մէ՞կ ամիսէն:
- Հազիվ. ոտանավորը կարողալը դյուրին է, բայց գրելը՝ դժվար: Գեղեցիկ ոտանավորի մը համար քիչէն քիչ երկու ամիս պէտք է:
- Ի՞նչ կըսէք...
- Այո, բայց ես կաշխատիմ ամիսէ մը լմնցնել:
- Ատ ի՞նչ դժվար բան է եղեր:

/ 20 Մեկենասը (մեռել է 8 թ. Ք. ա) հռոմեական արիստոկրատ, պետական գործիչ եւ գրականագէտ էր: Հայտնի է գրականութեանը ցույց տված հովանավորութեամբ: Անունը ստացել է համաշխարհային հռչակ եւ դարձել հասարակ անուն ամէն մի ունեւորի համար, որ հովանավորում է գիտությունն ու արվեստը /

— Ի՞նչ կարծեցիք հասպա. երկու ամիս պիտի սպասեմ, որ մուսաս գա եւ ներշնչէ ինձի, որպէսզի գրեմ. առանց մուսայի ոտանավոր չի գրվիր:

— Եթէ այդ մուսան գալու չըլլա՞...:

— Անպատճառ կուգա:

— Չկրնա՞ր ըլլալ, որ նամակ մը գրես եւ աղաչես իրեն, որ շուտ մը գա եւ դուն ալ երկու ամիս չսպասես:

— Անիկա ինքնիրեն կուգա, նամակի պէտք չունի, մեծապատիվ տէր:

— Ո՞ւր կը նստի... շատ հեռո՞ւն է:

— Այո՛, շատ հեռու է, բայց կուգա:

— Ցամաքէ՞ն, թէ ծովէն:

— Չէ՛, մեծապատիվ տէր, չէ՛:

— Ո՞վ է ուրեմն սա գետնին տակն անցնելու մարդը... ուսկի՞ց պիտի գա... ըսէ, որ ճամփա մը մտմտանք ու բերել տանք... Եթէ մէկ երկու ոսկի տանք, այս շաբաթ կուգա՞:

— Այ՛ո, երկու ոսկի տալուդ պէս գործը կը դյուրանա, եւ մուսաս այս շաբաթ վազելով կուգա,— պատասխանեց անմուսա բանաստեղծը ոսկի բառը լսելուն պէս:

— Գրէ՛ ուրեմն իրեն, իմ կողմէս ալ հասուկ բարեկներ ըրէ եւ ըսէ, որ Աբիսողոմ աղան քեզ տեսնել կուգէ:

— Գլխուս վրա: Մնայք բարեակ, տէր, շնորհակալ եմ ձեզմէ, ծառա եմ ձեր մեծապատվութեանը եւ կաղաչեմ ընդունիք...

— Ոչ,— ըսավ Աբիսողոմ աղա բարկութեամբ,— ա՛լ երկար ըրիր, սհա ինչ որ ըսիր, ընդունեցի եւ դեռ ի՞նչ կուգես, որ ընդունիմ...

— Խորին հարգանացս հավաստիքը, տէր... որով մնամ ձեր մեծապատվութեան ամենախոնարհ ծառա:

— Շատ աղէկ:

Մէկնեցավ բանաստեղծն՝ երկու ոսկիով բերել տալ խոստանալով մուսան, զոր ոմանք ավելի աժան գնով բերել կուտան: Մուսայի մ'օրականն հյուսնի մ'օրականէն ավելի չէ այժմ:

Աբիսողոմ աղան, ինչպէս գիտեցին ընթերցողներն, կը մոռնար յուր անոթությունն ամէն անգամ, որ մէկն անոր խոսք կուտար անունը լրագրի մէջ անցունելու եւ կամ եկեղեցվո մէջ ծանուցում ընելու, ինչպէս նաեւ յուր քսակին բերանը կը բանար եւ դրամով կը վարձատրեր ամեն անոնք, որ իրեն կը խոստանային անունն ժողովրդեան մէջ տարածելու:

Փառասիրությունն ալ տեսակ մը անոթություն է, զոր դրամով կը կշտացունեն մարդերը: Լրագրիներու մէջ գրվելու փառասիրությունն, զոր ոմանք մոլություն կը համարեն, եւ ոմանք առաքինութեան կարգը դասել կը փափագին, եւ որ մեր ժողովրդեան ամեն դասերուն մէջ կը գտնվի այսօր, տիրած էր նաև Աբիսողոմ աղային վրա, որ բանաստեղծին մէկնելէն ետքը փոխանակ յուր անոթութեանը վրա խորհելու՝ սկսավ ոտանավորին վրա միտք հոգնեցունել:

— Արդե՞տք—, հարցուց ինքնիրեն,— ոտանավորն ուզածիս պէս պիտի ըլլա՞. սա մարդու մուսան քանի մ'օրէն պիտի գա՞. եւ եթէ չգա, անոր տեղն ուրի՞շ մը բերելու է...:

Այս հարցումներն կուղղեր իրեն, երբ տան տիկինը ներս մտնելով ըսավ.

— Կերակուրը պատրաստ է, հրամմեցէ՛ք, Աբիսողոմ աղա:

— Ըստ տաճկաց[21] ժամը գիշերուան չորսը զարկած էր:

Ե

Այն խուցն, որուն մէջ Աբիսողոմ աղան ապաշխարանք քաշած էր, ունէր յուր դէմն սենեակ մը, որ խոհանոցի քովն էր եւ որ ճաշի հասկացված էր: Այս սենեակը մտավ Աբիսողոմ աղան առաջնորդութեամբ տիկնոջ, որ սեղանը պատրաստած էր վերջապէս: Աբիսողոմ աղան ճաշի սենեակը մտնելով բարեւեց Մանուկ աղան, որ սեղանին շուրջը պառռնէր շարելու զբաղած էր:

— Մանկ հրամանեցէ՛ք, Աբիսողոմ աղա, ըսավ Մանուկ աղան՝ սեղանին վերի կողմը ցույց տալով յուր հյուրին:

— Հրամանքնիդ նստեցէ՛ք, ես ալ կը նստիմ,— պատասխանեց հյուրն՝ նստելով իրեն ցույց տրված տեղը:

— Ներեցէ՛ք կերակուրս այսչափ ուշացնելուս համար, ուրիշ իրիկուններ ձեր ուզած ժամուն կրնաք ուտել. այս գիշեր քանի մը պատճառներ թող չտվին, որ սեղանն ժամանակին պատրաստվէր. այս պատճառները վերջը կ'պատմեմ ձեզի: Ի՞նչպէս էք, տեսնենք, Աբիսողոմ աղա, հանգի՞ստ էք,— հարցուց Մանուկ աղան ձայնին աստիճանն իջեցունելով:

— Շատ հանգիստ եմ:

— Շնորհակալ ենք, մեր բարեկամն ի՞նչպէս է Տրապիզոն:

— Աղէկ է, հասկապէս բարեւ ըրավ ձեզի:

— Բերող տանողն ողջ ըլլա: Եթէ ձեզի գալաթ մը օղի տամ, կը տնկե՞ք. ախորժակ կը բանա:

— Գալաթ մը միայն կը խմեմ:

— Շատ լավ. հրամանեցէ՛ք:

Մանուկ աղան երկնցուց գալաթն Աբիսողոմ աղային, որ ի մի ումպ կլլեց գայն, այսինքն օղին գալաթը չհասկնաք:

— Անուշ ըլլա, Աբիսողոմ աղա:

— Շնորհակալ եմ:

— Ձեր կենդանութեանը:

— Ողջ եղէ՛ք:

Մանուկ աղան օղին ջրով բարեխառնելէն ետքը խմեց գայն ի չորս ումպ:

— Տիկինը մինչեւ որ կերակուրներն տաքցունէ եւ բերէ, մենք կրնանք խոսիլ եւ ժամանակ անցունել, այնպէս չէ՞, Աբիսողոմ աղա:

— Այո,— պատասխանեց հյուրն այնպիսի եղանակով մը, որ կը հասկուցներ, թէ ավելի լավ էր նախ կերակուր ուտել եւ ապա խոսիլ:

— Մտիկ արեք ուրեմն այսօր մեր գլուխն եկածները: Քանի մը շաբաթէ վեր թաղականի մը ընտրութեան տեսէ ինկած ենք: Դուք հիմա ձեր մտքէն պիտի ըսեք, թէ՛ մարդ, թաղականը քուկին ինչո՞ւր է պետք: Անանկ չէ, Աբիսողոմ աղա, ազգին գործը եւ չնայիմ, դուն չնայիս, ան չնայի, ո՞վ նայէ ուրեմն. ինչուս պետքը շատ գեշ բան է, անով ամէն մարդ մեկդի կը քաշվի, եւ ազգին գործերն ալ երեսի վրա կը մնան: Իմ գիտցածս՝ ամէն մարդ ձեռքէն եկածին չափ ազգին գործերուն ալ աշխատելու է: Հատ մ՝ ալ կը խմե՞ք, Աբիսողոմ աղա, ախորժակ կը բանա:

— Մովորությունն չունիմ մէկ գալաթէն ավելի խմելու:

— Մեր գալաթներն պզտիկ են, մանավանդ թէ Պոլստ օղն ալ կը վերցունէ:

— Շատ լավ:

Երկու բարեկամներ մէյմէկ գալաթ եւս խմեցին իրարու կենդանութեանը, եւ Մանուկ աղան սկսավ աստեղաբանութեան:

— Այս առտու,— ըսավ,— մեր թաղէն ազգային զբոսարանը գացած ժամանակս, ձեզմէ աղէկ չըլլա, մեր բարեկամներէն Մելքոն աղային հանդիպեցա: Այս Մելքոն աղան նախ Բարթողիմէոս աղային աղջիկը առած էր:

Բարթողիմեոս աղան ալ ժամանակավ մատով կը ցցունեն[22] եղեր, իբրեւ բարի մարդ, հյուրասէր մարդ, ազգասէր եւ բարեպաշտ մարդ, եւ շուկային մէջ շատ խանութներ ուներ, որոնցմէ տարին բավական եկամուտ կառնէր: Քանի մը տարիէն Մելքոն աղային կինը մեռավ, եւ Մելքոն աղան համետագործ Նիկողոսին աղջկանը հետ կարգվեցավ: Այս աղջիկն քանի մը եղբայներ ունի, որոնց մին Ամբակում աղային քով գրագրութիւն կրնէ: Այս Ամբակում աղան ալ տղա մը ուներ, որ թուղթ խաղալով հորը շատ ստակը կերավ եւ վերջէն Ռուսաստան վախաւ: Այս աղան Մարգար եպիսկոպոսին քրոջն թոռան եղբորորդին էր: Մյուս եղբայրը շուկայի մէջ ոսկերիչ է. բարձր հասակով, սիրուն մարդ մ'է: Երբորդ եղբայրը ատենոք շատ պարապ պատեցավ, իւեղծութեան մէջ ինկավ, անթութենէ պիտի մեռնէր, վերջէն թաղական անդամ ընտրվեցավ եւ մէկ երկու տարիէն ինքզինքը ժողվեց: Չերկնցնեմ խոսքս, Մելքոն աղան այդ Նիկողոս աղային աղջիկն առնելէն ետքը քանի մը տարիներ շատ հանգիստ կեանք վարեց, բայց վերջէն բախտը դարձավ, ձախորդութիւն ձախորդութեան վրա եկավ, եւ ունեցած չունեցածը բոլորովին կորսնցուց: Օր մը առնեմ զինքը, հոս բերեմ, եւ տեսնեք, թէ ինչ բարի մարդ է: Եղբայր մ'ալ ունի, որ վարպետ ժամագործ մ'է, ատենոք Պէոյուք Տէրե[23] կը նստեր, վերջը քանի մը տարիներ Իսկյուտար[24] նստավ, ետքէն Գում Գարուն[25] երթալով՝ հոն ալ չկրցավ նստիլ, եւ հիմա չեմ գիտեր, ուր կը նստի: Բայց շատ վարպետ ժամագործ է: Թորոս աղան, որ եւ ոչ մէկ ժամագործի կը հանձնէ յուր ժամացույցն, անոր կուտա, որ մաքրէ: Այս Թորոս աղան կը ճանչնա՞ք. ուրիշ տեսակ մարդ է. անոր մէկ պատմութիւնը ընեմ քեզի եւ մտիկ ըրէ, որ տեսնես, թէ աշխարհիս վրա ասանկ մարդ կը գտնվի եղեր, որ...

- Բերե՞մ ասպուրը,— հարցուց տիկինը սենեակին դռնէն ներս երկնցնելով զլուխը:
- Քիչ մը համբերէ, տիկին, խոսքս լմնցունեմ, վերջը բեր: Այնպէս չէ՞, Աբիսողոմ աղա, խոսք պէտք է յա՛: Եթէ մտիկ ընելու ժամանակ չունիք եւ զլուխնիդ կը ցավցունեմ կոր, ըսէ՞ք:
- Ատ ինչ խոսք է... բա...

Աբիսողոմ աղան չկրցավ շարունակել յուր խոսքը, գոր ընդմիջեց Մանուկ աղան Թորոս աղային պատմութեանն սկսելով:

— Այս Թորոս աղան,— շարունակից,— մուշտակագործ մ'է, ականջը խոսի, եւ յուր ընտանիքովը հանգիստ կեանք մը կը վարէ: Յուր տանը պէտք եղած պարենը, կարասիքս եւ հանդերձեղէն յուր ձեռքովը կառնէ եւ իրմէ զատ եւ ոչ մէկու մը վստահութիւն ունի, ականջը խոսի: Մասվաճառէն միս կառնէ, տուն երթալուն պէս կը կշռէ զայն, եւ անպատճառ քանի մը տրամ պակաս կը գտնէ միսը, մասվաճառին կերթա, հետը կովի կը բռնվի եւ քանի մը տրամ պակաս արված միսը կառնէ տուն կը դառնա: Ասանկ տարօրինակ մարդ մ'է. ականջը խոսի: Օր մը այս Թորոս աղան, ականջը խոսի, ժամացույցին փոշիները մաքրել տալու համար ժամագործի մը կերթա եւ հետը սակարկութեան սկսելով՝ վերջապէս տասն եւ հինգ դահեկան կը հավանի տալ, այն պայմանով, որ ժամագործն յուր առջեւը մաքրէ ժամացույցը, վասնզի Թորոս աղան, ականջը խոսի, ինչպէս ըսի, եւ ոչ մէկու մը վստահութիւն ունենալով՝ չէր ուզեր իր ժամացույցն ժամագործին հանձնել եւ երթալ՝ վախնալով, որ ժամացույցին մէջէն բան մը կը գողցվի, կամ ժամագործը դիտմամբ կավրէ ժամացույցն՝ մեծ ծախք մը բանալու համար, ինչպէս որ կրնեն շատ մը ժամագործներ, երբ քանի մը օր անգործ մնան: Ժամագործն յուր պատվոյն դէմ անարգանք կը համարի Թորոս աղային առաջարկութիւնն եւ կը բարկանա: Եթէ դուն ըլլայիր ժամագործին տեղ չէ՞ իր բարկանար:

- Կը բարկանայի,— պատասխանեց Աբիսողոմ աղան, որ իւելքն ու միտքը ասպուրի դրկած ըլլալով՝ բնավ ականջ չէր կախեր Մանուկ աղային ըրած պատմութեանը:

/ 22 մատով կը ցցունեն — ցույց են տալիս

23 Պէոյուք Տէրե— Պոլսի արվարձաններից մէկն է՝ եվրոպական մասում

24 Իսկյուտար — Պոլսի արվարձաններից մէկն է, գտնվում է Բոսֆորի ստիական ափին

25 Գում Գարուն — Պոլսի քաղաքամասերից մէկն է, Մարմարա ծովի եզերքին /

— Թորոս աղան, ականջը խոսի, կրակ կը կտրի ժամագործին բարկանալուն վրա եւ քանի մը ծանր խոսքեր կրնէ իրեն, որ ընելու չէր. այնպէս չէ՞:

— Այնպէս է,— պատասխանեց դարձեալ Աբիսողոմ աղան մեքենաբար՝ միշտ հավանութեան պատասխաններ տալով իրեն եղած հարցումներուն, որպէսզի խոսքը չերկարի, եւ կերակուրը բերեն:

— Ժամագործը կը վնտէ Թորոս աղան, ականջը խոսի. Թորոս աղան ալ, ականջը խոսի, խանութէն դուրս ելնել չուզեր՝ վնտովիլն իրեն պզտիկություն համարելով. դուն ալ ըլլա՛ս, չես ելլա՞ր ա՛:

— Չեմ ելլար ա՛,— պատասխանեց Աբիսողոմ աղան, որ չէր գիտեր, թէ ուս կից չէր ելլար եւ ինչո՛ւ չէր ելլար. վասնզի, ինչպէս ըսինք, Թորոս աղային ըրած պատմութեան եւ ոչ մէկ բառը յուր ականջը մտած էր. միայն հարցումներու կը պատասխաներ:



— Ծեծկրվուքը կսկսի. ժամագործն ապտակ մը կը գարկէ Թորոս աղային. ականջը խոսի, Թորոս աղան, ականջը խոսի, կից[26] մը կուտա ժամագործին. կարծեմ, ով ալ ըլլար Թորոս աղային տեղը, ուրիշ կերպով չպիտի կրնար պատասխանել ժամագործին ապտակին:

Ոտքդ պագնեմ, Աբիսողոմ աղա, ըսէ՛, այնպէս չէ՞:

— Դուք ալ հոս դոմադեստ՝ վ[27] կը շինեք,— հարցուց մէկէն ի մէկ Աբիսողոմ աղան:

— Դոմադեստ վ՛:

— Այո՛, ուրիշ տեղեր դոմադեստով կը շինեն եղեր:

— Ժամացո՞ւյցը:

— Ո՞ր ժամացույցը:

— Թորոս աղային ժամացույցը:

— Թորոս աղան ո՞վ է:

— Մտիկ չըրի՞ր ուրեմն ըրած պատմությունս:

— Ըրի, կատարեալ մտիկ ըրի,— ըսավ Աբիսողոմ աղան, որ յուր դոմադեսի հարցումովն հաստատեց, թէ միտքն ապուրի, ապուրէն դոմադեսի, դոմադեսէն Պոլտո մէջ բրինձի ապուրին ինչպէս շինվելուն գնացած էր, եւ բնավ ունկն չէր դրած Մանուկ աղային խոսքերուն:

Աբիսողոմ աղան շատ իրավունք ուներ յուր տան տիրոջ երկարաձիգ ճառն մտիկ չընելու, մանավանդ անորի փորով:

Աշխարհիս վրա կան մարդեր, որք կը կարծեն, թէ իրավունք ունին մեկու մը քթէն բռնել եւ ժամերով անոր գլուխը ցավցունել: Ուրիշներ ալ կան, որ իրենց խոսքերը մտիկ անել տալու համար մարդ կը փնտրեն եւ եթէ չգտնեն, պատրաստ են հոժարակամ օրական վարձ մ'ալ տալ. ոմանք ալ ամսականով ունկնդիր կը փնտրեն: Շատ անգամ ինծի ալ պատահած է այս փորձանքը, եւ ես մտիկ ընել ձևացունելով՝ իմ գործիս վրա խորհած եմ. հավանութեան պատասխաններ տալով ինծի եղած հարցումներուն՝ այնպէս է պատասխանած եմ, եթէ այնպէս է հարցվեր ինծի. արդարությունն ալ այս է պատասխան տված եմ, երբ արդարությունն ալ այս չէ՞ հարցումն ուղղվեր ինծի. իրավունք ունիս ըսած եմ, երբ իրավունք չունիմ հարցումն եղած է, որպէսզի խոսքը կարճ կատվի:

Դժբախտությունն հոն է, որ գլուխը ցավցնողն երբեմն այնպիսի հարցում մը կընէ, որուն պատասխանելը դժվար է, վստահի վճիռ տալը քեզի կը թողու: Օրինակի համար, լմնցնելէն[28] ետքը ճառն, գոր դու բնավ մտիկ ըրած չես կը հարցունէ քեզի.

— Մարկոս աղան իրավունք ունի, թէ Կիրակոս աղան:

Ի՞նչ պատասխանելու է. գործին վրա բնավ տեղեկություն չունիս. որո՞ւն տալու է իրավունքը. մանավանդ գիտնալու է, թէ իրավունքն որու պետք է տալ, որպէսզի գլուխը ցավցնողին սիրտը չցալի: Ասոր ալ ես դյուրին ճանփան գտած եմ եւ հետեւեալ պատասխանները կուտամ.

— Գործն անուշութեամբ լմնցնելու է:

— Այո, բայց իրավունքը որո՞ւ քովն է:

— Ի՞նչ օգուտ... գէշ մարդու հետ գլուխ չելնըվիր:

— Այո, բայց կաղաչեմ ըսէ՛, երկուքէն ո՞րն իրավունք ունի:

— Ինչո՞ւ կտիպես, որ ըսեմ, եղբայր, երկու անգամ երկու չորսի պէս հայտնի է իրավունքին ուր ըլլալը:

Շատերն այս պատասխաններովս գոհացուցած եմ. բայց ոմանք ալ կան, որ կարծես զքեզ ոստիկանութեան պիտի հանձնեն եթէ չըսես, թէ Մարկոսն իրավունք ունի, իսկ Կիրակոսն անիրավ է: Ասոնց ալ ձեռքէն խալսելու համար՝ ստիպողական գործ մ'ունիմ ըսելով առեր, քալեր եմ: Իսկ վերջերս տեսնելով, թէ այս ընթացքս կը քաջալերէ շատախոսները, քաղաքավարությունը մեկդի դնելով՝ օր մը անտնցմէ մեկուն ըսի.

— Պարոն, զքեզ երկու ժամ մտիկ ընելու համար երկու ոսկի կուգեմ. երկու ոսկիէն լուճա[29] մը պակաս եթէ տաս, չեմ ընդունիր:

Մարդը կէս ոսկի տվալ, իսկ ես չընդունեցի եւ օձիքս խալսեցի: Այս օրերս կը լսեմ, որ այդ մարդը քառորդ ոսկիի երկու ունկնդիր եւս վարձած է: Երանի «Մասիսին», որ յուր ունկնդիրներուն ստակ տալու տեղ անտնցմէ ստակ կառնէ:

Արիտողոմ աղան ինծի պէս չվարվեցալ եւ, ինչպէս հայտնի է, երբ դոմադեսի հարցապնդումով զգալ տվալ ատենաբանին, թէ յուր ճառն բնավ մտիկ ըրած չէր, յուր անքաղաքավարությունն անմիջապէս դարմանելու համար ըսալ.

— Կատարեալ մտիկ ըրի:

Աղէ՞կ ըրալ: Հայտնի է, որ գէշ ըրալ, եթէ ես յուր տեղն ըլլայի, պարզապէս կըսէի Մանուկ աղային.

«Մանուկ աղա, ինձի նայէ՛, եղբայրս, երբ որ մեկը խոսիլ կսկսի, խղճմտանքը մեկդի դնելու չէ: Ուրջ ժամէ ի վեր անթի եմ եւ եւ բնավ պէտք չունիմ գիտնալ, թէ Մարտիրոս աղան որուն տղան է, թէ Գևորգ աղան որու հայրն է, թէ ժամագործը Թորոս աղային ասպտակ հաներ է, թէ Թորոս աղան ալ ժամագործին կից տվեր է:



Այսպես կը խոսէի բացէ ի բաց, ոչ թէ միայն ընկերութեան մը մէջ գլուխ ցավցնողին, այլ նույն իսկ այն վարդապետներուն, որ շատ խոսելու նպատակով միայն չորս ժամ քարոզ կուտան եւ կը վիրավորվին, եթէ ժողովրդէն մէկը քարոզի ժամանակ եկեղեցիէն դուրս ելնէ: Եվ արդէն ըսած եմ օր մը եպիսկոպոսի մը, որ հինգ ժամ քարոզ խոսելէն ետքը եկեղեցէն դուրս ելած էր եւ խուցը կերթար:

- Ո՞ր կերթաք, սրբազան,– հարցուցի:
- Շատ քրտնած ըլլալով խուցս պիտի երթամ եւ լաթ[30] պիտի փոխեմ:
- Դուք ո՞ր կերթաք,– հարցուց ինձի:
- Ես ալ տուն կերթամ լաթ փոխելու համար,– պատասխանեցի իրեն: Եվ այն օրէն ի վեր եպիսկոպոսն կարճ կը խոսի քարոզի մէջ:

Արբիտողոմ աղան չունեցավ այս համարձակությունը եւ խրախույս տվավ Մանուկ աղային, որ շարունակէ յուր ճառը դոմադեսական հարցման պատասխանելէն ետքը:

- Դոմադեսը հոս կը գործածենք սպուրի մէջ, բիլավի[31] մէջ եւ ուրիշ մտերէն քանի մը կերակուրներու մէջ, բայց բնավ երբէք ժամացույցի մէջ:
- Շնորհակալ եմ. սպուրի մէջ կը գործածվի ըսել է ես ալ ատ գիտնալ կը փափագէի:
- Սպուրը դոմադես ո՞վ կը սիրէք, թէ ոչ:
- Դոմադեսով կը սիրեմ:
- Շատ աղէկ: Դառնանք հիմա մեր խոսքին... ո՞ր մնացինք... հա՛, Թորոս աղային վրա էր: Տարօրինակ մարդ մ'է սա Թորոս աղան, ականջը խոսի, շատ պատմություններ ունի. ուրիշ գիշեր մը զանոնք կը պատմեմ, եւ ժամանակ կանցունենք: Երկար չընենք, սա առտու հանդիպեցա Մելքոն աղային...

- Բերի, որ տաք-տաք ուտենք,– ըսավ տիկինը ներս մտնելով եւ սպուրը բերելով:
- Այո՛, այո՛, ուտենք, վասն զի շատ անոթի եմ,– ըսավ Արբիտողոմ աղան:
- Հրամանեցէ՛ք...
- Շնորհակալ եմ,– ըսավ Արբիտողոմ աղան եւ գոլալը բերանը տանելու մնաց, մէկէն ի մէկ վեր ցատկեց :
- Կարծեմ թէ շատ տաք էր, ներեցէ՛ք, Արբիտողոմ աղա,– ըսավ տիկինը:
- Քիչ մը ջուր առ բերանդ, Արբիտողոմ աղա,– ավելցուց Մանուկ աղան:
- Վնաս չունի, վնաս չունի...
- Տիկին՛ն, ինչո՞ւ համար ուշադրություն չէք ըներ կերակուրներու տաքութեանը կամ պաղութեանը,– ըսավ էրիկն կնոջը:
- Ա՛լ այս գիշեր մեր պակասություններուն աչք գոցելու է Արբիտողոմ աղան:
- Վնաս չունի, բան մը չէ:
- Սպուրը մինչեւ որ պաղի, այս օրվան դէպքը պատմեմ գոնէ,– ըսավ Մանուկ աղան:
- Մանուկ աղա, Արբիտողոմ աղային գլուխ մի ցավցուներ այս գիշեր. թերեւս չախորժիր:
- Ժամանակ անցունելու համար պիտի խոսէի, որ զբոսնու եւ չնեղվի:
- Ուրիշ գիշերվան թող. այս գիշեր հոգնած-հոգնած կրնա՞ քեզի մտիկ ընել:



– Կարծեմ թե Աբիսողոմ աղան սիրով մտիկ կրնե՛ս ազգային գործերը եւ բնավ ձանձրություն չզգար:

– Այո՛, սիրով մտիկ կրնեմ,– պատասխանեց հյուրը,– բայց տիկինին ըսածին պէս վաղը գիշերվան թողունք, վասնզի այսօր շատ հոգնած եմ:

– Շատ լավ, շատ լավ, ինչպէս որ կուզէք, այնպէս ըլլաւ. բայց մեր թաղին թաղականին գործը շատ զվարճալի է: Մէլքոն աղան եթէ հոս ըլլար եւ պատմեր, խնդալէն կը ճաթէինք:

– Ապուրը պաղեցաւ, հրամանեցէ՛ք,– ըսավ տիկինը:

Աբիսողոմ աղան այս հրավերն առնելուն պէս՝ գոլով ապուրին վրա հարձակեցաւ:

– Օղի մ'ալ կը խմէ՛ք, Աբիսողոմ աղա:

– Շնորհակալ եմ, չեմ ուզեր:

– Տիկին, Աբիսողոմ աղային գինի լեցուր:

– Մանուկ աղա, այս գիշեր այլանդակ խոսքեր կրնես, ապուրի վրա գինի կը խմվի՞:

– Բնչո՞ւ չխամվիր, տեսնենք պիտի համնի՞ մեր գինիին:

Տիկինը դուրս ելավ եւ խաշած միս բերելով սեղանին վրա դրավ:

Աբիսողոմ աղան այնպիսի անսովորակ մը կուտեր, որ մսի կտորները առանց ծամելու կը կլլէր:

– Փառք քեզ, Աստված, այս գիշեր ալ կշտացանք,– ըսավ Աբիսողոմ աղան փորն քահանայի մը պէս լեցնելէն ետքը եւ երեսը խաչակնքելով ու ցած ձայնով Հայր մերն ըսելով՝ սեղանէն ելավ եւ լվացվելու համար ջուր փնտրեց:

– Կերակուրէն վերջը կը լվացվի՛ք,– հարցուց տիկինը հյուրին:

– Եթէ ջուր ըլլար...

– Մենք սովորություն չունինք, բայց ձեզի քիչ մը ջուր բերեմ եւ լվացվեցէք:

Աբիսողոմ աղան լվացվեցաւ եւ ձեռները չորցնելու ստեն հարցուց տիկինին, թէ որ սենեակին մէջ պիտի պատկեր:

Տիկինը ճրագով երկրորդ հարկը սենեակ մը առաջնորդեց հյուրին եւ վար իջաւ:

Այս պատկելու սենեակն փոքր էր, եւ անոր ճիշդ չափը տված կըլլանք, եթէ ըսենք, որ Աբիսողոմ աղային հասակին երկայնությունն ուներ: Անկողինը շինված էր այն միակ պատուհանին առջեւ, որ փողոցի վրա բացված էր: Աթոռ մը, քառակուսի պզտիկ սեղան մը, փոքրիկ հայելի մը, ջուրի շիշ մը եւ գավաթ մը, սանտր մը, վրձին մը այս սենյակին կարասիքը կը կազմէին:

Աբիսողոմ աղան սենյակէն ներս մտնելուն պէս ձեռներն բացաւ եւ նորէն փառք տվաւ Աստուծո, որ վերջապէս խալսեցաւ փորձանքներէն եւ առանձին մնաց: Բանտէն արձակվող մը չէր կարող ավելի ուրախություն զգալ: Փառաբանությունն ավարտելուն պէս հանվեցաւ եւ ինքզինքն անկողնո մէջ նետեց:

– Ասկեց ետքը ընելիքս գիտեմ,– ըսավ անկողնո մէջ,– եւ ոչ մէկու հետ պիտի տեսնվիմ, վասնզի ես այս պալսեցիները շատ չսիրեցի, ասոնք կամ դրամդ առնելու կը նային կոր կամ երկու ժամ գլուխդ ցավցունելու: Բնչո՞ւս պէտք իմին. ես եկած եմ հոս կին մ'առնելու եւ երթալու. որուն աղջիկն որ սիրեմ՝ կուզեմ. եթէ տան՝ կառնեմ, գործս կերթամ, եւ եթէ չտան, եթէ չտան... բայց ինչո՞ւ չտան... ինձմէ աղեկի՞ն պիտի տան... Եթէ վաղը սա լրագիրն իմ անունս ալ փառափորապէս գրե, այն ստեն շատերն պիտի աղաչեն ինձի, որ իրենց աղջիկն առնեմ... Մէկէն ավելին ի՞նչ պիտի ընեմ... անոնց մէջէն պարկեշտ աղջիկ մը կը գատեմ... խոսկապը[32] կրնեմ... նշան կուտամ... կը կարգվիմ...

Այս որոշումները տալով կը քնանա Աբիսողոմ աղան:

Արհատում աղան աղվոր քուն մը քաշեց նույն գիշերը, վասնզի շատ հոգնած էր եւ թերեւս հետեւյալ օրն ալ չէր բանար աչերն, եթէ փողոցի վաճառականներն առափոտուն իրենց սահարկու ձայներովն չխռովէին անոր քունը, մահական այդ կտորնն, որ ոչ միայն հոգնած մարդերու հանգստարանն է, այլեւ շատ մշտնջենական ցավերու առժամանակեա դարմանն է: Երանի անոնց, որ կը քնանան եւ ուշ կարթննան կամ բնավ չեն արթննար, վասնզի անոնք բնավ չեն զգար կամ գոնէ քիչ կզգան այն ցավերն, որք հալ ու մաշ կընեն մարդս:

Բայց Պոլստ մէջ քնանալու ազատությունն ալ չկա. գիշերները պահապաններն այնքան ուժով գետին կը զարնեն իրենց փայտերն, եւ առափոտուն փողոցի վաճառականներն այնքան բարձր ձայնով կեղանակեն իրենց սայրանքներն, որ քունն կը շվարի, կը մնա, թէ ո՞ր կողմ փախչի: Եթէ վերջին դատաստանին օրը Գաբրիէլ հրեշտակապետը չհաջողի յուր փողովն մեռեալներն արթնցնել, եւ պիտի առաջարկեմ, որ այդ պաշտոնը Պոլստ փողոցի վաճառականներուն կամ գիշերային պահապաններուն հանձնվի:

Արհատում աղան ալ, որ փողոցի վրա սենեակի մը մէջ կը պառկեր, ստիպվեցաւ կանուխ արթննալ: Աչերը բանալուն պէս անկողինէն ելաւ, անդուկը բացաւ եւ ձերմակեղենները փոխեց, հետո լվացվեցաւ եւ հագվեցաւ:

Տան տիկինն, որ իմացած էր հյուրին ելած ըլլալն, վեր ելաւ եւ զարդարուն սենեակ մը հրամցնելով զայն՝ իմաց տվաւ, թէ մէկն կապասեր վարը եւ զինքը տեսնել կուզեր:

- Թող հրամմե՛ք, — ըսաւ Արհատում աղան:
- Շատ լաւ, կաղաչեմ, ըսէ՛ք ինձի. իսահվէն կաթո՞ւ վ կը իմեք, թէ առանց կաթի:
- Կաթ կը իմեմ առանց իսահվէի:
- Կաթ բերեմ ուրեմն:
- Այո, կաթ բերէ՛ք: Տիկինը վար գնաց:

— Տեսնե՞ք ո՞վ է սա մարդը, — ըսաւ ինքնիրեն խոշոր մարդը, — թերեւս աղջիկ ունի կարգելու եւ իմ Պոլիս գալս իմանալով՝ առափոտուն կանուխ հետս խոսելու եկած է: Բայց ես մինչեւ որ չստուգեմ աղջկան ինչ բնութեան տէր ըլլալը, խոսք չեմ տար. նախ ամէն բան հասկնալու եմ, աղջիկը քննելու եմ, վերջէն հորս հարցնելու եմ. վասնզի իմ սիրելիս բավական չէ, պետք է որ հայրս ալ սիրէ իմ կինս. ոչ թէ միայն հայրս, այլ ամեն մարդ հավնելու է...

— Բարեւ, վսեմափայլ տէր, — ըսաւ երեսնամեա եւ վառվորն երիտասարդ մը սենեակ մտնելով եւ արագաքայլ Արհատում աղային վազելով՝ անոր ձեռները սղմելու համար:

Արհատում աղան տեղէն ելաւ եւ ձեռները հանձնեց այդ երիտասարդին, որ ուզածին պէս սղմէ եւ թոթվէ[33] զանոնք՝ հազար ու մէկ հարգանքներ մատուցանելով:

— Նստեցէ՛ք, Արհատում աղա՛, կաղաչեմ, չվայլեր, որ ոտքի ելնէք, — ըսաւ երիտասարդն՝ տիրոջը դարձնելով իրեն հանձնված ձեռներն եւ կոտրտվելով ետ ետ գնաց, թիկնաթոռի մը վրա նստաւ:

Արհատում աղան բազմոցին վրա բազմեցաւ:

— Արդարեւ մեր պարտքն էր երեկ գալ եւ ձեր գալուստը շնորհավորել, բայց ուշ իմացանք ձեր գալն. ասոր համար հատկապէս ձեր ներողությունը կը խնդրենք, — ըսաւ երիտասարդն ձեռներն իրարու շփելով:

— Այսօր գալով պակասությունն մ՛ըրած չէք ըլլար, որ ներողություն խնդրեք :

– Ձեր քաղաքավարությունն է, որ այնպես խոսել կուտա ձեզի, բայց մենք մեր պակասությունը միշտ կը ճանչնանք: Արդարեւ մեծ պակասությունն մ'է մեր ըրածը. ձեզի պէս երեւելի մարդ մը մայրաքաղաքս գա, եւ պատկերահան մը անմիջապէս բարի եկարի չեղթա, պակասություններու պակասությունն է, որ եւ ոչ մէկ կերպով մը կրնա պակասություն ըլլալէ դատրիլ:

– Ամենեւին պակասություն մը չէ, եթէ բնավ չգայիք, դարձեալ պակասություն մը չէր համարվեր ինծի համար:

– Շատ վեհանձն էք:

– Ամենեւին վեհանձն չեմ:

– Թող այնպէս ըլլա, ասորի համար հիմա վիճաբանութեան մտնելու հարկ չեմ տեսներ. միայն ինքզինքս ձեր տրամադրութեան տակ կը դնեմ եւ ձեր հրամաններուն կսպասեմ, եթէ կուզէք, հոս քաշել[34] տվէք, եթէ կը փափագիք, մեր գրասենեակը պատվել հաճեցէք, եւ հոն հանենք. ինծի համար միևնույն բանն է դուք ինչպէս որ կախորժէք, այնպէս ընելու պատրաստ եմ:

– Ի՞նչ պիտի քաշել տանք... իմ ակռաները սողել են:

– Գիտեմ, որ ակռաներդ սողել են, ինչպէս նաեւ դուք սլ սողել էք. եւ կը փափագիմ ձեր լուսանկար պատկերը քաշել:

– Ես մինչեւ հիմա պատկերս բնավ քաշել տված չունիմ եւ քաշել տալու հարկ մ'ալ չեմ տեսներ, վասնզի ամեն օր հայելի կը նայիմ եւ ինքզինքս կը տեսնեմ:

– Եթէ ձեր պատկերը մէկու մը դրկելու ուզէք, հայելին կրնա՞ք դրկել, Աբիսողոմ աղա:

– Հայելին ինչո՞ւ դրկեմ, եւ կերթամ:

– Շատ սողել կը խոսիք, բայց եւ մինչեւ որ ձեր պատկերը չհանեմ, չեմ կրնար հանգիստ ըլլալ. ինծի համար պզտիկություն մ'է ձեր պատկերը չհանելը, թող որ ձեզի համար սլ այնպէս է:

– Ինչո՞ւ:

– Լաված բա՞ն է, որ ձեզի պէս երեւելի մարդ մը Պոլիս գա եւ պատկերը քաշել չտա. աշխարհ արար ատ ձեր վրա պիտի ինդացնէ ք:

– Ինչո՞ւ:

– Պատճառը հայտնի է, մեծ մարդերը բնականաբար մեծ բարեկամներ կունենան. դուք մեծ մարդ մ'էք եւ այսօր կամ վաղը պիտի սկսէք մեծ մարդերու այցելություններն ընդունել:

Ատնցմէ շատերն իրենց պատկերներն մէյմէկ հատ պիտի նվիրեն ձեզի, եւ դուք սլ պիտի ստիպվէք ձերինէն մէյմէկ հատ տալ անոնց:

– Եվ եթէ չտամ, կը խնդա՞ն իմ վրա:

– Խնդալն սլ խո՞սք է, ընկերություններու մէջ մատի վրա կառնեն քեզի:

– Զարմանալի բան...

– Լաված բա՞ն է, որ ձեզի պէս ազնվական մը պատկերը հանել չտա. մեծ ամոթ է...

– Մե՞ծ ամոթ...

– Այո, շատ մեծ ամոթ է. անվարտի[35] պտտիլն այնքան ամոթ չէ, որքան իրեն պատկերն չունենալը:

– Ես չէի գիտեր:

/ 34 քաշել – այստեղ՝ լուսանկարել  
35 անվարտի – առանց վարտիքի /

— Քաղաքակրթությունը եւ լուսավորությունը պարտք կը դնեն մեր ամենուս վրա, որ մեր պատկերներն ունենանք:

— Լրագիրները պիտի գրեն, որ Աբիսողոմ աղան յուր պատկերը քաշել տված է:

— Լրագիրներու վերաբերեալ խնդիր մը չէ աս...

— Ըսել է թէ եկեղեցիներու մէջ ծանուցում ալ չպիտի ըլլա:

— Ծանուցումի ի՞նչ հարկ կա, Աբիսողոմ աղա, կը ծաղրէ՞ք զիս :

— Ծաղրեն՞ լ, ասոր շատ դէմ եմ ես... ի՞նչ իրավունք ունիմ ուրիշ մը ծաղրելու...

— Մի՛ բարկանաք...

— Չէ, կը բարկանամ, ես բնավորություն մը ունիմ, որ ամէն բան շիտակ կուզեմ:

— Շատ լավ. ի՞նչ դիրքով հանել կուզէք ձեր պատկերը:

— Միտք չունիմ պատկերս քաշել տալու, վասնզի անօգուտ բան մը կերեալ ինձի:

— Ի՞նչ կըսէք, ասկից ավելի օգտակար ի՞նչ կա. եթէ ձեր բարեկամներէն մէկուն այցելություն մը տալ ուզէք եւ ժամանակ չունենաք, ձեր մէկ պատկերը կը դրկէք, կը լմննա, կերթա: Եթէ կարգված էք, ձեր ամուսնուն կը դրկէք, որ ձեր բացակայութեանն աստէն անոր վրա նայելով կարոտը կտոնէ. եթէ ամուսնացած չէք, շատ աղջիկներ ձեր պատկերը կը տեսնեն եւ ձեր ուր ըլլալը կը հասկնան, որով ընկերություններու մէջ ձեր անունը կը խոսվի: Լուսանկար պատկեր մը այս օրվան օրս հացէն ավելի պէտք է մարդու. կաղաչեմ, որ համոզվիք, եւ ժամ առաջ երթանք ձեր պատկերը քաշենք:

— Աղջիկներն ի՞նչպէս եւ ո՞ւր պիտի տեսնեն իմ պատկերս...

— Չէ՞ որ ձեր բարեկամներուն պիտի տաք, անոնք ալ իրենց տունը պատկերներու հատուկ գիրքի մը մէջ պիտի անցունեն եւ ամենուն պիտի ցուցնեն:

— Ցուցնելով ի՞նչ պիտի ըլլա:

— Ի՞նչ կուզէք, որ ըլլա... միշտ կը հիշվիք...

— Եթէ չհիշվիմ, ի՞նչ կը կորսնցնեմ. հոգս էր իմին, թէ զիս պիտի հիշեն. կուզեն՝ հիշեն, կուզեն՝ չհիշեն, ես անանկ դատարկ բաներու ստակ չեմ տար եւ քու խոսքերուդ ալ չեմ հավատար:

— Ասիկա պզտիկ էնայուլթ[36] մ'է:

— Էնայուլթն ո՞վ է:

— Տէր, գիտէք որ արտիստ մը վիրավորեցիք ծանրապէս:

— Ե՛ս վիրավորեցի:

— Այո՛, դուք...

— Պատկերս քաշել չտալուս համար զրպարտութեան սկսա՞ր... եւ մինչեւ հիմա մէկը վիրավորած չեմ:

— Այսօր զիս վիրավորեցիք:

— Գնա՛ ոստիկանութեան իմաց տուր, պարսպ խոսքեր մտիկ ընելու ժամանակ չունիմ:

— Ոստիկանութեան երթալու հարկ չկա. կը խնդրեմ, որ ձեր բերնէն ելած խոսքը հաշտեցունէք ձեր քաղաքավարութեանը հետ:

— Ես կովի մէջ չեմ մտներ, գնա, դուն հաշտեցուր, եթէ կոխով ընողներ կան:

Մ'անուկ աղան Աբիսողոմ աղային նախաճաշը կը բերէ եւ եռոտանի սեղանի վրա դնելէն վերջը՝

— Հրամայեցէ՛ք, ձեր կայծը խմեցէ՛ք, — կըսէ:

Աբիսողոմ աղան աթոռ մը կտոնէ, սեղանին առջեւ կը նստի եւ կսկսի կայծը խմելու:

- Ի՞նչ որոշեցիք նայինք, Աբիսողոմ աղային պատկերը կե՞ս մեջքէն պիտի քաշէք, թէ ոտքի վրա, — կը հարցունէ Մանուկ աղան:
- Ոչ կէս մեջքէն, ոչ ալ ոտքի վրա, — կը պատասխանէ Աբիսողոմ աղան:
- Աթոռի մը վրա նստած ամբողջ պիտի քաշէք:
- Ո՛չ:
- Պատկան՞ծ պիտի հանէք:
- Ոչ:
- Քովընտի՞ [37] :
- Ո՛չ:
- Ի՞նչպէս որոշեցիք ուրեմն:
- Որոշեցինք, որ մեր պատկերը բնավ քաշել չտանք:
  
- Ատ չըլլար. ստիկա մեծ պգտիկություն է, Աբիսողոմ աղա՛. հիմա պգտիկներէն բռնէ, մինչեւ մեծերը գնա, ամենն ալ տարին քանի մը անգամ պատկերնին քաշել կուտան. երկու ամսու տղաներն անգամ իրենցն ունեն, միայն իրենց մորը արգանդին մէջ գտնվողները չունին իրենց պատկերը, եթէ անոր ալ դուրին մէկ ճամփան գտնեն, անոնց ալ պիտի հանեն:
  
- Ես չկրցի համոզել Աբիսողոմ աղան, որ կարծեց, թէ զինքը խաբելու համար եկած եմ հոս, — ըսավ պատկերահանը:
- Զէ, չէ, մեր պատկերահանն անանկ մարդ չէ, — ավելցուց Մանուկ աղան:
- Ըսի, թէ Աբիսողոմ աղային պէս մեծ եւ երևելի մարդ մը իրեն պատկերն անպատճառ ունենալու է:
- Այո՛, ունենալու է, եւ քանի մը տեսակ: Օրինակի համար. տասներկու հատ պգտիկ, տասներկու հատ միջին, տասներկու հատ մեծ, տասներկու հատ ոտքի վրա, տասներկու հատ պթոռի մը վրա բազմած, տասներկու հատ քովընտի նստած, տասներկու հատ շիտակ նստած, տասներկու հատ ոտք ոտքի վրա դրած, տասներկու հատ ձեռք ձեռքի վրա, տասներկու հատ գլուխը ձեռքին կոնթած, տասներկու հատ ձեռքը սեղանի մը վրա դրած, տասներկու հատ պատկած, տասներկու հատ ձեռքը գավազան բռնած, տասներկու հատ խնդումներէս, տասներկու հատ տխուր դէմքով, տասներկու հատ ալ ոչ խնդումներէս [38] եւ ոչ տխուր դէմքով: Այո՛, Աբիսողոմ աղա՛, աս ըսածներէս հատ մը եթէ պակաս ըլլա, ձեր պատվույն վնաս կուգա:
  
- Իրա՞վ կըսէք, — հարցուց Աբիսողոմ աղան:
- Մուտ խոսելու բնավ պարտականություն չունիմ. եթէ ասոնք չունենաս, քու վրադ աղէկ աչքով չեն նայիր. բոլոր մեծ մարդերն ասոնք ունին:
- Մեծ մարդերն ունին՞. աղէկ գիտէ ս:
- Այո, ունին:
- Պգտիկներն ալ ունին՞ ըսիր հապա:
- Պգտիկներն այս չափ չունին, անոնք կամ երեք հատ եւ կամ շատ-շատ վեց հատ հանել կուտան:
  
- Բնավ մտքես չէր անցներ, որ պատկերին այս չափ կարեւորություն կը տրվի հոս □
- Այո՛, կարեւորությունը հիմա միայն պատկերներուն կը տրվի, եւ որքան աղէկ քաշված ըլլան, այնքան ավելի կարեւորություն կառնեն:
  
- Քանի որ ամեն մարդ յուր պատկերն ունի, իմ մեծ մարդ ըլլալս ինչէ՞ն պիտի հասկցվի. միայն մեծ մարդերը քաշել տալու էին, որ այն աստէն...
- Բայց մեծ մարդերունը ուրիշ տեսակ է, խոշոր դիրքով եւ փայլուն թուղթի վրա կը հանեն:
- Չկրնա՞ր ըլլալ, որ սպասավորներս ալ առջեւս բարեւ բռնած հանենք:
- Շատ աղէկ կըլլա:

- Իրա՞վ կըսեք:
- Այո՛:
- Օրինակի համար ես ազարակներ ալ ունիմ, որոնց մեջ շատ մը կովեր, ոչխարներ, ձիեր, սագեր, բադեր կան, անոնք ալ կարելի չէ՞ պատկերին մէկ կողմը դնել:
- Ատոնք կարելի չէ, սպասավորներդ կրնաս առնել, այնպէս չէ՞, պարոն Դերենիկ:
- Այո՛, այնպէս է, – պատասխանեց պատկերահանը:
- Չկրնա՞ր ըլլալ, որ, – հարցուց նորէն Արիստղոմ աղան, – պատկերին տակը գրվի, որ այս մարդն ազարակներ[39], ձիեր, կովեր, էջեր ունի:
- Ատ չգրվիր. կրնա գրվիլ, բայց մինչեւ այսօր սովորութիւնն եղած չէ: Սակայն ի՞նչ հարկ կա զանոնք գրելու, արդէն ամէն մարդ շուտով կիմանա:
- Ձիու վրա նստած կրնա՞նք հանել:
- Այո՛, – պատասխանեց Դերենիկը:
- Ձին վազցունելով սակայն:
- Ատ դժվար է:
- Շատ լավ, վաղը կը նայինք:
- Եթէ կուզեք մեքենան հոս բերեմ վաղը:
- Այո՛, այո՛, հոս բերե՛ք, – կրկնեց Մանուկ աղան, – վասնզի չվայլեր, որ Արիստղոմ աղան ձեր սենեակը գա: Մեծ մարդերը միշտ իրենց տուներուն մէջ քաշել կուտան պատկերնին:
- Գլխուս վրա, – ըսավ Դերենիկն եւ ձեռները շփել սկսելով ոտքի վրա ելավ եւ կոտորվիլ սկսավ այնպէս, որ խոսք մը ըսել կուզեր եւ կը քաշվեր:
- Հայտնի է, թէ այն մարդն, որ բան մը ըսել կուզէ եւ կը քաշվի, անպատճառ ստակ պիտի ուզէ:
- Վաղը մեքենան հոս բե՛ր, – ըսավ Արիստղոմ աղան:
- Շատ լավ, – պատասխանեց պատկերահանը միշտ կոտորովելով եւ ձեռները շփելով:
- Վաղը մեքենան հոս բե՛ր՝ ըսինք ա, – կրկնեց Արիստղոմ աղան տեսնելով, որ պատկերահանը չերթար:
- Այո, հասկցա, մեքենան վաղը հոս պիտի բերենք, – պատասխանեց նորէն Դերենիկը, – բայց սովորութիւնն մը ունինք մենք, որ... ներեցէ՛ք սակայն:
- Ըսե՛ք:
- Բայց կադաշեմ, ծանր չգա ձեզի:
- Ծանր չգար ինձի:
- Սովորութիւնն մը ունինք, որ եթէ մեքենան մէկու մը տունը տանել հարկ ըլլա, կանխիկ գումար մը կառնենք... ոչ թէ վստահութիւնն չունենալուս համար, այլ սովորութիւնն մը հարգելու համար:
- Ատ ի՞նչ գէշ սովորութիւնն է...
- Վերջապէս սովորութիւնն մ'է:
- Շատ լավ... երկու ոսկի կը բավէ՞:
- Այո՛, կը բավէ:

Արիստղոմ աղան երկու ոսկի տվավ պատկերահանին, որ դուռը բանալն եւ աներեւութանալն մէկ ըրավ:

Է

Կան մարդեր, որ ցցունել կուզեն, ինչ որ չունին. կան ալ, որ ցցունել չեն ուզեր, ինչ որ ունին. կան նաև որ ցցունել կուզեն, ինչ որ ունին:

Արիստոյում աղան վերջիններէն էր. կը փափագեր, որ բոլոր աշխարհի իմանա ազարակներ ունենալը, եւ յուր փափագն իրացնելու համար ստակ ալ չէր ինսպեր:

Այսպէս, երբ ըսին իրեն, թէ մեծ մարդերն իրենց պատկերներն ունին, հավանեցաւ, որ ինքն ալ իրենն ունենա, բայց կասկած ելով, թէ խաբկած ըլլա եւ պարաստ տեղը ստակէ ելլա, Դերենիկին մեկնելէն անմիջապէս ետքը հարցուց Մանուկ աղային.

— Եթէ պատկերս քաշել չտամ, զիս մարդու տեղ չե՞ն դնէր:

— Քաւ լիցի, բայց քանի որ ձեր աստիճանի մարդերը իրենց պատկերները հանել տված են, ձեզի ալ կը վայելէ, որ անոնց պէս ընէք: Երբ մէկն ձեր պատկերն ունենալ կը փափագի, եւ դուք պատասխանէք, թէ պատկերս քաշել տված չեմ...

— Ի՞նչ կըլլա:

— Բան մը չըլլար... բայց...

— Բայց ի՞նչ... ազարակներս կտանե՞ն ձեռքէս...

— Ամէնեւին:

— Ոչխարներս, կովերս կը համոզուակե՞ն:

— Բնավ... բայց... իսակարեալ մարդու տեղ կը դնեն ձեզի, չեն ընէր այն պատիվն, որ կուտան մեծ մարդու:

— Հասկցա, ի՞նչպէս հանել տալու եմ ուրեմն պատկերս, որ տարակույս չմնա, թէ պգտիկ մարդ չեմ, վասնզի ըսիք, թէ պգտիկներն ալ իրենց պատկերներն կը հանեն:

— Ձեր պգտիկ մարդ չըլլալը հասկցնելու համար մեծ պատկեր հանելու էք թիկնաթոռի մը վրա նստած:

— Նոր հագուստներս հագնելու եմ, այնպէս չե՞:

— Այո:

— Ժամացույցս ալ կախելու եմ հարկավ:

— Տարակույս չկա:

— Մանկ ծխփող քաշելով եւ երկու մարդ ալ դէմս բարեւ բռնելով եւ մէկն ալ ետեւէս ձիւ բռնելով:

— Այո՛, այո՛:

— Դեռ ուրիշ ի՞նչ պէտք է փառավոր երեւնալու համար:

— Այսչափ բավական է:

— Կուզէի, որ սպասավորներս երկուքն ալ չախելով[40] դիմացէս վնտէի, եւ անոնք ալ գլուխնին ծռած դուրս ելնէին. վերջապէս սանկ բաներ չը կրնար ըլլալ... կամ թէ մէկը ծեծէի... օրինակի համար, մեր ազարակներուն վերակացուին երեսն ի վեր պոռայի... «մա թո, քեզի քանի անգամներ հրամայեցի, որ մշակներու հետ քաղցրութեամբ վարվիս, կովերուս հետ սիրով երթաս, վար ու ցանը ժամանակին ընես, քանի որ ասոնք չըրիր, եւ ալ քեզի կը վնտեն»: Վերակացուն ալ թաշկինակովն աչերը սրբելով՝ ոտներուս իյնա, աղաչէ եւ պաղատէ ըսելով. «զավակներուս սիրույն համար ներէ՛ հանցանացս. այսչափ տարիներէ հետե՛ ձեր հացը կուտեմ, դուք իմ բարերարս էք, եւ ձեզ գրկերուս մէջ այնչափ գրկած ու պտտուցած եմ, երբ դեռ պգտիկ էիք»... վերջապէս սրվոր նման բաներ չե՞նք կրնար դնել պատկերին մէջ:

/ 40 չախել — հանդիմանել /



— Ատոնց վրա վաղը կը խորհինք. մենք հիմա սկսինք մեր երեկվան պատմութեան, որ կիսատ մնաց: Մելքոն աղան զիս տեսնելուն պէս...

— Կամ թէ ասնկ կոնակի վրա պատկիմ, եւ սպասավորներս ալբանթալոնս[41] քաշեն...

— Զիս տեսնելուն պէս մոտեցավ ինծի եւ...

— Նարկիլէյով ավելի փառավոր չըլլա՞ր...

— Մոտեցավ ինծի եւ ձեռքերս բռնելով ըսավ. «Թէ այսօր չաշխատինք, մեր չուզած մարդերը թաղական պիտի ընտրվին»:

— Սանկ տասը կանգուն[42] երկարութեամբ մարբուճ[43] մը...

— Անոնք վաղվան գործ են, Արիստողոմ աղա, թող տվէք, որ սա պատմությունս լմնցնեմ: Մելքոն աղան թեւէս բռնելուն պէս քաշեց զիս ազգային ընթերցատունն, ուր երիտասարդները նստած թուղթ կը խաղային:

— Ես ալ կըսեմ, որ մարբուճը եթէ կարճ ըլլա, ավելի աղվոր կերեւնա պատկերին մէջ:

Կեանքիս մէջ հարյուր անգամէն ավելի հանդիպած եմ այս տեսարանին, ուր երկու դերասաններ խոսքն իրարու բռնեն հափշտակելով, յուրաքանչյուրը կը փափագի առաջ յուր խոսքը մտիկ ընել տալ: Այո՛, հարյուր անգամ ներկա գտնված եմ. երկու անգամ ընկերություններու մէջ եւ իննսունը ութը անգամ Ազգային երեսփոխանական ժողովոյ[44] մէջ: Հարյուր մէկերորդ անգամն էր այս, եւ աստանան կը դրդեր զիս ըսելու այս երկուքէն մէկուն. «Թո՛ղ տուր դիմացինիդ լմնցնել յուր խոսքն եւ վերջը խոսէ»: Բայց որովհետեւ ուրիշ անգամներ այսպէս խոսած ըլլալուս համար մէկուն կամ մէկալին սիրտը կտորած եմ, որոշեցի չեզոքություն պահել, թող տալ իրենց՝ փոխասացություն ընել եւ սպասել տեսնելու համար, թէ ինչպէս պիտի վերջանա այս տեսարանն, որ Ազգային երեսփոխանական ժողովոյ մէջ գրեթէ միշտ կռիվով կը վախճանի:

— Իրավոնք ունիք,— պատասխանեց Մանուկ աղան,— կարճ մարբուճը շատ աղել կերեւա պատկերին մէջ, բայց եւ այնպէս մաքուր եւ շիտակ ըլլալու է թաղական ընտրվող մարդ մը:

— Դուք աղել կը ճանչնա՞ք:

— Իմ ճանչնալս մինակ օգուտ չըներ, քվեարկութեամբ կընտրվի:

— Քվեարկութեա՞մբ:

— Այո՛, ըստ Սահմանադրութեան[45], քվեարկությունը կընտրէ:

— Ի՞նչ կըսէք, թաղեցին քվե՞ պիտի տա հիմա աղել մարբուճ մը ընտրելու համար:

— Թաղականի վրա է մեր խոսքը:

— Թաղական ո՞ւսկից հանեցիր. մարբուճի վրա է մեր խոսքը:

*/ 41 ալբանթալոն — շալվար*

*42 կանգուն — երկարութեան չափ*

*43 մարբուճ — նարգիլէի բարակ, երկար խողովակ, որի ծայրից ծխում են*

*44 Ազգային երեսփոխանական ժողով — ըստ տաճկահայոց Ազգային սահմանադրութեան երեսփոխանական էր կոչվում այն կենտրոնական պատգամավորական ժողովը, որ գումարվում էր Պոլսում եւ որին պատկանում էր Ազգային գործերի տնօրինութեան բարձրագույն իրավունքը*

*45 Ազգային սահմանադրություն — այսպէս կոչվում է հայ Ազգային կուլտուրական ինքավարութեան այն կանոնադրությունը, որ հորինված էր տաճկահայերի համար եւ օսմանեան կառավարութեան կողմից հաստատվել 1863 թվականին /*

- Մի՛ քարկանաք, Աբիսողոմ աղա, այնպէս ըլլա :
- Ինչո՞ւ քարկանամ պիտի... վաղը կերթանք, հաստ մը առնենք:
- Կառնենք:

Այս պահուն սենեակի դուռը բացվեցաւ, եւ կնկան մը գլուխ երեւցաւ:

Այս կինը Շուշան կը կոչվեր, եւ յուր արհեստն ալ սիրո միջնորդություն էր. այրերուն կին կը գտներ, կիներուն այր կը մատակարարեր եւ զանոնք իրարու հետ ամուսնացնելով յուր աշխատութեան վարձքը կընդունէր: Երբեմն ալ այրը կինէն կը զատեր եւ դարձեալ յուր աշխատութեան փոխարենը կառնէր: Տարիքն, եթէ հարցունես, երեսունվեց է, իսկ եթէ հարցունես ինծի, որ միշտ սովորություն ունիմ կնկան մը խոստովանած տարիքին վրա տասն ավելցնել, քառասունվեց է: Ծաղկի հիվանդությունը յուր նշանները ձգած է անոր երեսը: Սեւ եւ երկար դեմք մը, որուն կէտը կը կազմեր ծնոտը, եւ որուն մէջ տեղը երկնցած էր քիթ մը, որ բարձր եւ ճոխ հանգ[46] մ'ունէր, կը կրեր յուր վրա երկու փոքրիկ եւ սեւ աչեր, որ ամէն վայրկեանին չորս կողմը կը պտտէին: Հազիվ երկու մատ լայնութեամբ ճակատ մ'ունէր. ընքովիները հիվանդութենէ թափած էին:

Տիկին Շուշան գլուխը դռնէն ներս խոթելէն ետքը դուռը բացաւ եւ ներս մտաւ ըսելով.

- Եթէ գաղտնի խոսք մը ունիք, դուրս ելնեմ:
- Ո՛չ, – պատասխանեց Մանուկ աղան, – թաղականի վրա կը խոսէինք:
- Գետնին տակը անցնի այն թաղականի խնդիրն, – ըսավ տիկին Շուշան եւ ծանրութեամբ գլուխն Աբիսողոմ աղային ծռելով գնաց բազմոցի մը վրա նստելու:
- Բարի եկաք, տիկին, – ըսավ Մանուկ աղան:
- Բարի տե՛սանք: Դուք ալ բարի էք եկեր, Աբիսողոմ աղա. քաղաքն ի՞նչպէս գտաք նայինք՝ հալնեցա՞ք:
- Հավնեցա, շատ աղէկ է:
- Այս կողմերը ի՞նչ գործ ունիք, – հարցուց Մանուկ աղա, – դարձեալ նշանո՞ւք[47] մը կա, ի՞նչ կա:
- Հրամներ էք, սա դիմացի տունը եկա, եւ անգամ մ'ալ ձեզի հանդիպիմ, ըսի: Մա Անթառամին աղջիկը դիմացինիդ տղուն կուգեմ շինել. գործն ալ լմնցածի պէս էր, բայց տիկին Մարթան յուր աղջիկը տալ ուզելուն համար Անթառամին աղջկանը վրայոք խել[48] մը խոսքեր ըսած է մանչուն, ան ալ քիչ մը պաղած է: Այսօր եկա, որ զինքը տեսնեմ եւ համոզեմ, բայց դուրս ելած ըլլալուն՝ վաղը պիտի գամ:
- Աղջիկ մ'ալ մեր Աբիսողոմ աղային չգտնա՞ս :

Աբիսողոմ աղան ժպտեցաւ:

- Տիկինն արդէն իմացուց ինծի վարը, թէ Աբիսողոմ աղան կարգված չէ, եւ ես ալ շիտակը անոր համար վեր ելա, – պատասխանեց տիկին Շուշան ճերմակ թաշկինակովն քիթը սրբելով:
- Անանկ միտք մը ունիմ, – ըսավ Աբիսողոմ աղան տեղէն ելնելով եւ սիգար մը հրամցնելով տիկին Շուշանին:
- Եթէ անանկ միտք մը ունիք, քեզի ալ կրնանք ձեր ուզածին պէս աղջիկ մը գտնել. քսան տարիէ ի վեր այս գործին մէջն եմ, ամենքն կը ճանչնամ: Հրամանքնիդ ի՞նչպէս աղջիկ կուզէք, անգամ մը ան հասկանալու եմ ես:

Մանուկ աղան տեսնելով, որ Աբիսողոմ աղան տիկին Շուշանի հետ խոսքի բռնվեցաւ, դուրս ելավ՝ ուրիշ անգամի պահելով թաղականի պատմությունն, զոր չէր կրցած ավարտել:

/ 46 հանգ – ձեւ

47 նշանտուք – նշանդէք

48 խել – բավականին /

- Աղվոր աղջիկ մը կուզեմ, – պատասխանեց Աբիսողոմ աղան ինդպարով:
- Գիտեմ, որ աղվոր աղջիկ կուզես. ուզած աղջիկդ հարո՞ւստ ըլլալու է:
- Այո՛:

- Պարկէշտ:
- Հարկա՞ վ:

- Տասնվեց-տասնութ տարեկան:
- Ճիշտ:

- Դաշնակ[49] զարնել գիտնա:
- Գիտնալու է:

- Աղէկ պարէ:
- Հրամներ էք:

– Շատ լավ, ասանկ աղջիկ մը կա ձեռքիս տակը, բայց այս տեսակ աղջիկները գործ չեն տեսներ տունը. առտովնէ մինչեւ իրիկուն ծունկ ծունկի վրա կը դնեն եւ կերգեն, կը պարեն եւ կամ բողբ օրը կը պտտին. հիմակվրնէ ըսեմ, վերջէն ինծի պատճառ չբռնես. աղէկներն ալ կան, բայց գտնելը շատ դժվար է: Քու ըսած աղջիկներուդ մեջ անանկներ ալ կան, որ իրենց ուզած մեկը կը սիրեն եւ շատ անգամ անոր հետ գեղ մը կը փախչեն, եւ դուն ալ կապասես, որ կինդ գա:

- Ի՞նչ կըսեք□ Եթէ այդպէս է, չեմ ուզեր:
- Բայց կան ալ, որ վրադ կիսենդենան:
- Եթէ այսպէս է, կուզեմ:
- Բայց կան ալ, որ ամիս մը իրենց սիրածին հետ կապրին եւ քու անունդ բնավ չեն տար:
- Եթէ այնպէս է, չեմ ուզեր:

- Բայց կան ալ, որ վայրկյան մը քովդ չեն բաժնալիր:
- Եթէ այսպէս է, կուզեմ:
- Ատոնք ըսելուս համար ինծի բան մի՛ ըսեր. վասնզի կան անանկներ ալ, որ թող կուտան իրենց կինը ուրիշի մը հետ սիրահարութիւն ընել եւ աղջկան հորմէն քիչ մը դրամ առնելով այժ Գոցել:

- Իրա՞վ կըսեք. անանկ էրիկ մարդ կը գտնվի՞ աշխարհիս վրա:
- Մազէս շատ:
- Եվ այն տեսակ էրիկ մարդերու եւ կիներու երեսը ո՞վ կնայի:
- Ամէն մարդ. կինը կարդարացնեն՝ ըսելով, թէ սատանայէ խաբված է, էրիկն ալ կը սրբացնեն՝ ըսելով, թէ խեղճը չգիտեր յուր բռնած ընթացքը:
- Է՛, հիմա կը ճաթիմ... չեմ ուզեր, չեմ ուզեր, թող մնա՛, իմ քաղաքս կը կարգվիմ:

- Բայց եւ այնպէս անանկներ ալ կան, որ քեզի համար իրենց հոգին անգամ կուտան:
- Անանկ մէկն էթէ գտնեմ, կը կարգվիմ:
- Ես անանկ մեկը պիտի գտնեմ քեզի. իմ հարցունելս սա է, որ ձեր ինչ տեսակ աղջիկ ուզելը հասկնամ:

Ես ալ իրավունք կուտամ տիկին Շուշանին. վասնզի ամեն օր այնպիսի ամուսնություններ կը տեսնենք, որք մարդուս զարմանք կուտան: Ատեն մը հետաքրքրութեան համար կարգված մարդու մը սիրո կրկնատումարը<sup>[50]</sup> գրեցի եւ տարեգլխուն հաշվեկշիռը<sup>[51]</sup> հանելով տեսա, որ մարդը սնանկացած էր բարոյականութեան մէջ: Բարեւս կտրեցի իրմէ եւ սակայն մեծ զարմանքով տեսա, որ այդ մարդը մեծ պատիվ կը գտնէ ընկերություններու մէջ եւ իբրեւ բարոյականի տէր անձ մը ամեն կողմէ հարգանք կընդունի:

Հետաքրքրությունս ավելցավ. հաշվեկշիռս նորէն աչքէ անցուցի եւ դիտեցի, որ կինն, զոր ես այդ մարդուն ընկեր նշանակած էի, մայր հաշվոյն մէջ դրամագլուխի կողմ անցած է երկանը տետրակին մէջ: Եթէ օր մը սիրո տումարակալություն<sup>[52]</sup> մը հրատարակեմ, մեծ հուզումնք պիտի պատճառեմ հաշվագէտներու մէջ. վասնզի ես շատ էրիկ մարդիկ գիտեմ, որոնք կինն իրենց սիրո հաշվոյն մէջ ընդհանուր ծախքի կողմ կանցունեն, շատերը կարասիքի հաշվոյն տակ կը գրեն, ոմանք ընդհանուր սպրանքի կարգը կանցունեն, ոմանք վճարելի թուղթերու եւ ոմանք ընդունելի թուղթերու հաշվոյն մէջ կը նշանակեն: Խիստ քիչ են այն նախանձելի ամուսնություններն, որոնց մէջ կինը երկանը ընկեր կարձանագրովի սիրո տետրակին մէջ:

— Կարգվիլը շատ անուշ բան է, — հարեց սիրո միջնորդն, — քեզի հարմար աղջիկ մը գտա՞ր, ամեն օր արքայութեան մէջ ես...

— Ես ալ ասոր համար է, որ կարգվիլ կուզեմ:

— Կինդ բնավորութեանդ չհարմարեցավ, ամեն օր դժոխքի մէջ ես, կրակներու մէջ կ'երիս:

— Ես ալ ասոր համար է, որ կարգվելու կը վախնամ:

— Նայեցէ՛ք, ձեզի բան մը ըսեմ, աղա՛, հրամանքնիդ հարկավ մեծ տեղէ մը աղջիկ կուզեք առնել, վասնզի դուք ալ մեծ մարդ մ'եք:

— Այո՛, այո՛, մեծ տեղէ կուզեմ :

— Ես ալ քեզի մեծ տեղէ մը աղջիկ կը գտնեմ, բայց հրամանքնիդ ֆրանսերէն գիտե՞ք:

— Մեծ տեղէ աղջիկ առնելու համար անպատճառ ֆրանսերէ՛ն գիտնալու է:

— Այո՛, վասնզի մեծ տեղի աղջիկներն ֆրանսերէն կը խոսին, եւ երբ կին մը յուր երկանը չգիտցած լեզվով ուրիշի մը հետ կը խոսի, տակէն նախանձ կելնէ:

— Ես ալ կը տրվիմ ֆրանսերէն:

— Բացի ասկից, երջանկությունը շատ քիչ կը գտնվի այն ամուսնութեան մէջ, ուր կնիկն էրիկէն ավելի բան գիտէ:

— Այնպէս է, ես ալ այն կարծիքին եմ:

— Հրամանքնիդ եվրոպական եղանակներէն բան մը կը հասկնա՞ք:

— Ամենեւին բան մը չեմ հասկնար եւ մանավանդ թէ կը ձանձրանամ:

— Ի՞նչ պիտի ընես ուրեմն, եթէ կինդ ժամերով դաշնակի առջեմն անցնի եւ այդ նվագարանի վրա եվրոպական խաղեր գարնէ:

— Թող չեմ տար, ես ձանձրոյթ կիմանամ:

— Ան հաճույք կզգաս:

— Կին մը ի՞նչ իրավունք ունի յուր երկանը գլուխ ցավցունելու:

— Էրիկ մը ի՞նչ իրավունք ունի յուր կինն զվարճութենէ զրկելու:

— Եթէ գործը մինչեւ աս տեղվանքը պիտի գա, չեմ կարգվիլ<sup>[53]</sup>:

/ 50 կրկնատումար — հաշվեմատեան

51 հաշվեկշիռ — բալանս

52 տումարակալություն — հաշվապահություն

53 կարգվիլ — ամուսնանալ /

— Չկարգվիլ չըլլար, միայն եթէ պիտի ստիպվիս կնկանդ ճաշակին հարմարելու համար դաշնակ տրվիլ:

— Ես կրնամ տրվիլ:

— Ինչո՞ւ չէ, մանավանդ թէ ավելի դյուրին է քեզի դաշնակ զարնել տրվիլ, քան թէ կնկանդ դաշնակ զարնելը մոռնալը:

— Եթէ այդպէս է, ասոր սլ ճամփան գտանք ըսել է:

— Ատնք ըսելուս պատճառն ան է, որ ես հոգիս սեւցունել չեմ ուզեր. ամեն բան առաջուց կրսեմ, որ վերջէն ինծի պատճառ չբռնեն: Իմ ձեռքիս տակ ամեն դասէ աղջիկ կա. բարձր դասէն, միջին դասէն եւ ստորին դասէն. այս երեք դասէն սլ ծախու ապրանք ունիմ. հրամանքնիդ ձեր քսակին հետ խորհրդակցեցէք եւ ինծի ըսեք՝ սա դասէն կուզեմ: Հայտնի է, որ բարձր դասը շատ սուղ է, միջինն՝ նվազ սուղ եւ ստորինն՝ աժան:

— Ես շատ աժան չե՛մ ուզեր:

— Շատ լավ. աղջիկը ճերմակ գույն ունենա, թէ քիչ մը թուխ:

— Ճերմակ կուզեմ:

— Աչքերը սե՛ւ, թէ կապույտ:

— Եկու, տես, որ սեւն սլ կը սիրեմ, կապույտն սլ...

— Կամ մին պիտի ըլլա, կամ մյուսը. վասնզի չկրնար ըլլալ անանկ աղջիկ մը, որուն մէկ աչքը կապույտ ըլլա, մյուսը՝ սեւ:

— Կապույտ ըլլա թո՞ղ:

— Շատ լավ! Հասակն եւ մազերը...

— Երկար, երկար:

— Մէջքը...

— Մէջքը բարակ ըլլա, բայց տկար չեմ սիրեր. կուզեմ, որ քալած ժամանակը միսերը շարժին:

— Կը հասկնամ, այսչափը հերիք է. ճիշտն ուզածիդ պէս աղջիկ մը կա, որ շատ սլ պարկեշտ է եւ իրեն երկանը համար հոգի տալ կերեալ:

— Ես սլ անանկ մէկը կուզեմ:

— Թերեւս վաղը քու անունդ իրեն ըսելուս պէս վրադ սէր կապէ: Պատկերդ տուր, որ իրեն անգամ մը ցցունեմ:

— Պատկերս վաղը հանել պիտի տամ:

— Վաղը ... վաղը հանել տալու որ ըլլաք, ութը օրէն կտանք, եւ ութ օր սպասե՞նք:

— Ինչո՞ւ սպասենք, վաղը կերթանք. մեծ տեղէ՛ն է աղջիկը:

— Այո՛:

— Հայրը հարո՞ւստ է:

— Շատ հարուստ է, բայց հարստութիւնը չցցուներ:

— Շատ խանութնե՞ր ունի:

— Քսանի չափ:

— Տո՞ւն:

— Քառասունի մոտ:

— Շատ աղէկ, վաղը չէ մյուս օր կերթանք այդ աղջիկը տեսնելու:

— Գլխուս վրա. ցերեկին կուգամ, եւ մէկտեղ կերթանք: Մնաք բարով, Աբիսողոմ աղա, սիրտդ հանգիստ բռնէ. ես քեզ չեմ խաբեր, ուրիշներու կրակէ շապիկ հագցնողներէ չեմ: Կեցեք բարով, վաղը չէ, մյուս օր:

Տիկին Շուշանը կը մէկնի:

Մանուկ աղան, որ վարի սենեակն էր եւ խահվէ կը խմեր, տիկին Շուշանին վար իջնալն տեսնելուն պէս՝ խահվէի գավաթն թողուց եւ Աբիսողոմ աղային քովը գնաց :

— Այսպէս,— ըսավ,— Մելքոն աղան թեւէս քաշեց, եւ մէկտեղ ընթերցատունը մտանք: Այդ ընթերցատունը ժամանակավ գինետուն էր: Աստված ողորմի հոգուն, Կոմիկ աղան կը բռներ, աղէկ մարդ մ'էր, հիվանդություն մը եկավ վրան, շատ բժիշկներ նայեցան, ճար մը չկրցին գտնել, եւ իւեղձը մեռավ..

Մանուկ աղային կինը լրագիր մը ի ձեռին ներս մտավ եւ լրագիրը Աբիսողոմ աղային տալով՝  
— Մեծապատիվ էֆէնտին հատկապէս բարեւ ըրած է ձեզի,— ըսավ եւ դուրս ելավ:

Աբիսողոմ աղան աճապարանոք բացավ լրագիրն եւ կարդաց.

«Վանէն հետեւեալը կը գրեն մեզ»։ Աս չէ, վարինը կարդանք, ըսավ եւ կարդաց. — «Մեր բարեկամներէն մին Մուշէն հետեւեալը ղրկած է մեզ ի հրատարակություն»։ Աս ալ չէ, մյուսը նայինք. «Քուրիէ տ'Օրիանի»[54] մէջ հետեւեալ տողերը կը տեսնվին»։ Մյուս երեսն անցնինք. «Թայմզի»[55] թղթակիցը հետեւեալը հեռագրած է հիշեալ լրագրին»։ Ատնց մէջ իմ անունս չկա.. սա կտորը նայինք... «Մայրաքաղաքիս ազնվական դասուն անդամ մ'ալ ավելցավ այս օրերս։ Երևելի վաճառական եւ բազում ազարակներու տէր, ազգասէր, լեզվագէտ, ազնվասիրտ եւ վեհանձն Աբիսողոմ էֆէնտի, որ մեր ազգայնոց ծանոթ է, երեկ Տրապիզոնի շոգենավով մայրաքաղաքս եկավ եւ ուղղակի Բերա[56] ելավ Ծաղկի փողոց, թիվ 2 տունը։ Աբիսողոմ էֆէնտիի պէս մէկու մը մայրաքաղաքս գալն անշուշտ մեծ ուրախություն պիտի պատճառէ մեր բարեմիտ ազգայնոց»։

Աբիսողոմ աղան Մանուկ աղային դառնալով՝ տես,— ըսավ— ի՛նչ գրած է ինձի համար, եւ բարձր ձայնով անգամ մ'ալ կարդաց :

— Մեծապատիվ էֆէնտին բարեւ կրնէ եղեր,— ըսավ տիկինը նորէն ներս մտնելով, բաժանորդագին պիտի տաք եղեր :

— Հիմա,— ըսավ Աբիսողոմ աղան եւ տվավ բաժանորդագինը տիկնոջ, որ վազելով վար իջավ:

— Սա մարդը գէշ չը գրեր կոր, հէ՛,— հարցուց Աբիսողոմ աղան:

— Այո՛, գէշ չգրեր:

— Պատվական լրագիր մ'է:

— Ավելի պատվականը կրնա ըլլալ:

Տիկինը դուռը բանալով Աբիսողոմ աղային նամակ մը, խոշոր ծրար մը հանձնեց ըսելով.

— Մեծապատիվ էֆէնտին մասնավորապէս կը բարեւէ զձեզ:

Աբիսողոմ աղան նամակը բացավ եւ հետեւեալը կարդաց.

«Մեծապատիվ էֆէնտի,

Ձեր մեծապատվութեան մայրաքաղաքս գալն իմանալով փութացի ձեր գալուստը

շնորհավորելով՝ լրագրէս տասն օրինակ ղրկել: Քաջահույս եմ, որ պիտի հաճիք ձեր

բաժանորդութեամբը քաջալերել լրագիրս, որով պիտի խրախուսէք զիս, որ խմբագրական

տաժանելի ասպարեզին մէջ ազգին ծառայություններ ընելու կոչված եմ:

Մնամ հարգանք  
Խմբագիր - Տնօրէն  
..... ԼՐԱԳՐՈՒ  
(Մտորագրություն)

/ 54 «Քուրիէ տ'Օրիանի» — «Կուրիէր դ'Օրիանը» («Արևելքի Սուրհանդակ») Պոլսում հրատարակվող ֆրանսիական թերթ էր

55 «Թայմզ» — «Թայմզ» անգլիական թերթ

56 Բերա է կոչվում Պոլսի եվրոպական թաղամասը /

- Տաար հատն ի՞նչ ընեմ...
- Կշտանալով կը կարդանք...

Տիկինը նորէն ներկայացավ ծրարով մը եւ նամակ մ'ալ տվաւ Աբիսողոմ աղային, որ բանալով սկսավ կարդալ.

«Մեծապատիվ Էֆէնտի,

Ձեր հանրածանոթ ազգասիրությունը քաջալերություն տվաւ ինձ լրագրէս տասնհինգ օրինակ դրկել ձեզ: Քաղցր է ինձ հուսալ, որ պիտի բարեհաճիք զանոնք ընդունիլ ի պաշտպան կանգնիլ լրագրութեան, որ մեր մէջ ընթերցասիրութեան չտարածվելուն պատճառովը դժբախտաբար գեշ վիճակի մը մէջ կը գտնվի:

Մնամ հարգանք  
Խմբագիր - Տնօրէն  
..... ԼՐԱԳՐՈՒ»  
(Մտորագրությունն)

Աբիսողոմ աղան նամակը ծալլելու վրա էր, տիկինը ներս մտաւ.

— Մեծապատիվ Էֆէնտին սիրով բարևներ կրնէ եղեր ձեզի,— ըսաւ եւ նամակով մը գիրքեր ներկայացուց Աբիսողոմ աղային, որ նամակը բացաւ եւ սկսավ կարդալ.

«Մեծապատիվ Էֆէնտի,

Իմ մտքիս ծնունդն եղող քերթվածները հրատարակած ըլլալով՝ արժան դատեցի անոնցմէ քառասուն օրինակ ձեզ դրկել: Կը հուսամ, որ շնորհ կրնէք զանոնք ընդունելու եւ կերպով մը քաջալերություն տալու ինձ, որպէսզի այնքա քերթվածներս ալ քիչ օրէն հրատարակութեան տամ□ Խնդրելով, որ ընդունիք իմ խորին մեծարանացս հավաստիքը, մնամ ձերդ մեծապատվութեան խոնարհ ծառա»:

(Մտորագրությունն)

Աբիսողոմ աղան նամակը գոցեց եւ քովը դրաւ:

Տիկինը դարձեալ ներս մտաւ:

— Մեծապատիվ Էֆէնտին բարե՛ւ ըրած է դարձեալ,— հարցուց Աբիսողոմ աղան:

— Ո՛չ, բեռնակիրներէն մէկը եկած է եւ կողջեքը կուզէ:

Աբիսողոմ աղան քսան դահէկան հանեց, տվաւ:

Տիկինը դուրս ելաւ, դուռը գոցեց :

— Ընթերցատան մէկ անկյունը քանի մը հոգի նստած ընտրելի թաղականներու ցուցակը կը պատարաստէին,— ըսաւ Մանուկ աղան՝ յուր պատմութեան թէլն ձեռք առնելով: — Անոնք մեր կողմէն չէին եւ կաշխատէին, որ իրենց ուզած կաշառակեր մարդերը թաղական ընտրեն:

— Տղուն մէկը եկաւ սա գիրքերը ձգեց, գնաց,— ըսաւ տիկինը նորէն մտնելով. — մեծապատի՛վ Էֆէնտին շատ բարեւ կրնէ եղեր եւ այսօր կամ վաղը պիտի գա եղեր զձեզ տեսնելու:

Տիկինը գրքերը սեղանի մը վրա դրաւ:

— Ի՞նչ ընեմ այսչափ գիրքերը, գրավաճա՞ռ պիտի ըլլամ եւ: Չեմ ուզեր, ալ ասկից վերջը եթէ բերող ըլլա, մի ընդունիր, Աբիսողոմ աղան հոս չէ՛ ըսէ եւ ճամփէ: — Ատ ալ չըլլար, դուն իմբագիրները չես ճանչնար. անոնց մէջ կը գտնվին այնպիսիներ, որ երբ իմանան, թէ իրենց ընկերներէն մէկուն լրագիրն առած եւ եւ իրենցը չես առեր, վրադ կը հարձակին եւ չլաված խոսքեր կրնեն:

— Եթէ այնպէս է ընդունէ, որչափ լրագիր որ բերեն, ի՞նչ ընենք, բռնվեցանք անգամ մը. եթէ գիրք բերեն, մի ընդունիր:

Տիկինը գլուխը ծռելով դուրս ելաւ:

— Թեպետ այդ մարդիկն իրենց ուզածները թաղական ընտրելու, կաշխատեին, բայց իրենց մեջ ալ անմիաբանություն կար. ակնավաճառն յուր առաջին հաճախորդը կուզեր թաղական ընտրել, հացագործն կուզեր թաղական ընտրել այն մարդն, որուն տունը օրը տասը հաց կուտար. դերձակն թաղական տեսնել կը փափագեր այն երիտասարդն, որուն վրա շաբաթը երկու անգամ հագուստ կը ձեռեր, կը կտերեր. համետագործը<sup>[57]</sup> քվե տալ կուզեր այն հարուստին, որուն մեկ-երկու համետ կը շիներ տարին. խմբագիրն յուր բոլոր բաժանորդները թաղական խորհրդո մեջ տեսնել կուզեր. փաստաբանը իրեն շատ դատ հանձնողին քվե կուտար. բժիշկն՝ յուր ամենէն ծանր հիվանդին, եւ գինեպանն ալ ամենէն շատ օղի եւ գինի խմողին կուզեր հանձնել թաղին գործերը: Ահա այսպէս իրենց մեջ...

Մանուկ աղան դարձեալ չկրցավ շարունակել յուր պատմությունը, վասնզի ուրիշ հյուր մը ներս մտնելով ընդհատեց անոր խոսքը:

Այս հյուրը մաքուր հագված երիտասարդ մ'էր. յուր կլոր եւ ճերմակ դեմքը շրջանակված էր դեղինով խառն սեւ մորուքէ մը, որ շատ չէր վայլեր: Պատկերներ կան, որ առանց շրջանակի ավելի գեղեցիկ կերեւան. թեպետ եւ կան ալ, որ գեղեցիկ երեւալու համար շրջանակի կը կարոտին: Եթէ բնությունը չարզիկեր կիներու շրջանակի մեջ անցունել իրենց դեմքերն, այսօր ո՛րչափ կիներ մորուք պիտի ունենային:

Այս երիտասարդը ներս մտնելուն պէս հանեց յուր սեւ եւ երկար գլխարկն եւ բարեւեց սենեակին մեջ գտնվող երկու բարեկամները:

Մանուկ աղան անմիջապէս դուրս ելավ բարկութեամբ մոմռալով.

— Այս տարիքն եկած եմ, եւ սասանկ բան գլուխս եկած չէր. թո՛ղ չեն տար, որ երկու խոսք ընեմ. հազիվ թէ բերանս կը բանամ, մեկը կուգա, կսկսի խոսել, եւ իմ խոսքս բերնիս մեջ կը մնա:

— Աբխաղում աղա հրամանքնի՞դ էք, — հարցուց հյուրն բազմոցի վրա նստելէն ետքը:

— Այո՛, եւ եմ:

— Շնորհակալ եմ, որ Աբխաղում աղան դուք էք. ձեր գալուստը լրագրի մեջ կարդացի եւ շատ ուրախացա, որ ազգերնուս մեջ ձեզի պէս ազնիվ սիրտ կրող ազգասէրներ պակաս չեն, վասնզի այն ազգն, որ ազգասէր չունի յուր մեջ, ազգ չէ:

— Այո՛:

— Փոխադարձաբար այն ազգասէրն ալ, որ ազգ չունի, ազգասէր չէ:

— Շիտակ է:

— Այս երկուքն իրարու հետ այնպիսի սերտ կապակցություն մ'ունին, որ իրարմէ բաժնելուդ պէս երկուքն ալ կը կորսվին:

— Այնպէս է:

— Ազգ մը, որ յուր աշխատավորները չքաջալերեր, — ավելցուց հյուրն միշտ ծանր եւ լրջագույն եղանակով մը, — ազգերու կարգ անցնելու բնավ իրավունք չունի:

— Շատ աղէկ կը խոսիք:

— Եվ երբ աշխատավոր մը վարձքը չընդունիր յուր ազգէն, բնականաբար կը վհատի եւ երբեմն կը խորհի երթալ ինքզինքը ծովը նետել:

— Ատ տղայություն է:

— Ներեցէ՛ք, Աբխաղում աղա, եթէ մեր այս առաջին տեսութեանը քիչ մը համարձակ կը խոսիմ ձեզի հետ:

— Հոգ չէ:

— Ծառաղ վեց տարի Եվրոպա մնացած եմ եւ բժշկություն սորված եմ:

— Աղէկ արվեստ:

— Գիշերները քունս ծախելով կարդացած ու գրած եմ, որպէսզի քաղաքս դառնամ եւ ազգիս ծառայություն ընեմ:

/ 57 համետագործ — ակնակի վրա նստատեղ՝ թամբ շինող /



- Մարդ ալ յուր ազգին ծառայություն ընելու է:
- Երկու տարի է, որ հոս կը գտնվիմ, եւ մինչև այսօր հազիվ չորս հիվանդ նայած եմ. հասկցիր, թէ ի՞նչպէս կը քաջալերվին հոս բժիշկները:
- Ցավալի բան... այս տեղացիները հիվանդ ըլլալու սովորություն չունին...:
- Ունին, բայց հոս հիվանդները ազգային զգացում չունին, Հայաստանի վրա գաղափար չունին:
- Ի՞նչ կըսէք:
- Այո՛, երբ հայ մը հիվանդ ըլլա, օտար ազգէ բժիշկ մը կը բերէ յուր տունը՝ առանց գիտնալու, թէ հայու ցափն հայը կարող է միայն բժկել, առանց համոզվելու, թէ օտարը չէ կարող հայու ցափուն դարման ըլլալ: Այսօրվան օրս երկու հազարէն ավելի հայ բժիշկ կա. ասոնց մեջէն հինգ-վեց հատը, մասնավանդ երկու-երեք հատը պատական կեանք կանցունէ, եւ անդին մնացածը ամեն օր բերանը բաց կապասէ, որ հիվանդ մը ներկայանա իրեն եւ ստակ առնէ:
- Գէշ վիճակ:
- Ի՞նչ ընեն ազգային բժիշկներն, երբ ազգային հիվանդներն օտարներու կը դիմեն... ո՛հ, օտարասիրություն, օտարասիրություն,— գոչեց բժիշկն ասէրն երկինք վերցնելով,— ե՛րբ պիտի երթաս մեր քովէն:
- Օտարասիրությունը աղէկ բան չէ:
- Մանավանդ թէ բժիշկները քաջալերելու չափ հիվանդություն ալ չկա մեր ազգին մէջ. եւ այն ազգին մէջ, որ հիվանդությունը տարածված չէ, պարսպ բան է Եվրոպայի բժիշկներուն չափ ճարտար բժիշկներ հուսալ, ինչպէս նաեւ այն ազգն, որու մէջ ընթերցասիրությունն տարածված չէ, իրավունք չունի տաղանդավոր եւ հանճարեղ հեղինակներ ունենալու. տաղանդն եւ հանճարն առանց քաջալերութեան կը մեռնի:
- Շատ իրավունք ունիք:
- Չէք կարող երեսկայել, Աբիստղոմ աղա, թէ որչափ հուսահատած եմ. հազար անգամ զոջացած եմ, երկու հազար անգամ անէծք կարդացած եմ բժիշկ ըլլալուս համար. ո՛ր էր, թէ բժիշկ ըլլալու տեղ հիվանդ ըլլայի եւ մեռանէի. մեր ազգին մէջ հիվանդությունը բժշկութենէն աղէկ է, վասնզի տգիտությունն գիտութենէն ավելի կքաջալերվի... թերեւությունը ծանրութենէն ավելի հարգ կը գտնէ, մոլիներն առաքինիներէն ավելի պատիվ կը վայելէն. ճշմարիտ Աստված, ուխտ ըրած եմ, որ եթէ օր մը երեւելի ազգայիններէն հիվանդ մը նայիմ, անոր անունը լրագիրներու մէջ բարձրացունեմ:

Այս խոսքին վրա Աբիստղոմ աղա արթնցավ, այսինքն փառասիրությունն արթնցավ: Ի՛նչ անուշ բան է թերություններ հավաքել միամիտ մարդերու վրայէն: Խորամանկներն երբեմն վարպետութեամբ այնքան կը կեղծեն իրենց թերություններն, որ անոնց հավաքիչները կը շվարեցնեն. վասնզի անոնք երբեմն միամիտ եւ երբեմն խորամանկ կը ձեւանան, ժամ մը տգէտ, ժամ մը գիտուն, մերթ՝ անաչառ, մերթ՝ աչառու, մերթ՝ կեղծավոր, մերթ՝ անկեղծ, եւ երբ ազգային նշանավոր, հանճարեղ եւ հերանուշ Ծերենցը[58] ասոնցմէ մին նկարագրելով անբնական անձ մը ներկայացնէ, ամեն կողմէն կը բարավի, թէ Ծերենցն տակավին Մանուկենց[59] է անձեր ստեղծելու արհեստին մէջ, թէ միեւնոյն անձին վրա Ադամն եւ Նեոն[60], սատանան եւ հրեշտակն, Զոյիլն[61] եւ Հումերոսն[62], արականն եւ իգականն միանգամայն կներկայացնէ:

/ 58 Ծերենց — (1822-1888) բժ. Հովսէփ Շիշմանյանի գրական կեղծանունն է: Հայտնի են նրա երեք պատմական վեպերը՝ «Երկունք», «Թորոս Լեւոնի», «Թեոդորոս Ռշտունի»

59 Մանուկենց — այստեղ հեղինակը բառախաղ է անում՝ Ծերենց կեղծ անունի հակառակը նկատի ունենալով 60 Նեոն — հակաքրիստոս (ըստ քրիստոնեական վարդապետութեան պէտք է հանդէս գա աշխարհի վախճանի ժամանակ եւ կռվի Քրիստոսի դէմ)

61 Զոյիլ — հունական անվանի հոեոտոր, փիլիսոփա եւ քննադատ (IV—III դար Ք. ա.). նրա անունը դարձել է հասարակ անուն մանրախնդիր, նախանձոտ եւ խայթող քննադատի համար, որովհետեւ Զոյիլը թունոտ, ոչնչացնող քննադատութեան է ենթարկել Հումերոսին («Հումերոսի խարագան»)

62 Հումերոս — հունական ավանդությունների համաձայն՝ ապրել է մոտ 10-րդ—9-րդ դդ. Ք. ա.: Հույն ժողովրդական երգիչ էր, որին վերագրում են «Բյիական» եւ «Ողիսական» աշխարհահռչակ պոեմները, որոնք թարգմանված են բոլոր կուլտուրական ժողովուրդների լեզուներով, ինչպէս եւ հայերէն /

Ի՞նչ հանցանք ունի ճերմակերես Ծերենցն, երբ յուր ներկայացնելիք անձերն խորամանկ են. — Ներեցէ՛ք, Աբիսողոմ աղա եւ տէր բժիշկ, եթէ ձեր խոսակցությունն ընդմիջեցի. ի բնէ քիչ մը անհամբեր եմ. երբ խոսքին կարգը գա, չեմ կարող ինքզինքս բռնել, որչափ ալ այս բնավորութեանս պատիժը կրած ըլլամ եւ կրեմ:— Այո՛, Ծերենցն կը ներկայացնէ անձերն ոչ թէ ինչպէս որ են, այլ ինչպէս որ կերեւին: Ծերենցն այս մասին որչափ ալ երկնցնէ յուր մագերն, իրավունք ունի, վասնզի ունինք հեղինակներ, որոնք Ծերենցէն ավելի երկար մագ ունին եւ կը ներկայացնեն իրենց անձերն ոչ թէ ինչպէս որ են, այլ ինչպէս որ կուզեն իրենք, որ ըլլան անոնք: Ասոր համար է, որ կին-հեղինակներն, երբ Հայկ կամ Վարդան[63] կամ Արտաշէս[64] ներկայացնել ուզեն, Վիքթոր Հյուկոյի[65] խոսքերը կամ Մոլլթէի[66] կարծիքները կը դնեն անոնց բերնին մէջ:

Ասոնք կը կարծեն, թէ երբ Ադամ յուր ժամանակին հատուկ պարգութեանը մէջ ներկայացնեն, կը կորսունեն իրենց տաղանդն, եթէ ունին, կամ կը վնասեն իրենց հանճարին, գոր ունենալ կը կարծեն, կամ վերջապէս կը գրկվին այն համբավէն, գոր վաստկիլ կերագեն: Ո՛վ ըսած է այս ողբերգակներուն, թէ ավելի դժվար է մէկուն պատկերն ճշտութեամբ նկարելն, քան թէ երեւկայութեամբ անբնական պատկեր մը գծելն. ո՛վ պրոսացած է ասոնց ականջն ի վար, թէ նկարիչ մը պատկերներ ստեղծելու սկսելէ առաջ՝ պատկերներ ընդօրինակելու է: — Ոչ որ: Եվ ով կը հանդգնի այս փափուկ ժամանակին մէջ ուրիշի մը գործն անաչառաբար քննադատելու: Մեր քննադատները, քիչ բացառութեամբ, ակնոց ակնոցի վրա կրնան գործի մը մէջ գեղեցիկ կտորներ փնտրելու համար. փնտրելու համար եւ ոչ թէ տեսնելու համար, վասնզի տեսնված բանը չփնտրվիր: Ասոնք բնավ տարբերություն չունին գրաքննիչներէն, որք որեւէ հրատարակութեան մը մէջ միայն տգեղ կտորներ կը փնտրեն: Չեմ տեսած քննադատ մը, որ տգեղ հրատարակութեան մը կոկորդէն բռնէ, սղմէ եւ սպաննէ զայն: Մպանելու չէ, գործ մը գեղեցկացնելու աշխատելու է, կրսէ, անոր գեղեցիկ կողմերը ցույց տալով եւ միշտ տգեղ կետերը հեռուանց ցցունելով խիստ քիչ անգամ: Ո՛չ, պարոն քննադատներ, ո՛չ, իրավունք չունիք, սպաննեցէք տգեղ գործերն եւ վատահ եղէք, որ պիտի գեղեցկանան անոնք: Մարդեր կան, որ կը գեղեցկանան, երբ մեռնին: Ես, որ այսչափ խստութեամբ կը խոսիմ ուրիշներու երկերուն վրայոք, կը կարծեք, թէ քաղցրութեամբ կը վարվիմ «Մուրացկաններուս» անձերուն հետ, որոնց բերնէն ելած խոսքերն միայն բատ առ բատ կը գրեմ հոս, առանց իմ կողմէն կետ մ՛ ավելցնելու հանդգնությունն ունենալու: Բնավ երբեք, մանավանդ թէ կզգամ, որ իմ անձերս ալ ունին շատ թերություններ, գորս օր մը պիտի հարված եմ: Նույնիսկ մեծ թերություն մ՛ է, որ պատմիչ մը յուր պատմութեան թելը կտրէ եւ յուր ընթերցողներն երկու ժամ խնդիրէն դուրս խոսքերով զբաղեցնէ: Բայց ի՞նչ ընեմ, այս թերությունս իմ առավելությունս է, վասնզի այս թերութեանս շնորհիվ է, որ կրցած եմ քանի մը ընթերցողներու տէր ըլլալ, թերություն, որ թերություններ ուղղելու պաշտոնն ունի: Այսչափ բացատրություն ալ թերութեանս համար: Դատնանք ուրեմն մեր պատմութեան:

Աբիսողոմ աղան, ինչպէս ըսինք, ականջները տնկեց, երբ իմացալ, որ բժիշկն եթէ հիվանդ մը գտնէ, անոր անունն լրագիրներու մէջ պիտի հրատարակէ. ուստի անմիջապէս տկարություն ունենալ ուզեց□

/ 63 Վարդան — Մամիկոնյան նախարարական տոհմի հայտնի ներկայացուցիչ, պետական գործիչ եւ գորավար հռչակվել է Ավարայրի դաշտում տեղի ունեցած ճակատամարտով, որտեղ պարտություն է կրել պարսից զորքերի կողմից (451թ.) ու սպանվել

64 Արտաշէս — մի քանի հայ թագավորների անունն է

65 Վիկտոր Հյուկո (1802—1885)— ֆրանսիական բանաստեղծ, վիպասան եւ դրամատուրգ, ռոմանտիկական դպրոցի պարագլուխն էր Ֆրանսիայում: Նրա նշանավոր երկերից մի քանիսը թարգմանված են հայերեն

66 Մոլլթէ կոնս (1802—1885) — պրուսական գեներալ-ֆելդարշալ, գլխավոր շտաբի պետ հռչակվել է որպէս ռազմագետ (մանավանդ 1870—71թթ.) ֆրանս-պրուսական պատերազմի ժամանակ /

- Աղէկ եղաւ որ,— ըսավ բժշկին,— այսօր հոս եկաք, վասնզի քանի մ'օրէ ի վեր վրաս գէշութիւն մը կա:
- Ի՞նչ կզգաք,— հարցուց բժիշկը:
- Գէշութիւն մը կզգամ:
- Ո՞ր կողմը:
- Ո՞ր կողմս:
- Այո՛:
- Ամեն կողմս:
- Ախորժակդ ի՞նչպէս է:
- Աղէկ է:
- Կերածդ շատ մը կը մարսե՞ս:
- Կը մարսեմ:
- Գիշերները հանգիստ կը քնանաս:
- Շատ հանգիստ, բայց վրաս գէշութիւն մը կզգամ:
- Գլուխդ երբեմն կը ցավի՞:
- Այո՛:
- Վրադ սանկ թուլութեան պէս բան մը...
- Ճիշտ:
- Երբեմն դողալ մը սանկ...
- Այո, այո, դողալ մը սանկ... (մէկուսի) կեանքիս մեջ դողացած չունիմ:
- Դողալէն վերջը տաքութիւն մը...
- Տաքութիւն մը:
- Տաքութենէն վերջը քրտինք մը...
- Քրտինք մը:
- Առտունները լեզվիդ վրա լեղիութիւն մը:
- Այո՛, լեզվիս վրա լեղիութիւն մը:
- Հասկցա, բան մը չէ, կանցնի, ինքզինքդ մրսեցուցած ես:
- Ինձի ալ այնպէս կուգա, որ ինքզինքս մրսեցուցած եմ:
- Շատ բժիշկներ կան, որ այս հիվանդութիւնը չեն հասկնար, սիսալ դեղեր կուտան, ուրիշ հիվանդութիւն կը հրավիրեն:
- Ուրախ եմ, որ դուք աղէկ հասկցաք, դեղ մը տվէք, որ շուտ մը անցնի:

Բժիշկը ծոցէն հանեց թերթակալը կամ տետրոնը[67] — երկուքէն որն որ ուզէք, կրնաք գործածել. ազատ էք նաեւ ոչ մին գործածելու եւ ոչ մյուսն, — թուղթ մը քաշեց անոր մէջէն եւ մատիտով քանի մը բառ գծելէն ետքը թուղթին վրա՝ Աբխաղոմ աղային տվաւ զայն՝ ըսելով.

— Ասիկա կարմիր ջուր մ'է. ժամը մէկ անգամ կը խմէք անկից խահվեի գավաթով. թէպէտ ես քիչ մը լեղի է, բայց ազդու է:

- Շատ աղէկ:
- Մոռցա հարցնելու, թէ բնութիւնդ ի՞նչպէս է:
- Բնութիւնս... շիտակը, խարդախ մարդերէն չեմ ախորժիր. ամենուն հետ աղէկ կը վարվիմ...
- Ամեն առտու, դուրս կելլա՞ք,— հարցուց բժիշկն՝ խոսքին ձեռք փոխելու ստիպվելով□
- Հոս գալէս ի վեր երկու առտու դուրս չկրցի ելնել:
- Իրա՞վ կրսէք:
- Մուտ խոսելու ի՞նչ պարտք ունիմ:
- Ուրեմն դեղ մ'ալ գրեմ:

Բժիշկը դեղագիր մ'ալ գրեց եւ Աբիսողոմ աղային տվաւ:

— Նախ այս դեղը պիտի առնես,— ըսավ բժիշկն, որպէսզի վաղը առտու դուրս ելնես եւ վերջը մյուս ջուրը պիտի խմես:

— Եթէ այս դեղէն խմեմ, վաղը առտու անպատճառ դուրս կրնամ ելնել:

— Այո՛, անպատճառ:

— Այս ի՞նչ աղվոր դեղ է... Հապա թէ որ դարձեալ հյուրեր գան եւ զիս խոսքի բռնե՞ն:

— Հյուրերդ ի՞նչ վնաս ունին:

— Ի՞նչպէս վնաս չունին. երկու առտու է, որ դուրս ելնել կուզեմ եւ թող չեն տար. կուգան, երկու ժամ գլուխ կը ցավցունեն: Բայց վաղը առտու անպատճառ պիտի ելնեմ, վասնզի պատկերս քաշել պիտի տամ:

Բժիշկը դարձեալ հարցման ձեւը փոխեց հարցնելով.

— Փորդ ի՞նչպէս է:

— Ամենուն փորին պէս փոր է:

— Պի՞նդ է:

— Ո՛վ գիտէ... Իրավ որ օր մը օրանց հետաքրքրություն ունեցած չեմ հասկնալու համար, թէ պի՞նդ է, թէ ոչ. ո՛վ պիտի նայի անանկ բաներու:

— Աբիսողոմ աղա, ամեն օր մեծ գործ կընե՞ս,— հարցուց վերջապէս բժիշկը ճարը հատնելով:

— Այո՛, այո՛, ամեն օր մեծ գործ կը տեսնեմ:

Ո՛վ մեծագործություն...

Ո՛վ մեծախոսություն...

— Շատ լաւ— պատասխանեց բժիշկն,— եւ վաղն առտու նորէն կուգամ ձեզ տեսնելու:

— Կըլլա:

— Մնաք բարով. հոգ մի ընեք, ձեր տկարությունը քանի մը դեղով կանցնի:

— Շնորհակալ եմ:

Բժիշկն գլխարկն առնելով մեկնելու վրա էր, երբ Աբիսողոմ աղան ըսավ անոր.

— Գրելիքդ չմոռնաս:

Բժիշկը խորհիլ սկսավ, թէ ի՞նչ էր գրելիքը, եւ շուտ մը հիշելով՝ պատասխանեց.

— Այո, այո, միտքս է, լրագրի մը մէջ պիտի գրեմ ձեր անունը: Մնաք բարով:

— Երթաք բարով:

Բժիշկը մեկնելուն պէս Աբիսողոմ աղան ըսավ ինքնիրեն.

— Վախցա, որ բժիշկը կըսէ, թէ «դուն հիվանդություն մը չունիս» եւ շինծու հիվանդ ըլլալս հայտնի կըլլա. բայց պարասպ տեղը վախցած եմ, վասնզի անիկա ոչ թէ միայն չհասկցաւ հիվանդ չըլլալս, այլ ըսավ նաեւ, թէ քանի մը դեղով կանցնի հիվանդությունդ: Էհ, պարոն բժիշկներ, դուք բան մ'ալ չէք հասկնար, եւ մամս իրավունք ունեք բնավ բժիշկ չկանչելու: Ես բան մը չունիմ, տէր բժիշկ,— շարունակեց,— անունս լրագրի մէջ գրել տալու համար հիվանդ եղա...

Այս վերջին խոստովանությունը քիչ մը խենդություն երևցաւ Աբիսողոմ աղային, որ խղճմտանքը հանդարտեցնելու համար ըսավ ինքնիրեն:

Լսողն ալ պիտի կարծէ, թէ հիվանդ չեմ եւ շինծու հիվանդ եղած եմ. քանի մ'օրէ ի վեր է, որ անհանգստություն մ'ունիմ, ոչ կրնամ ուտել եւ ոչ քնանալ, հազ մ'ալ ունիմ, որ գիշերները չքնացնէր զիս:

Ո՛վ փառասիրություն, իրավ է, որ դուն երբեմն խելացիները խենդ եւ խենդերը խելացի կընես...

Արխտողոմ աղան բերանը քիչ մը բան դնելու համար վար իջավ, բայց երբ տեսավ, որ քանի մը հոգիներ նոր եկած էին զինքը տեսնելու, անոնց ձեռքէն խալսելու համար տունէն դուրս ելավ. եթէ այսպէս չընէր եւ ամեն այցելություններն ընդունելու ըլլար, ժամանակ պիտի չունենար ոչ ուտելու, ոչ քնանալու եւ ոչ արթննալու: Արխտողոմ աղան դեռ Պոլիս չեկած՝ իմացած էր, թէ Բերա գաղիական[68] ճաշարան մը կար եւ երեւելի մարդերը հոն կերթային ճաշելու. ուստի տունէն դուրս ելնելուն պէս միտքը դրավ հիշեալ ճաշարանն երթալու: Հազիվ թէ քանի մի քայլ առավ, հիսուն տարեկան նիհար եւ պատռտած հագուստներով մէկը դէմն ելավ:

— Կարծեմ Արխտողոմ աղա հրամանքնիդ էք:

— Այո, եւ եմ:

— Քանի մի վարկեան ձեզի հետ տեսնվիլ կը փափագէի:

— Է:

— Նոր եղանակով, նոր դասագիրքեր հանած եմ, անոնցմէ հարյուրի չափ ձեզի տալ կուզէի. ներեցէք համարձակութեանս, ի՞նչ ընենք, այս համարձակությունը մեզի տվողն ազգն է, որ չքաջալերեր յուր դասատուներն եւ թող կուտա, որ անոնք խեղճ վիճակի մէջ ապրին: Ա՛հ, եթէ այսօր դասագիրքերը չկարենամ քշել, տպարանապետը բանտը պիտի դնէ զիս. դեռ տպագրութեան եւ թուղթի ծախքը վճարած չեմ իրեն, եւ ամեն օր կսպառնա ինձի:

— Դասագիրքն ի՞նչ պիտի ընեմ եւ:

— Ձեր բարեկամներուն կուտաք. կաղաչեմ, խնդիրքս մի մերժէր. վեցական դահեկանէն վեց հարյուր դահեկան կընէ, եւ այդ գումարն ալ ձեզի համար մեծ բան մը չէ:

— Գաղիական ճաշարանն ո՞ր կողմէն կերթցվի:

— Ասկից կերթցվի, սիրով կառաջնորդեմ ձեզի հոն:

— Շնորհակալ կըլլամ:

— Կը քալենք եւ կը խոսինք: Դասատուներն ազգին ծառաները համարված են եւ ամենուն երեսէն ինկած, մինչդեռ անոնք ազգին տէրերն են: Ազգ մը անոնցմով առաջ կերթա. բայց ի՞նչ օգուտ, մեր մէջ քաջալերություն չկա: Դասատու մը այսօր դպրոցի մը պաշտոնի կը կոչվի եւ քանի մօրեն կը ճամբվի, վասնզի հոգաբարձուներէն մէկուն գետնէն բարեւ չէ տվեր: Եթէ քանի մը ամիս պաշտոն վարէ եւ ամսական ուզէ՝ կը վնասովի ամսական ուզած ըլլալուն համար, եւ միշտ սա խոսքերը կը լսէ. «Ազգին ստակովը[69] կապրիք, ազգին վրա բեռ եղած էք. գացէ՛ք, կորսվեցէ՛ք»: Ա՛հ, Արխտողոմ աղա, չէք գիտեր, թէ ինչ կը քաշեն Պոլսո դասատուները. խեղճութեան զենիթը բարձրացած են. չեմ կարծեր, որ ասոնք իմանալէն ետքը դասագիրքերէս հարյուր օրինակ չառնէք:

— Այդ ճաշարանն ասկից շատ հեռո՞ւ է:

— Չէ, մոտեցանք: Միայն դասատուները չեն, որ այս վիճակի մէջ են. խմբագիրները, հեղինակները, տպարանապետները, գրավաճառներն, վերջապէս անոնք, որ գիրքով կգրադին, թշվառութեամբ կը գրադին: Հառաջիմություն կը պոռանք եւ ետ ետ կերթանք, լույս կը պոռանք եւ դէպի խավար կերթանք, աջ կը կոչենք եւ դէպի ձախ կերթանք, ապագա կըսենք եւ դէպի անցեալը կը վազենք: Ո՛հ, մեծ մեծ խոսքեր, իսկ մեծ գո րծ...

Ո՛հ, մեծագործություն...

Ո՛հ, մեծախոսություն...

- Կերակուրներն ի՞նչպէս են այն ճաշարանին:
- Աղէկ են: Հարցուր դասագիրքը տունը դրկէ՞մ, թէ...
- Պատասխանը քանի մ'օրէն կուտամ...

Երկու բանակիցներն խոսելով հասան ճաշարանին առջեւ:  
 – Հրամմեցէ՛ք, մտէ՛ք, Աբիսողոմ աղա:

Աբիսողոմ աղա կը մտնէ ճաշարան եւ չորս կողմը հայելիներէ ուրիշ բան չտեսնելով՝  
 – Միսս կեանք,— կըսէ,— հոս հայելի կը ծախեն:  
 – Չէ, չէ:

Երկու բարեկամներն կը նստին սեղանի մ'առջեւ: Մանչուկը կը բերէ կերակուրներու ցուցակը: Աբիսողոմ աղա թուղթը կառնէ, վրան կը նայի, կը դարձունէ, ետեւի կողմն ալ կը նայի եւ սեղանին վրա կը դնէ:

- Ի՞նչ պիտի ուտե՞ք,— կը հարցունէ դասատուն:
- Միսս կերակուրը կուտեմ եւ: Դասատուն մանչուկը[70] կը կանչէ եւ կերակուր կապապրէ թէ՛ Աբիսողոմ աղային համար եւ թէ՛ իրեն համար:

- Ահա այսպէս, Աբիսողոմ աղա, դասատուներուն այս վիճակը լսելով չէ՞ս ցավիր:
- Չցավիրն ալ խո՞սք է:
- Կը վայլէ՞ ազգի մը այսպէս մութացկանի պէս ապրեցնել յուր վարժապետները:
- Չվայլեր:
- Եթէ կուզե՞ք, գիրքերս այս գիշեր տունը ձգեմ:
- Հիմակու հիմա թող մնա, ուրիշ օր մը խոսինք ստոր վրա:

Մանչուկը կերակուրները կը բերէ. Աբիսողոմ աղան երեսը խաչակնքելով՝ երկու պատաս  
 կընէ եւ կը կլլէ իրեն բերված խորոված միսը. ետքը բարեկամին դատնալով կըսէ.  
 – Կտոր մը միսով մա՞րդ կը կշտանա. զրուցէ՛ սա անպիտանին, որ քիչ շատկէկ բերէ :

Մանչուկը կը կանչվի, եւ բիլավ[71] կապապրվի: Այս միջոցին միջահասակ եւ գիրուկ երիտասարդ մը կը մտնէ ճաշարան՝ ի ձեռին ունենալով ծրար մը եւ ուղղակի Աբիսողոմ աղային առջեւ կուգա:  
 – Կարծեմ,— կըսէ,— Աբիսողոմ աղան տեսնելու պատիվը կը վայելեմ:

Աբիսողոմ աղա բան մը չհասկնալով նոր եկողին երեսը կը նայի անբարբառ: Քովի բարեկամն ալ ձայն չհաներ:

- Կարծեմ,— կը կրկնէ,— այն մեծ մարդուն առջեւ գտնվելու բարեբախտությունն ունիմ, որ մայրաքաղաքս եկած է մեկենաս անվանվելու համար:
- Աբիսողոմ աղան, որ այս ձեւերուն տեղեակ չէր, գոպը կառնէ եւ կսկսի ուտել բիլավն, գոր նոր բերած էր մանչուկը: Սեղանակիցն ալ նոր գրագէտի մը գալն իր գործուն արգելք համարելով չուզեր անոր պատասխանել:
- Կարծեմ, կ'երեքկնէ[72], այդ ազնիվ անձին քովը գտնվելու բախտը կը վայելեմ, որուն անունը քանի մը օր առաջ լրագրի մը մէջ կարդացի:

Աբիսողոմ աղան, որ բիլավով կզբաղեր, դարձեալ պատասխան չտար, եւ նոր եկողը կստիպվի պարզել յուր խոսքն ըսելով.  
 – Աբիսողոմ աղան հրամանքնիդ էք կարծեմ:  
 – Այո՛, եւ եմ:

/ 70 մանչուկը – մատուցող տղա  
 71 բիլավ – փլավ  
 72 կ'երեքկնէ – երրորդ անգամ կ'ըսէ /

Նոր եկողն աթոռ մը կտանէ եւ կը նստի: Մանչուկը կուգա հարցնելու վերջէն եկողին, թէ ի՞նչ կուզէ ուտել:

— Եղի մէջ հավկիթ,— կը պատասխանէ՝ ձեռքի ծրարը քովի աթոռին վրա դնելով: Արիստղոմ աղան բիլավն ալ կը հատցունէ եւ կասկարայի[73] ձուկ կապապրէ :

— Էհ, Արիստղոմ աղա,— կըսէ նորեկը,— մեծ պատիւ, մեծ բախտ կը համարեմ ինծի ձեզի պէս բաբեսիրտ անձի մը սեղանակից գտնվիլս: Ծառաղ ազգային գրագէտներուն ամենէն ետինն եմ, գրեթէ քիչ մ'ալ բանաստեղծ եմ. քանի մը ողբերգություն գրած եմ եւ կուզեմ որ անոնց յուրաքանչյուրէն քսանական օրինակ ձեզի նվեր ընեմ... — Օ՛օօ, Արիստղոմ աղա,— կըսէ երրորդ մը խնդում երեսով Արիստղոմ աղային մոտենալով,— բարի եկած էք:

— Բարի տեսանք:

— Ես ազգային փաստաբաններէն եմ եւ ձեր գալն լսելով փութացի իմ խոնարհ հարգանքներս ձեզի մատուցանել եւ միանգամայն հայտնել, թէ ձեր դատերն ինծի հանձնէք:

— Ես դատ չունիմ:

— Եթէ դատ չունիք, ինչո՞ւ ուրեմն եկաք հոս:

— Ուրիշ գործի մը համար:

— Անկարելի է, որ ձեզի պէս մարդ մը դատ չունենա. ոչ միայն անկարելի է, այլ անպատվություն ալ է. ձեզի պէս մէկը հարյուրներով դատեր ունենալու է, եւ ձեր շնորհիվ քանի մը փաստաբաններ ապրելու են: Եթէ դուք դատ չունենաք անգին աղքատը պիտի ունենա:

— Մէկու մը հետ դատ չունիմ:

— Զարմանալի բան. մէկու մը դէմ դատ բանալու ալ միտք չունի՞ք:

— Բնավ, դատ բանալու պատճառ մը չունիմ:

— Դատ բանալու համար անպատճառ պատճառ մը ունենալու է. մէկու մը դէմ դատ կը բանաք, կը լմննա կերթա:

— Է, ի՞նչ կը շահիմ:

— Դուն չես շահիր, բայց փաստաբանը կը շահի. քեզի համար աղոթք կընէ: Մեծ մարդերն հիմա այնպէս կընեն. փաստաբաններն ապրեցնելու համար իրենց դէմն ելնողներուն դէմ պատվո դատ կը բանան:

— Ես անանկ խայտառակություններ չեմ սիրեր:

— Ես կատակ ըրի, Արիստղոմ աղա. բայց կատակը մէկդի դնենք եւ լրջորէն խոսինք,— ըսավ փաստաբանը ծանր կերպարանք մ'առնելով. լսեցի, որ շոգենալուն մէջ մէկու մը հետ քիչ մը առեր, տվեր էք, եւ այն մէկը ձեր պատվույն դէմ ծանր խոսքեր ըրեր է:

— Ամենեւին:

— Թէ դուք ալ անոր քանի մը խոսք ըրեր էք...

— Բնավ:

— Թէ վերջը ծեծկվութի[74] ելեր էք...

— Անանկ բան մը բնավ եղած չէ:

— Թէ դուք անոր գլխուն զարկեր էք...

- Մուտ է:
- Թէ անիկա ալ ձեզի ապտակ մը տվեր է...
- Բոլորովին սուտ:
- Թէ երբորդ մը մէջ մտեր է...
- Երկրորդ չկա, որ երբորդ ըլլա:
- Թէ քու թեւեղ քաշեր է...
- Միսալ:
- Թէ անոր ալ ձեռքը բռներ է...
- Մուտ:
- Թէ ասանկով զձեզ բաժներ է:
- Բնավ տեղ չկա:
- Թէ դուք այս բաժանումէն գոհ չըլլալով՝ դատ բանալ ուզեր էք:
- Որչա՛փ սուտ:
- Թէ վարպետ փաստաբան մը փնտրեր էք...
- Ամէնն ալ սուտ:
- Թէ զիս կանչել տալ ուզեր էք...
- Ամէնեւին:
- Որպեսզի ձեր դատը պաշտպանեն. եւ ես ալ ստոր համար եկա:
- Ատանկ բան մը չկա:

Այս խոսակցության միջոցին երկու երեք հոգի եւս կուգան՝ ամենն ալ Աբիսողոմ աղային կամ զիրք նվիրելու կամ լրագրի մը բաժանորդ գրելու դիտավորութեամբ, եւ ամենը պատվական ճաշ մ'ալ կրնեն իրենց առաջարկությունները ներկայացնելով: Աբիսողոմ աղան հազար անեծք կարդալով ճաշարանն եկած ըլլալուն վրա՝ մանչուկը կը կանչէ եւ հաշիվը կուզէ: Մանչուկն անմիջապէս կը բերէ հաշիվն, որու գումարն էր քառասուն ֆրանք, զոր տաճկերէն դրամի կը թարգմանեն եւ կըսեն Աբիսողոմ աղային հարյուր յոթանասուն եւ վեց դահեկան[75]:

- Հարյուր յոթանասուն եւ վեց դահեկան'ն... եւ այնչափ բան չկերա:
- Այո՛, դուք չկերաք, բայց ձեզի եկող հյուրերն ալ կերան,— ըսավ փաստաբանն, որու կը վերաբերեր այս դատին պաշտպանությունը:
- Իրավ որ մեծ պգտիկություն եղավ, որ Աբիսողոմ աղան վճարէ մեր ճաշը,— ըսավ մին:
- Այո, ես շատ ամոթով մնացի, մեր պարտականությունն էր անոր կերակուր հրամցնելն,— կրկնեց երկրորդ մը:
- Ներեցէք մեր անքաղաքավարությանն,— ըսավ չորրորդ մը,— ուրիշ անգամ մենք ձեզի կը հրավիրենք ճաշի:

Աբիսողոմ աղան առանց պատասխանելու՝ ստակները համրեց եւ ճաշարանէն դուրս նետեց ինքզինքը՝ որոշելով, որ մէյ մ'ալ ճաշարան չմտնէ :

/ 75 դահեկան — դրամ՝ 8 մանրադրամի արժեքով /



Հետեւինք ուրեմն Աբիստղոմ աղային, որմէ վայրկեան մը չբաժնալեցանք մինչեւ հոս եւ բաժնալելիք ալ չունինք մինչեւ պատմութեանս վախճանը: Ազնիվ ընթերցողն մինչեւ հոս տեսնելով գրեթէ միօրինակ տեսարաններ, որք բնավ հարաբերություն չունին իրարու հետ, քանի մը անգամ մտքէն անցուց անշուշտ, թէ ինչո՞ւ միայն Աբիստղոմ աղային օձիքը բռնել կերթանք եւ մյուս անձերն, անգամ մը ներկայացնելէն ետքը, բոլորովին կը մոռնանք: Այս պակասությունը, եթէ երբէք պակասություն է, մեր վրա գրելու չէ, այլ նյութին բնութեանը:

Ամեն նյութ բնություն մ ունի: Նյութ կա, որուն բնությունն է լալ, նյութ կա, որուն բնությունն է ինդալ, նյութ կա, որուն բնությունն է համոզել, նյութ կա, որուն բնությունն է հուզել, դարձեալ նյութ կա, որուն բնությունն է արձակ, ինչպէս նաեւ կա, որուն բնությունն է ոտանավոր, վերջապէս նյութ կա, որուն բնությունն է կրկնություն... Յուրաքանչյուր նյութ իրեն հաստուկ ընդհանուր բնութենէն զատ ունի նաեւ մասնավոր բնություններ: Եվ որովհետեւ մենք հոս ճարտասանութեան դաս տալու պաշտոն չունինք, համառոտիվ մեր միտքը բացատրենք եւ անցնինք: Մովիերի «Միզանթրոփն»<sup>[76]</sup> ալ կատակերգություն է, «Լէ Ֆաշէոն»<sup>[77]</sup> ալ, բայց ասոնց յուրաքանչյուրն իրարմէ այնքան տարբեր մասնավոր բնություններ ունին, որ Մովիեր չէր կարող «Լէ Ֆաշէոյի» տեսարաններով «Միզանթրոփ» մը շինել, ոչ ալ «Միզանթրոփի» տեսարաններով «Լէ Ֆաշէոն» գրել: Կարծեմ կրկնություն է ըսել, եւ ալ ուրիշ վէպերու տեսարաններով չէի կարող գրել «Մեծապատիվ մուրացկաններս», որոնց բնությունն է աներեւույթ ըլլալ Աբիստղոմ աղային անգամ մը ներկայանալէն ետքը: Կը խոստովանիմ, որ եթէ սույն նյութը Օլիաստիոս<sup>[78]</sup> առնէր, երգիծանք մը կը շինէր, եւ եթէ Մովիեր ձեռք անցունէր, կատակերգություն մը կը հորինէր. բայց մենք, որ սպրելու պէտք ունինք, ստիպված ենք ժամանակին հարմարիլ, շատ անգամ բանթալունէն բաճկոն եւ երգիծանքէն վէպ շինելով:

Այս համառոտ բացատրութենէն ետքը դատնանք Աբիստղոմ աղային:

Աբիստղոմ աղան, ինչպէս կը հիշէ ընթերցողն, տուն դարձաւ՝ շարունակելով յուր բարկությունն, զոր զգացած էր ճաշարանի մէջ ունեցած ինքնահրավեր սեղանակիցներու ն վրա: Տուն դառնալուն պէս իմաց արվեցավ, որ քանի չափ նամակներ դրկված էին իրեն: Վեր ելալ, նամակները մէկիկ մէկիկ բացալ, կարդաց, պատռեց եւ գետինը նետեց: Սենեակին մէջ քանի մը անգամ դառնալէն ետքը հանկարծ կանգ առաւ եւ պրոաց.

*/ 76 Մովիեր գրական-թատերական կեղծանունն է ժան-Բատիստ Պոկլէնի (1621, (կամ 1622) — 1673), որ հռչակավոր ֆրանսիական դրամատուրգ-կատակերգու էր եւ դերասան: Իր ժամանակ առաջադէմ մարդկանց մէկը լինելով՝ Մովիերը բազմաթիվ կատակերգությունների մէջ խարազանում էր արիստոկրատիայի եւ հոգեւորականութեան բարբերը («Շլաստ», «Դոն-Շուան», «Միզանթրոփ», «Տարսյուֆ» եւ այլն) □ Մեծ ազդեցություն է ունեցել համաշխարհային կրմեղիայի զարգացման վրա: Նրա պիէսներից մի քանիսը թարգմանվել են հայերէն*

*77 Լէ Ֆաշէո («Անտանէլիները») և Միզանթրոփ («Մարդասոյացը») ֆրանսիական հռչակավոր դրամատուրգ Մովիերի երկու կատակերգութեան վերնագրերն են: Առաջին գրվածքը թեթեւ կատակերգութեան բալետ է, որի մէջ հեղինակը կարեւոր տեղ է հատկացրել պարին, երգին ու երաժշտութեանը, մասամբ գրված է Լյուդովիկոս XIV-ի պատվերով, գրական խոշոր արժեք չի ներկայացնում. իսկ երկրորդը Մովիերի հանճարի լավագույն գործերից մէկն է, այն տիպի կատակերգություններից, որոնց մէջ ավելի դրամատիզմն է ուժեղ, քան թէ զավեշտը: «Միզանթրոփը» լուրջ քննադատությունն է XVII դարի ֆրանսիական արիստոկրատիայի: Պարոնեանն ուզում է ասել, որ բովանդակութեամբ է որոշվում ձեւը, եւ այդ երկու գրվածքի տարբեր բովանդակությունների համեմատ՝ պէտք է տարբեր ձեւեր ունենան նրանք*

*78 Օլիաստիոս-Հորացիոս (65 թ. -8 թ. Ք. ա.) — համաշխարհային հռչակ վայելող հռոմեական բանաստեղծ. գրել է ներբողներ, նամակներ, երգիծական բանաստեղծություններ, որոնց մէջ վարպետությունը հասցրել է բարձր կատարելության /*

— Աստուծոյ զիս քթէս բռնելով կողոպտե՞լ կուզեն: Սա քաղաքը գալէս ի վեր վայրկեան մը ինքս իմ գլխուս չմնացի. հագիվ մէկը կերթաս, մյուսը կուզաս, ստակ կուզէ. ես սա տեղ ամենուն ստակ կ'տալու համար եկա: Ի՞նչ աներես մարդեր են... այսչափ աներեսություն ոչ լաված բան է, ոչ ալ տեսնված: Եթէ վրնտեմ[79] ըսես, ո՞ր մէկը վրնտելու է, ո՞ր մէկուն հասնելու է. օրականով չորս հինգ հոգի վարձելու է, որ ուրիշ գործ չունենան, միայն եկողները վրնտեն... Եթէ վրնտելու ելնես, այն ստեն ալ բոլոր քաղաքին մէջ պիտի բամբասեն զիս ըսելով, թէ սնքաղաքավար մարդ է, թէ ստակ չունի: Չեմ ալ ուզեր, որ վրաս գէշ խաւի... Աս ի՞նչ փորձանք եկավ գլխուս, Տէր Աստված... Բարով իւերով ոտք չկոխէի սա քաղաքը: Գլուխ ելնելու բան չէ, շուտով աղջիկ մը գտնելու է, շոգենալ մտնելու եւ փախչելու է. սասնք պիտի սնանկացնեն մարդը... Քաշվելու բան չէ սա... Ճաթելու բան է: Աշխատե, արյուն քրտինք թափե, քիչ մը ստակ վաստակե եւ հոս եկուր վարժապետներուն, բաներուն ցովէ. ո՞ր լաված բան է սա...

— Կարծեմ այս իրիկուն բարկացած էք,— ըսավ Մանուկ աղան սենեակին դուռն կամացուկ մը բանալով եւ ներս մտնելով:

— Բարկությունն ալ խո՞սք է. իմ տեղս եթէ ուրիշ մը ըլլար, մինչեւ հիմա բարկութենէ ճաթած էր:

— Ի՞նչ եղավ, հոգի՛ս:

— Ի՞նչ կուզես, որ ըլլա. վայրկեան մը հանգիստ չեն թողուր. տուն կը նստիմ, վրաս կը թափվին, ստակ կուզեն. փողոց կելնեմ, չորս կողմս կպաշարեն, ստակ կուզեն. ճաշարան կերթամ, բոլորտիքս կը շարվին, ստակ կուզեն. եւ ես ստոնց ձեռքին խալսելու համար տունէն փողոց, փողոցէն տուն կը վագեմ: Կաղաչեմ, ստոնց ձեռքէն խալսելու համար ո՞ր ծակը մտնեմ, ըսէ՛ ինձի:

— Իրավունք ունիս. ես չե՞մ հասկնար, ինձի ալ թող տվի՞ն, որ սա թաղականին գործը պատմեմ:

— Քսան նամակ դեռ հիմա պատռեցի:

— Ի՞նչ ըսած էին այդ նամակներուն մէջ:

— Ըսած էին, թէ հետս գալ կուզէին տանս վարժապետություն ընելու համար, թէ գիրք մը ինձի պիտի նվիրեն եղեր, եւ ասոր համար քսան ոսկի տալու եմ եղեր, թէ լրագրի երկու բաժանորդ գրվելու եղեր, թէ... ի՞նչ գիտնամ, ո՞ր մէկը համրեմ, ո՞ր մէկն ըսեմ, դիմանալու բան չէ:

— Անոնք ալ աղքատ են իւեղձերն, ինչ ընեն:

— Ապրելու համար թող ուրիշ գործ մը փնտրեն, արհեստ մը սորվին, վերջապէս ընեն, ինչ որ կուզեն. ես ի՞նչ հանցանք ունիմ, որ կուզան զլուխս կը թափվին, եղբայր. ունեցածս չունեցածս հանեմ, անո՞նց տամ:

— Ի՞նչու անոնց տաս:

— Մարդս քիչ մ'ալ ամչնալու է... չճանչցած մարդուս երթամ եւ բարեւ, Աստծու բարին, ինձի ստակ տուր, ըսեմ... դուն կրնաս ու ըսել:

— Աստված ան օրը չցցունէ:

Սենեակին դուռը նորէն բացվեցավ, եւ քսանհինգ տարեկանի մոտ միջահասակ պատանի մը դողդողուն քայլերով ներս մտավ եւ նամակ մը հանձնեց Աբիսողոմ աղային, որ նամակը չբանալով հարցուց բարկութեամբ.

— Ի՞նչ կուզես, մարդ:

— Մէջը գրված է,— պատասխանեց պատանին թոթովելով:

— Դուրսը մէջը քեզի ըլլա, ի՞նչ կուզես, ըսէ:

— Վաղը իրիկուն ներկայացում մը պիտի տամ իմ հաշվույս համար, եւ ձեր ազնվութեան օթեակի[80] մը տոմսակ բերի:

*/ 79 վրնտել — դուրս անել*

*80 օթեակ — թատերական և այլ հանդիսատեսներում առանձնացրած պատշգամբանման տեղ, սենեակ՝ մի քանի հանդիսատեսի համար (լոժա) /*

- Ես չեմ ուզեր, – պատասխանեց Աբիսողոմ աղան՝ նամակը պատանվույն երեսը նետելով:
- Բռնութեամբ գործ ալ չըլլար, – ըսավ Մանուկ աղան:
- Տասը տարիէ ի վեր, – ըսավ պատանին, – թատերական բեմին վրա կը քալեմ...
- Թող նստեիր, – պոռաց Աբիսողոմ աղան:
- Եվ ազգին ծառայություն կընեմ:
- Աղայություն ընէիր թո՛ղ, ինչո՞ւս պետք իմին, աստոնք պարապ խոսքեր են:
- Իրավունք ունի, աստոնք պարապ խոսքեր են, – կրկնեց Մանուկ աղան:
- Տասը տարիէ ի վեր է, որ բարոյական դպրոցի մը մէջ ազգին վարժապետություն կընեմ:
- Ի՞նչ փույթ ինձի:
- Ի՞նչ փույթ անոր, – արձագանք տվավ Մանուկ աղան:
- Եվ իրավունք ունիմ, կարծեմ, ինձի համար տրվելիք ներկայացման ձեզի պէս ազնիվ մէկն ալ հրավիրել:
- Ես պետք չունիմ:
- Ան պետք չունի, – կրկնեց Մանուկ աղան:
- Եթէ դուք օթեակ մը չէք ընդունիր, որո՞ւ ուրեմն տամ օթեակի տոմսակներն:
- Ուր ուզես, հոն տար. աստ իմ խառնվելու բանս չէ:
- Ատ իր խառնվելու բանը չէ, տղա՛ս, – ըսավ Մանուկ աղան:
- Կաղաչեմ, մի՛ մերժէք այս տոմսակն. եթէ մերժելու ըլլաք, զիս փողոցներու մէջ խայտառակ ընելու պատճառ պիտի տաք:
- Գնա՛ բանդ, ես ձանձրացա այդ տեսակ խոսքեր մտիկ ընելէ:
- Ան ձանձրացավ այդ տեսակ խոսքեր մտիկ ընելէ, – հարեց Մանուկ աղան:
- Ա՛հ, եթէ ասկից ձեռնունայն ետ դառնամ, իմ մահս պիտի տեսնեմ:
- Քեզ մտիկ ընելու ժամանակ չունիմ:
- Քեզ մտիկ ընելու ժամանակ չունի, – ըսավ Մանուկ աղան:
- Մէկ ոսկիի բան է, ընդունեցէք զայն, կաղաչեմ, մեծ հուսով եկած եմ հոս, պարապ ետ մի դարձունէք զիս:
- Դուրս ե՛լ, գնա՛, Աստվածդ սիրես, քե՞զ մտիկ պիտի ընենք հոս:
- Մենեակին դուռը նորէն բացվեցավ, եւ մազերու մէջ ճերմակ ինկած՝ հիսունը անցած մարդ մը ներս մտավ հանկարծ եւ յուր խոսքերն Աբիսողոմ աղային ուղղելով՝
- Չե՛ս խայնիր[81] դուն, – հարցուց:
- Ինչո՞ւ պիտի խայնիմ, – պատասխանեց Աբիսողոմ աղան շվարելով:
- Ինչո՞ւ խեղճ տղան երկու ժամէ ի վեր հոս կապասցնես:
- Ո՞վ կապասցունէ, ո՞վ կուզէ, որ սպասէ, կը փնտտեմ, չերթալ:
- Կը փնտտես, բայց առանց մի ոսկի պարտքդ տալու:
- Ո՞վ պարտք ունի անոր:
- Դուն ունիս. եւ եթէ ան չըսեր ինձի, թէ քեզմէ արնելիքն այս իրիկուն պիտի արներ եւ ինձի պիտի տար, ես չէի տպեր այդ տոմսակներն եւ ներկայացման ազդերը: Երկու ժամ է, որ վարը դռան առջեւ կապասեմ, որ իջնա եւ պարտքը տա, եւ դուն հոս կը խաղցունես խեղճը:
- Աս ի՞նչ է, ես անոր պարտք ունենա՛մ... ամենեւին...
- Ամենեւին, – ըսավ Մանուկ աղան:

— Ես անպատճառ առնելիք ունիմ չըսի քեզի, պարոն տպարանապետ,— ըսավ դերասանը,— այլ ըսի, թե օթեակի տոմսակ մը պիտի տամ, ոսկի մը պիտի առնեմ:

— Ինչո՞ւ ուրեմն խաբեցիր զիս, ստախ՝ ա:

— Որպեսզի ծանուցումները ետ չմնան:

— Ես քու խաղալիքդ եմ:

— Ան քու խաղալիքդ է,— ըսավ Մանուկ աղան:

— Ինչո՞ւ խաղալիքս ըլլաս:

— Թշվառակա՛ն, խայտառա՛կ, անամո՛թ, աներե՛ս...

— Ատոնց ամենն ալ դու ես:

— Դո՛ւ ես:

— Ես չեմ, դու ես:

Ես չեմ, դու ես-ի վրա ծեծկըւուք կը ծագի դերասանին եւ տպարանապետին մէջտեղ, Արիստոմ ու Մանուկ աղաները մեծ դժվարութեամբ կը հաջողին զանոնք իրարմէ բաժնել:

— Վա՛ր իջէք,— պոռաց Արիստոմ աղան զանոնք զատելէն ետքը,— վար իջէք եւ հոն կովեցէք:

— Դուն մեր կովույն խառնվելու ի՞նչ իրավունք ունիս. դուն զիս չես կրնար փոխտել. ես առնելիքս կուզեմ եւ ինձի պարտական եղողն ուր որ գտնեմ, հոն կրնամ մտնել:

— Դուն վար իջիր,— ըսավ դերասանին Արիստոմ աղան:

— Ի՞նչպէս իջնամ. տեսար, որ այքիդ առջեւ ինչեր ըրավ:

— Մինչեւ որ ան չիջնա, ես քայլ մը չեմ առներ,— կրկնեց տպարանապետը:

— Մինչեւ որ ան չհեռանա, ես չեմ կրնար փողոց ելնել,— ըսավ դերասանը:

— Մենք իջնանք ուրեմն, Մանուկ աղա,— ըսավ Արիստոմ աղան:

Դերասանը Արիստոմ աղային ծունկերուն փայթովելով աղաչեց, որ ոսկի մը փոխ տա գոնէ: Արիստոմ աղան շատ ընդդիմացավ, բայց հետո տեսնելով, որ անոնց ձեռքէն ուրիշ կերպով փրկվելու ճար չկա, ակռաները կրճտելով հանեց բարկութեամբ, ոսկի մը տվավ տպարանապետին, որ շնորհակալութիւն հայտնելով դուրս ելավ: Դերասանն ալ ներումն ինդրելով վար իջավ եւ գնաց:

— Ասոր ի՞նչ կըսես, Մանուկ աղա:

— Ըսելիք չմնաց, Արիստոմ աղա:

— Հրամանքդ վար իջիր, դուրը գոցէ եւ ապսպրէ, որ չբանան դուռն:

— Շատ լավ:

— Որպեսզի այս գիշերը գոնէ հանգիստ անցունենք եւ մեր ի՞նչ ընելիքին վրա խորհինք:

— Իրավունք ունիս:

— Շուտ ըրէք, վասնզի հիմա մէկիկ մէկիկ կուգան:

— Հիմա կերթամ:

Մանուկ աղան վար գնաց իրեն տված հրամանները կատարելու, եւ Արիստոմ աղան գլուխը բարձի մը վրա դրավ քիչ մը հանգստանալու համար:

ԺԱ

Արհատում աղան քանի մը ժամ քնացավ բազմոցի վրա: Մակայն դատելով այն ձայներէն, գորս կը բառնար քունին մէջ, կը հասկցվէր, թէ խմբագիրներն, բանաստեղծներն եւ դասատուներն քունի մէջ ալ հանգիստ չէին թողուր զինքն, որ կը պոռար մերթ ընդ մերթ. «գացէ՛ք, կորսվեցէ՛ք, ստակ չունիմ ա՛լ տալու»: Երեք ժամու չափ այսպէս հուզված մրափելէն ետքը մէկէն ի մէկ աչքերը բացավ սահ գոչելով: Կարծես խմբագիր մը անոր կոկորդէն սղմելով խողեր կապառնար զինքն, եթէ չբարեհաճէր յուր թերթին բաժանորդ գրվելու: «Տէր ողորմես, Տէր ողորմես», – պոռաց աչքերը շփելով, – «հանգիստ քուն մնալ չունիմք» :

Հետո ոտքի ելնելով գազը վառեց եւ կանչեց Մանուկ աղան, որուն քիչ մը կերակուր սպասարեց<sup>[82]</sup>: Քառորդէ մը բերվեցավ կերակուրն, որուն հաջորդեց խահվէն, որուն ետեւէն եկավ քունը: Հանվեցավ Արհատում աղան եւ անկողինը մտավ քնանալու համար: Հարկ չէ կրկնել, թէ նույն գիշերն հանդարտ քուն մը չունեցավ: Առավոտուն կանուխ ելավ անկողինէն, երեսը լվաց, հագվեցավ, տունէն դուրս ելավ եւ շիտակ պ. Դերենիկին գործատունը գնաց լուսանկար պատկերը քաշել տալու համար:

Գործատունը դեռ բացված չէր, եւ Արհատում աղան Բերայի փողոցներուն մէջ կը շրջեր, որպէսզի ժամանակ անցնի, եւ գործատունը բացվի: Ժամը չորսին (ըստ տաճկաց) բացվեցավ գործատունը, եւ Արհատում աղան սանդուղէ մը վեր ելնելով մտավ սենեակ մը, որ լուսանկար պատկերներով զարդարված էր եւ ուր պ. Դերենիկ նստած կը կարդար:

– Բարի եկաք, Արհատում աղա, սանկ հրամանեցէք, – ըսավ պ. Դերենիկ՝ սեղանի վրա դնելով լրագիրն: Եվ հետո գրագրին դառնալով նշանացի հրամայեց անոր, որ խահվէ բերեն:

– Ժամ առաջ քաշէք սա պատկերս, որովհետեւ քանի մը մեծ մարդոց այցելություն պիտի ընեմ:

– Շատ լավ:

– Կուզեմ, որ պատկերս փառաւոր կերպով քաշվի: Կուզեմ թիկնաթոռի մը վրա նստիլ, առջեւ ունենալ երկու սպասավոր, մէկ աղախին. այնպէս ըրէք, որպէս թէ ազարակի մը մէջ ըլլամ, ասդին վարուցան, անդին կովերէն կաթ կթեն, ասդին ոչխարներն արածեն, ասդին ցանեն՝ անդին քաղեն, ասդին հերկեն, անդին մածուն շինեն, ասդին ձմերուկ փրցունեն, անդին կարագ շինեն, ասդին սագերը ծովու մէջ լողան, անդին անտառին մէջ փայտ կտրեն, ասդին սայլերով ցորեն փոխադրեն, անդին վերջապէս ինչ որ կըլլա ազարակի մը մէջ, տեսնվի պատկերիս մէջ:

– Այդ ամենը կարելի չէ կատարել. միայն քանի մը սպասավորներ կրնամ կայնեցնել քովի:

– Ինչո՞ւ չըլլար:

– Որովհետեւ անկարելի է:

– Մեծ մարդոց համար ի՞նչպէս կրնէք:

– Անոնք աթոռի վրա նստած կամ ոտքի վրա քաշել կուտան իրենց կենդանագիրը<sup>[83]</sup> :

– Ի՞նչպէս ուրեմն կը հասկցվի անոնց մեծ մարդ ըլլալը:

– Պատկերը մեծկակ<sup>[84]</sup> ու փայլուն կըլլա:

– Իմի՞նչ ալ անանկ պիտի ըլլա ուրեմն:

– Այո՛:


– Ոտքի՞ վրա, թէ նստած:

– Ինչպէս որ կուզէք:

– Դուք ի՞նչպէս կուզէք. ի՞նչպէս հանեմ նե, աղէկ կըլլա :

/ 82 սպասարեց – պատվիրել  
83 կենդանագիր – լուսանկար  
84 մեծկակ – մի փոքր մեծ /

- Ձեզի համար ոտքի վրա կը վայլե:
- Շատ աղեկ. սպասավորներն ալ դէմ:
- Այո՛:
- Ես անոնք չախելու պէս կըլլամ, անոնք ալ առջեւնին կը նային:
- Մքանչելի:
- Ծեծելու պէս կըլլամ զանոնք, եւ վերջը բարկությունս իջած կըլլա:
- Աղէկ խորհած էք:



- Հագուստներս ի՞նչպէս են:
  - Ընտիր:
  - Ուրիշ ժամացույց մը ալ ունիմ, անի ալ կրնա՞նք մէկ կողմերնիս կախել:
  - Մէկ ժամացույցը բավական է, ավելին ավելորդ է:
  - Այս հագուստներուս համար հիսուն ոսկի տված եմ. անոնց խումաշին<sup>[85]</sup> աղէկ եւ ընտիր ըլլալն ի՞նչպէս պիտի հասկցվի պատկերէս:
  - Հոգ մի՛ ըներ, կը հասկցվի:
  - Ընտո՞ր<sup>[86]</sup> պիտի ցուցնես:
  - Հանգիստ եղէ՛ք:
  - Չկարծվի սակայն, թէ երկու ոսկինոց հագուստ է հագածս:
  - Այդ մասին անհոգ եղէ՛ք:
  - Շատ լավ:
  - Ես կերթամ անդիի սենյակն նախնական պատրաստություններս ընելու, քանի մը վայրկենէն հրամանքնիդ ալ հրամանեցէք:
  - Շատ աղէկ:
  - Եթէ կուզէք, մինչեւ որ անդիի սրահը մտնեք, սափրիչ մը կանչել տանք, որ գա մազերդ ու բերդդ սանտրէ, շտկէ ու շտկոտէ<sup>[87]</sup> :
  - Աղէկ:
- Գործարանի պաշտոնյաներէն մին վազելով կերթա սափրիչ մը բերելու:

/ 85 խումաշին – թանկագին կերպաս  
 86 ընտո՞ր – ի՞նչպէս  
 87 շտկոտել – ուղղել, կարգի բերել /

Քանի մը վայրկյանն են կուգա սափրիչն, որ գլուխն ծռելով եւ ետ-ետ երթալով հարգանքներ կը մատուցանէ Աբիսողոմ աղային:

— Եկուր սա մազերս շտկէ, նայինք,— կըսէ Աբիսողոմ աղան:

— Պարտքերնիս է,— կը պատասխանէ սափրիչը:

— Աղէկ մը շտկէ, որովհետեւ պատկերս հանել պիտի տամ:

— Գլխուս վրա: Ա բ...

— Ես շատ կարեւորություն կուտամ գլխուս:

— Ինչո՞ւ չտաք, վստահատիվ տեր... Ա իս... Եթէ դուք չտաք, ո՞վ տա: Ա իս... երանի թէ ես ալ ուրիշ մտմտութեամբ [88] չունենայի ես...

— Շտկոտէ նայինք:

— Գիտեմ, որ ես հանցավոր եմ ձեզի բարի եկաքի չգալուս համար, բայց ի՞նչ ընեմ...

պարագաները թող չտվին, որ կարենայի կատարել այդ պարտականությունս եւ այսօր երեսունենայի, աղաչէի ձեր վստահության, որ...

— Վերջը կը խոսինք, սա մազերս սանրէ... մարդը կսպասէ ինձի:

— Վնաս չունի, անիկա կսպասէ: Աղաչելու ձեր վստահության, եթէ կարելի է, հիսուն վաթսուն ոսկի մը... ես ալ ազգային սափրիչ մ եմ:

— Ի՞նչ ըսել է հիսուն վաթսուն ոսկի...

— Կը խնդրեմ, մի բարկանաք, հիսուն վաթսուն ոսկի փոխատվություն մ ընեիք ինձ, որպէսզի այդ գումարն Փարիզ դրկէի տղուս, որ այդ գումարով պարտքերը տար ու բժշկութեան վկայական առնէր, գար ու քանի մը տարիէն վաստկեր ու տոկոսովն ձեզի հատուցանէր: Բայց ինչ օգուտ, որ այսօր երեսուննիստ ասանկ առաջարկություն մը ձեզի ընելու, որովհետեւ բարի եկաքի չեկա ձեզի: Եթէ բարի եկաքի եկած ըլլայի ձեզի, համարձակություն կունենայի ձեզի աղաչելու, որ սա պզտիկ խնդիրքս կատարեիք, բայց քանի որ բարի եկաքի չեկա ձեզի, դուք ալ իրավունք ունիք խնդիրքս մերժելու, թեւ ազգային արհեստավոր մ ըլլամ:

— Հիմա ստանկ խոսքեր մտիկ ընելու ժամանակ չունիմ, ինչ որ պիտի ընես նե, ըրէ...

Աս ի՞նչ տարօրինակ քաղաք է. բարեւ, Աստծու բարին՝ բարաւ [89] տուր... Մէկու մը բարեւ տալու չէ... Տէր ողորմեա... Տէր Աստված, մեղա... Ամէն բան սահման մ ունի, էֆէնտիմ... Հասկցա... Ժամ առաջ փախչելու է այս քաղաքէն...

— Կերելի թէ էֆէնտին բարկացուցած են,— ըսավ՝ ներս մտնելով տարիքը հիսունին եւ վաթսունին մէջ կորսված քահանա մը:

— Աս չքաշվիր, տեր հայր:

— Ողջույն օրինած. թեպէտ եւ դուք զիս չէք ճանչնար, բայց ես ձերին ով ըլլալն շատ լավ գիտեմ... ի՞նչպէս է, պատվական քեֆերնիդ աղէ՞կ է:

— Շիտակը՝ աղէկ չէ:

— Աստված չընէ. Աստուծով քիչ աստենէն ավելի աղէկ կըլլա: Ձեզի հետ քիչ մը առանձին մնալ կուզէի: (Սափրիչին) Քիչ մը դուրս կելլա՞ք: Ես քեզի համար ալ կը խոսիմ, էֆէնտիէն կը հասկնամ խնդիրքդ եւ ես ալ կը բարեխոսեմ, որ ի նպաստ քեզի բան մ ընէ: Էֆէնտի, սափրիչնիս ալ, գիտէք ա՞, ազգայիններէն է, անոր ալ երակներուն մէջ Հայկա արյունը կ'եռա, անտես ընելու չէգանտնք ալ... (սափրիչը կերթա): Ձեզի հետ մասնավոր եւ առանձին տեսակցություն մ ընել ուզելուս պատճառն սա է, որ հրամանքնիդ կարգվիլ կուզէք եղեր... եւ ինչո՞ւ չկարգվիք: Իմացա նե, շատ ուրախացա, եւ ինչո՞ւ չուրախանայի: Ձեզի պէսներն կարգվելու են, որ ազգերնուս մէջ հարուստ աղայք շատնան: Աղվոր աղջիկ կը փնտրէք կոր եղեր... եւ ինչո՞ւ չփնտրէք. ես ալ ձեր տեղն ըլլայի նե, ես ալ կը փնտրէի: Մտակ ալ կուզէք կոր եղեր քիչ մը... ինչո՞ւ չուզէք, առանց ստակի կարգվիլն ալ, շիտակը, աղէկ բան մը չէ: Այդ ես իմ ձեռքիս տակն ունիմ անանկ աղջիկներ, որ թէ աղվոր են եւ թէ հարուստ:

/ 88 մտմտութեամբ — հոգու

89 բարա — փող /

— Շնորհակալ եմ, օր մը կը նայինք, այքէ կանցունենք զանոնք: Եթէ կուզէք, քիչ մը սպասեցէք, սա պատկերս քաշել տամ ու երթանք: Շիտակը խոսելով՝ ես ուրիշ գործ չունիմ հոս, աղջիկ փնտրելու եկած եմ. քանի մ'օր պիտի մնամ... Եթէ կրցի գտնել, կարգվիմ պիտի հետն ու առնեմ, պիտի երթամ, եթէ չգտնեմ, դարձեալ պիտի երթամ, որովհետեւ հոս հանգիստ չեն թողուր զիս վայրկեան մը. ալ ձանձրացա:

— Իրավունք ունիք, ժամանակներն ալ գէշ են, Էֆէնտիս, դրամական տագնապ, տագնապ դրամական ամենուրեք կը տիրէ, ազգին աղքատները շատ են: Ինչ որ է, կապասեմ ձեզի ու ի միասին կերթանք:

— Սա անպիտանն ալ մազերս շտկելու համար եկալ ու...

Այս միջոցին պ. Դերենիկ ներս կմտնէ ու

— Հրամայեցէք, — կըսէ, — սրահը:

— Բայց մազերս...

— Հոգ չէ, ես կը սանտրեմ:

— Բայց բեղերս...

— Վնաս չունի, ես կը շտկեմ:

Պ. Դերենիկ Արիստոտել աղային կատաղնորդէ լուսանկարի սրահը:

Քահանան առանձին կը մնա եւ կսկսի մտքովը հետեւեալ խորհրդածութիւններն ընել: Բայց ի՞նչպէս կրնանք մտքով եղած խորհրդածութիւններն գուշակել. դէմքէն անշուշտ. դէմքերը շատ անգամ կը խոսին. ինչպէս հարուստներուն, նույնպէս նաեւ աղքատներուն լեզուն շատ անգամ անոնց դէմքին վրա է: Մէկու մը դէմքը նայելով կրնանք ըսել

— Այս մարդն ի՞նչ ստակ ուզելու եկած է, կամ այս մարդն ինձի ստակ տալու եկած է:

Քահանային դէմքն ալ կըսեր. «Ի՞նչ ճանփա բռնեմ, որ սա ձմեռվան սծուխիս ու փայտիս ստակն սա մարդէն փրցնեմ»<sup>[90]</sup> :

Քահանան այս խորհրդածութեանց մեջ էր, երբ սափրիչն ներս մտալ նորէն ու քահանային ըսալ.

— Տէր հայր, գործս ավրեցիր<sup>[91]</sup> եթէ ներս չմտնեիր, քանի մ' ոսկի պիտի փրցնէի այս մարդէն. տվող է՝ կըսեն կոր, տվող. բոլոր խմբագիրներուն եւ դասատուներուն ստակ տվեր է:

— Եղբայր, անոնք չէ՞ն մի, որ պատճառ կըլլան կոր, որ մեզի պէս աղքատները չեն կրնար կոր օտարականներէ ստակ փրցնել: Հյուր մը եկա՞մ մի, բոլոր խմբագիրներն ու դասատուները վրան կը թափին կոր... անիծեալ գարշելիներ...

— Ի՞նչ պիտի ընենք հիմա:

— Ես քեզի համար կբարեխոսեմ, դուն ալ ինձի համար միջնորդէ, գոնէ մէյմէկ<sup>[92]</sup> կտոր բան փրցնենք սա մարդէն:

— Շատ աղէկ:

— Հիմա հոս պիտի գա, ես անոր ականջն ի վար կըսեմ, որ այս սափրիչը գոհ ըրէ, որովհետեւ շատ հարուստ տուներ կը մտնէ, կելնէ եւ կրնա, եթէ ուզէ, գործդ ավրել:

— Գործը ի՞նչ է:

— Հարուստ աղջիկ մը կը փնտրէ կոր:

— Աղէկ: Ես ալ կըսեմ, որ քահանայէն զատ մէկու մը մի՛ վստահիր:

— Շատ աղէկ:

— Աս աղէկ ճամբա է:

— Միամիտին մէկն է:

— Այո՛, դյուրահավան է, բայց կողոպտեր են մարդը, Էֆէնտի՛մ, կողոպտեր են. մենք շատ ուշ հասանք:

*/ 90 փրցնել — պոկել  
91 ավրել — խանգարել, փչացնել  
92 մէյմէկ — մի մի /*



- Աբխաղոմ աղան զվարթ դեմքով կը դառնա սենեակն՝ ուր քահանան սափրիչին հետ կխոսեր:
- Ներեցէ՛ք, Աբխաղոմ աղա, – կրսէ սափրիչն, – ձեզի այդ խնդիրքն ընելու համար. սակայն ես կարծեցի, թէ կրնայի իմ կողմէս ես ալ ծառայություն մ'ընել ձեզ:
  - Աբխաղոմ աղա, պէտք է գիտնալ որ, – կրսէ քահանան, – մեր սափրիչ էֆէնտին գրեթէ մայրաքաղաքիս բոլոր հարուստ տուները կը մտնէ, բոլոր աղջիկները կճանչնա:
  - Ի՞նչ կրսէք:
  - Այո՛, ինքն ալ բարի մարդ մ'է, կատարեցէք խնդիրքը, մեղք է:
  - Արժանապատիվ հորէն մի գատովիք, եթէ անանկ միտք մ'ունիք. տէր հոր ձեռամբ կարգված երիտասարդներն միշտ գոհ մնացած են: Ուրախ եմ, որ ձեր գործը տէր հոր պէս բանիբուն եւ գործունէա քահանայի մը ձեռքն ինկած է, վստահ եղէք, որ երջանիկ պիտի ըլլաք ձեր ամուսնութեան մէջ:
  - Բայց դուք ալ պիտի օգնէք ինձի, տէր սափրիչ, – կը հարէ քահանան:
  - Ես ի՞նչ բանի կարող եմ...
  - Ձեր աջակցությունն ալ պէտք է:
  - Կընեմ, ինչ որ կարող եմ ընել:
  - Շնորհակալ եմ: Աբխաղոմ աղան օտարական չէ, ազգային է, կարգվելու համար եկած է հոս. մեր պարտքն է օգնել իրեն:
  - Հարկավ: Աբխաղոմ աղային հետ ատելություն մը չունիմ ես, մանավանդ թէ ինքը շատ բարի ու առաքինի մարդ մ'է:
  - Երեսին խոսիլ չըլլա, ընտիր մարդ մ'է:
  - Պատվական մարդ է:
  - Վրան նայեա նէ, կրսես, որ քիպարությունը<sup>[93]</sup> վրայէն կը վազէ կոր:
  - Ո՞վ կը պնդէ հակառակը, ես անոր թշնամին չեմ:
  - Այսինքն թէ որ քեզի այլ հարցվի նէ, բարի վկայություն տաա:
  - Անշուշտ:
  - Աբխաղոմ աղան չի<sup>[94]</sup> մարդ չէ, քեզի կվարձատրէ վերջը:
  - Գլխուս վրա, գլխուս վրա: Ա՛խ, տղուս վկայականն առնվեր անգամ մը:
  - Հինգ օրէն ետքը, Աբխաղոմ աղա, հինգ օրէն ետքը պատրաստ են պատկերներդ, – ըսավ պ. Դերենիկ ներս մտնելով:
  - Շատ աղէկ, – պատասխանեց Աբխաղոմ աղան ու գործարանէն վար իջավ ընկերակցութեամբ քահանային ու սափրիչին:

*/ 93 քիպարություն – ազնվություն, վեհանձնություն*

Տիկին Շուշան, գոր ընթերցողն մոռցած չէանշուշտ, Աբիսողոմ աղային տունէն տեղեկացած էր, թէ... քահանան Աբիսողոմ աղան գտնելու համար պ. Դերենիկի գործատունն գացած էր: Ուստի որսն քահանային հափշտակել չտալու համար՝ հեւալով կը վազեր դէպի ի պ. Դերենիկի գործարանը, ուր կը հասներ ճիշտ այն վայրկենին, որում քահանան սափրիչն վարպետութեամբ ճամփելէ հետո՝ Աբիսողոմ աղային կբարեխոսէ հետեւեալ կերպով. «Ներեցէք, որ քիչ մ'ուշացա ճշմարտությունն ձեզի հայտնելու սափրիչի մասին: Այս սափրիչը աներես մարդ մ'է, բոլոր Պոլիս եկողներուն օձիքէն կբռնէ եւ անոնցմէ ստակ կորզելու կաշխատի: Անպիտանին մէկն է: Իմ պարտքս է, որպէս խոստովանահայր, գգուշացնել զձեզ այս կարգի մարդերէն, որք միմիայն քանի մը ոսկի հափշտակելու նպատակով կը մոտենան հարուստներուն: Ո՛րքան կատեմ այդ մարդերը»:

- Շնորհակալ եմ ձեր բարեսրտութենէն եւ մարդասիրութենէն:
- Երես մի տաք այդ մարդոց:
- Ո՛չ:
- Տէր պապա[95], դու ի՞նչ գործ ունիս Աբիսողոմ աղային հետ,— կը հարցնէ տիկին Շուշանն, որ, ինչպէս ըսինք, հեւալով հասած էր:
- Պզտիկ գործ մը:
- Ոչ, բնավ գործ պիտի չունենաս դուն անոր հետը. դուք ձեր պարտքը կատարեցէք եւ թող տվէք, որ մենք ալ մերինը կատարենք. ալ խպնեցէ ք քիչ մը: Երթանք, Աբիսողոմ աղա:
- Ո՛չ, դուք խպնեցէք քիչ մը, մենք Աբիսողոմ աղային հետ պզտիկ գործ մ'ունինք. երթանք, Աբիսողոմ աղա:
- Եվ քահանան Աբիսողոմ աղային ձախ թեւէն կը քաշէ:
- Տէր պապայի մը չվայլեր ըրածդ:
- Լռէ՛:
- Չպիտի լռեմ:



- Թո՛ղ տվէք թեւերս:
- Թող չեմ տար,— կը պատասխանէ տիկին Շուշան,— իմ իրավունքս է:
- Ոչ, իմ իրավունքս է:

- Քանի մը հարյուր դահեկան առնելու համար կուգես, որ խեղճ մարդը թշվառ ընես. դուն աղջիկ չես ճանչնար :
  - Մի պոռաք. պիտի թողում, որ կողոպտեք այս ազնիվ մարդն, այնպես չէ՞:
  - Ինչո՞ւ կրիվ կրնեք, ամոթ չէ՞... ես չեմ ուզեր աղջիկ:
  - Չըլլար, — կը պատասխանէ տիկին Շուշան, — մենք քեզի աղջիկ մը պիտի գտնենք. բայց թէ որ տեր պապային ձեռքով աղջիկ փնտրես, գիտցած եղիք, որ պատիվդ մէկ ստակի[96] կըլլա:
  - Ընդհակառակն, քահանայի ձեռամբը աղջիկ փնտրողն է պատվավորը: Երթանք, Աբիսողոմ աղա:
  - Թող չեմ տար:
  - Երթանք, Աբիսողոմ աղա:
  - Թող չեմ տար, որ երթա. ես անոր աղջիկներ պատրաստած եմ, աղջիկտեսի պիտի երթանք:
- Այս տեսարանը տեղի կունենար պ. Դերենիկի գործատան[97] առջեւ, եւ անցնողներէն պզտիկ խումբ մը հանդիսականի պաշտոն կը վարէր անդ, երբ Մանուկ աղան ստիպված Աբիսողոմ աղան անպատճառ գտնելու՝ եկավ հոն, տեսավ Աբիսողոմ աղան, որուն մէկ թեւէն քահանան եւ մյուս թեւէն տիկին Շուշան կը քաշէր, եւ մէկդի քաշելով զայն՝ քանի մը ծանր խոսքեր ուղղեց քահանային եւ տիկին Շուշանին եւ հեռացուց զանոնք:
- Ա՛հ, — ըսավ Մանուկ աղան Աբիսողոմ աղայի դառնալով, — հանցանքը ձերն է, ամէնուն երես կուտաք. ասոնք միմիայն քեզմէ օգտվելու համար կը մոտենան քովի:
  - Իրա՞վ կըսէք:
  - Ինչո՞ւ սուտ պիտի զրուցեմ: Կարգվիլ կուգես, լավ. ես գտնեմ քեզի աղջիկներ, ընտրե՛ եւ ուզածդ առ:
  - Աղէկ ըսիր:
  - Պատվավոր ընտանիքէ՛ աղջիկներ ցուցնել տամ քեզի:
  - Ցուցո՛ւր:
  - Միջնորդով աղջիկ փնտրելու ժամանակը անցած է հիմա:
  - Այդպէ՛ս է:
  - Մինչեւ անգամ ամոթ է:
  - Ամոթ է նէ, չուզեր:
  - Ես քեզի աղջիկ կը հավնեցնեմ:
  - Շնորհակալ եմ:
  - Տուր ինձի դուն սրկեց հիսուն ոսկի:
  - Մա՛ի նչ ըսել է:
  - Տուր դուն ինձի հիսուն ոսկի:
  - Ի՞նչու տամ:
  - Ա՛ստվա՛ծ, տուր կըսեմ կոր նէ, հարկավ բան մը գիտեմ կոր. տեր ողորմես, պիտի առնեմ, չպիտի փախչիմ յա:
  - Չպիտի փախչիս, բայց...
  - Կը վախնաս ս կոր ինձի հիսուն ոսկի տալու, արդեն այքան գումար մը պահանջող եմ ես քեզմէ, ձեզի համար այնքա՛ն ծախքեր ըրած եմ:
  - Այնքան ծախքե՛ր... ի՞նչ ծախքեր են անոնք...
  - Մէկիկ մէկեկ չպիտի գրենք ա՛, տիկինը գիտէ: Բայց թողունք այդ խնդիրը հիմա:
  - Ո՛չ, չթողունք այս խնդիրը. հիսուն ոսկի... քա՞նի օր եղավ որ...

/ 96 ստակ — դրամ  
97 գործատուն — արհեստանոց /

— Մէկու մը պարտք ունէի, այսօր եկաւ, նեղը խոթեց զիս, եւ եթէ այդ գումարը չվճարեմ, տունէն պիտի հանեն մեզի: Ասիկա ինձի համար ամոթ է, քեզի համար ալ պատկաբեր բան մը չէ: Տուր սա հիսուն ոսկին, հաշիվը կը կարգադրենք վերջը:

— Ի՞նչ խայտառակություն է սա...

— Աղջիկ գտնամ նէ, միջնորդէք[98] չպիտի ուզեմ ես քեզմէ. տուր սա հիսուն ոսկին:

— Ինչո՞ւ տամ... ի՞նչ ըրի ես քեզի...

— Կցավիմ, որ խոսք չէք հասկնար կոր. քեզի ինչ կըսեմ կոր նէ, ան ըրէ. ինչո՞ւ չէս տար կոր սա հիսուն ոսկին:

— Չեմ տար, տունէդ ալ կելնեմ, կերթամ:

Եվ խոսելով դէպ ի տուն կը քալէին:

— Հիսուն ոսկին ալ մեծ բան մ'ըլլար, որ չէք ուզեր կոր տալ: Իրավ որ ես ձեզմէ չէի հուսար:

— Հուսացէ՛ք:

— Ձեր քիպարութեանը չէի ձգեր, որ հիսուն ոսկիի խոսքն ընէք:

— Մտրուկներս կառնեմ, կերթամ ես:

— Կրնաք երթալ, բայց հիսուն ոսկին տալէն ետքը:

— Չեմ տար:

— Կուտար:

Կհասնին Ծաղկի փողոց, ուր եկած էին նաեւ քահանան, սափրիչն ու տիկին Շուշան:

— Գնացէ՛ք, մէկդի գացէք, երեսնիդ տեսնել չեմ ուզեր,— պռոսաց Աբիսողոմ աղան տեսնելով զանոնք:

Հետո դուռը զարկաւ, ներս մտաւ եւ սկսավ սնդուկները կապել ի զարմացումն տան տիկնոջ:

— Ինչո՞ւ կը ժողվըվիք կոր, Աբիսողոմ աղա,— հարցուց տան տիկինը:

— Երթամ պիտի, պիտի երթամ: Միտքս փոխեցի. չպիտի կարգվիմ:

— Բարկացուցի՞ն՝ ձեզի:

— Ո՛չ:

— Ինչո՞ւ ուրեմն բարկացած էք:

— Բարկացած չեմ:

— Քուզում[99] Աբիսողոմ Աղա, Մանուկ աղան հիսուն ոսկի պիտի ուզեր քեզմէ, ուզե՞ց:

— Ուզեց:

— Միսավունք մ'է եղեր:

— Միսավունք է եղեր:

— Այո՛, հիսուն ոսկի չպիտի ըլլա, այլ հարյուր հիսուն ոսկի: Մաբարությունն ըրէ՛ մեզի: Դուն քիպար մարդ ես: Մենք ալ քու սայէ-էդ[100] պարտքէ կազատինք:

Աբիսողոմ աղան սնդուկները կապելն, փողոց ցատկելն, երեք բեռնակիր բերելն ու սնդուկներն դուրս հանելն մէկ կընէ:

Սափրիչը, քահանան, տիկին Շուշան եւ Մանուկ աղան կը հետեւին իրեն մինչեւ...

հյուրանոցի դուռը: Ուսկից կը մտնէ Աբիսողոմ աղան, եւ կհետանան իրեն հետևողները:

Բացի Մանուկ աղայէն, որը կընկերանա Աբիսողոմ աղային հաշիվները կարգավորելու համար:


/ 98 միջնորդէք — մի գործ հաջողեցնելու համար միջնորդություն

99 քուզում — սիրելի

100 սայէ-էդ — հովանի, պաշտպանություն /

Այն օրէն ի վեր Աբիսողոմ աղան տեսնող չեղավ. միայն թէ քանի մը շաբաթներ նույն հյուրանոցին դռան առջեւ կտեսնվէին խմբագիրք, հեղինակք, բանաստեղծք՝ իրենց թեւի տակը թղթեա ծրարներ ունենալով:

Այսպէս ուրեմն, կարգվելու նպատակավ Պոլիս եկողն աղջիկ մ'իսկ տեսնելու ժամանակ չունեցավ եւ, ինչպէս կըսեն, բուրդ ու բապուճ փախսով[101] մայրաքաղաքէս: Բայց անջնջելի հիշատակ մը թողուց գրական մարդոց մտքին մէջ:



Երբ երկու երեք հեղինակք մեկտեղին, «ինտոր փախցուցիւք սա Աբիսողոմ աղան» կըսեն ու կը խնդան քիչ մը:


Իսկ երբ դրամական տագնապի մէջ գտնվին,— «Աստված, Աբիսողոմ աղա մը դրկէ մեզի»— կըսեն եւ իրենց մտքով սլ կը հավելուն.— խնդրեցէք զԱբիսողոմ աղան, եւ ամենայն ինչ հավելցի ձեզ[102]» :

Մեծատուններն ալ կհիշեն Աբիսողոմ աղան, երբ գրական մարդ մը անոնց մեկենասությունը խնդրէ:

Աբիսողոմ աղա չենք մենք, կըսեն :

Իսկ մենք, որ ներկայացած չենք Աբիսողոմ աղային, կը հրատարակենք սույն գործն ոչ այնքան մեղադրելու նպատակավ ազգային խմբագիրներն, հեղինակներն, բանաստեղծներն եւ այլն, որքան ներկայացնելու համար սպազա սերնդեան՝ ժամանակիս գրագէտներու ողբալի կացությունն եւ գրականութեան մասին ազգային մեծատուններու սարսափելի անտարբերությունը:

/ 101 բուրդ ու բապուճ — հողաթափ, չուստ: Այստեղ բուրդ ու բապուճ փախսել — օձիքն ազատելով փախսել  
102 խնդրեցէք զԱբիսողոմ աղան, եւ ամենայն ինչ հավելցի ձեզ — որոնեցէք Աբիսողոմ աղային, եւ ամէն բան կտրվի ձեզ /



Աղբյուրը՝

[https://hy.wikisource.org/wiki/%D5%84%D5%A5%D5%AE%D5%A1%D5%BA%D5%A1%D5%BF%D5%AB%D5%BE\\_%D5%B4%D5%B8%D6%82%D6%80%D5%A1%D6%81%D5%AF%D5%A1%D5%B6%D5%B6%D5%A5%D6%80%D5%A8](https://hy.wikisource.org/wiki/%D5%84%D5%A5%D5%AE%D5%A1%D5%BA%D5%A1%D5%BF%D5%AB%D5%BE_%D5%B4%D5%B8%D6%82%D6%80%D5%A1%D6%81%D5%AF%D5%A1%D5%B6%D5%B6%D5%A5%D6%80%D5%A8)

Գրքի մեկ այլ հրատարակչություն՝ տպագրված 1981 թվականին Վենետիկում

